

**SPEAKER** : Mifel duhthusam chu thil tha chauh a ni a, mi suaksual hmachhuan erawh chu thinurna a ni.

Thufingte 11:23

Zawhna kan la nghal ang a, Starred Question No. 201-na zawt turin Member zahawm tak Pu R. Lalzirliana i lo sawm ang.

**PU R. LALZIRLIANA** : Pu Speaker, ka lawm e. PHE changtu Minister zahawm tak chhan atan Starred Question No. 201-na - (a) Lungchhuan khua Public Water Tanky engzata siam nge ? (b) A siam hna hi Departmental-a thawh nge contractor hmanga thawh ? (c) Contractor hmanga thawh a nih chuan tunge contractor hming leh a address ? (d) Contractor hmanga thawh a nih chuan he hnathawk tur hian Tender koh a ni em ? (e) Tender hmanga thawh a nih chuan engtik laiin nge Tender koh a nih ? tih ka zawt e.

\*Speech not corrected.

**SPEAKER** : Chhang turin PHE changtu Minister zahawm tak Pu Tawnluia ilo sawm ang.

**PU TAWNLUIA MINISTER** : Pu Speaker, Member zahawm tak zawhna (a)-na chhanna chu - Lungchhuan khua tuilak hi Rs. 44,10,000/- hmanga thawh a ni. (b)- chhanna chu - A siam hna hi a then Departmental work a ni a, a then contractor hnenah pek a ni. (c) chhanna chu - Contractor hming leh address leh a hnathawhte chu - (i) Sangluta, Lungchhuan - Construction of Slow Sand Filer - Rs. 2,80,000/- (ii) Thangmawia, Lungchhuan - Construction of Security Fencing of Impounding Dam, Rs. 2,79,000/-. (iv) Thanzuala, Lungchhuan - Construction of Stone Masonry Chamber at Lungchhuan (4 Nos) Rs. 31,000/- (v) Sawikunga, Lungchhuan - Construction of Cement Concrete Platform (9 Nos.) - hemi siam man tak hi tunah chuan kan pe mai thei lova. (d)- chhanna chu - Tender loha hna hi Contractor hnena pek a ni. (e)-chhanna chu - Tender koh a ni lo.

**PU R. LALZIRLIANA**

: Pu Speaker, ka zawhna ni chiah lemlo kha a tam a, kan zawhna tak a kha chu Public Water Tank khi a ni a, khawchhunga siam a khi a ni a. Chu

chu ka hriat danin Departmental-a thawh niin ka hria a. Amaherawhchu chumite chuan agency an nei leh ni ngei tur a ni a, Sangchhuana hi nge tunge ka hre lova. Helaia Water Tank tak hi, hei hi a man tam tak a ni a, kan hria a. Chutiang ni si tui tling thei reng reng lo, Vaimim engemaw hlo vel mai mai a to a ni a, tunah tak hi chuan, tun darkarah hian ka hre lova, siamthat a ni tawh em tih kha ka zawt duh a. Hetiang anga Departmental-a kan pek hian a enzuitu tur ber, a supervisor ti tur hi Deparment mi an ni a. Chumite chuan an supervise thei miah lova, supervise tur an awm chuang lova, hetiang anga thil kan tih hi a pawina a lo awm ta a ni. Tunah hian an tuar hle a ni tih Minister zahawm tak hi ka hriattir duh a. Heng hi an lo enzui thei angem tih kha ka'n zawt duh mai a ni e.

\*Speech not corrected.

**PU D. THANGLIANA**

: Pu Speaker, zawhbelhna, Saitual bialtu zahawm tak khan ka bial chhung hnathawh chungchang zawhna a rawn siam a, a lawmawm khawpin

ka hria a. Lungchhuan khaw chungah khian fur ruahtui tla ring tura tui hi khuah sak an ni a, keipawh a hmunah ka han kal tawh a, khi khi an ruahman anga tihputlin khi chuan tuilak tur, tlang atang khan gravity ang deuh khan an lathla thei dawn a, a tha khawp mai a, khua pawh an lawm a. Amaherawhchu, zawhna neituin a sawi ang khan tui kha, khi a lei khi, a hmunah ka han kal a, kan han en a, lei thawrawing deuh a lo ni a, an khuah phung hrim hrim a khi a chhia pawh ni hranpa lovin, furah ruahtui an tla a, reilo te an tling kha a putral thei tlat mai a. chuvang chuan khilai a khi tuitling thei turin Department lampang hian min tihsak thei sela a lawmawm khawpin ka'n ring a. Tui harsatna hmun kan ni a, hei hi kan Minister zahawm tak pawh hian min lo chhinchhiah sak thei sela, a tui tlin theihna tur atana concrete emaw a min tihsak theih chuan sum tam tak hi chu a ngai tawh lo turah kan ngai a. Hei hi min tihsak thei angem ? tih lai a kha ka'n zawt belh a ni e.

**SPEAKER**

: Pu Vanlalthaliana, Lungchhuan tuilak a nih kha kan zawhna.

**PU VANLALTHALIANA**

: Pu Speaker, a in concern, a in relevant thoin ka hria a. Thal chhungin Mizoramah tui kan

.....1010/-

harsa thin a, emergency water supply scheme hmangin PHE Department in truck-in tui min chawi sak thin a, mi tlawmngai, truck nei ten min chawi sak thin a. Tunah hian bill tam tak ba pek loh a awm a, hei hi Sorkarin a ngaihtuah sak thei dawn em tih ka zawt duh a ni.

**PU LALDUHOMA** : Pu Speaker, hmanna demand kan sawiho nia contractor pakhat Pu M.C. Fala, hnathawk silo Department-in an siamrem sak ta tih kha Minister min chhan dan kha a ni a, cheng engzat man chiah nge contract hi pek a nih a, hna a thawk miah lo nge, a thawk ve nelnual nge, engtingge Department nen an insiamrem tak mai. Tikhan a fanghma no ei ta mai em ni ? An siamrem dan chiah kan va hre chak ve.

**SPEAKER** : Relevant lem lo pawh a awm a, a relevant kha inzawh tum hram hram ila, a tha thin a. Awle, Pu S. Hiato, MLA zahawm tak i sawm leh ang.

**PU S. HIATO** : Pu Speaker, kan session hmasaa an sawi, tun thleng pawha an sawi PMGSY kalkawng an laihin a tihchhiat, pipe a tihchhiat hi hmun tinah a awm a, kan siam ang e, order pawh kan pe tawh e, an ti a. Mahse, ka hmuh chinah chuan an PHE ho labour hian an thawk thei tan a ni mai a, pipe a chhe vek tawh si a, replace a ni si lova, hei hian tui harsatna tam tak min siam a, hei hi engtin nge hma an lak le ? tih ka zawt a ni e.

\*Speech not corrected.

**PU TAWNLUIA  
MINISTER** : Pu Speaker, zawhbelhna. A zawhna neitu pa Pu Zira leh a bialtu pa Pu D. Thangliana zawhnate chhanna kha a inang thawkhat a. Tuna Lungchhuana kan water supply scheme khi kan sawi ang khan Rs. 44 lakhs zet man a ni a, a hna hrang hrang chu kan chhiarchhuah tawh ang kha a ni a. Tuna zawhna bikah chuan Public Water Tanky tih kha a ni a, sawifiah dawn chuan a behbawm a ngaih thin avangin ka sawi tel a ni a. A Dam construction hrim hrim khi chu a chhia a ni hran lova, mahse, kan Engineer-te pawhin thil hriatfiah tawk loh an nei a.

(Pu R. Lalzirliana : Khawngaih takin, a fiah loh chuan a fiahna kha sawi mai thin tur a ni a) Pu Speaker, ka sawifiah dawn a nia. A chhuat khi concrete loh a ni a, ruahtui tla dawhkhawlna tur a ni a, ruahtui tla fur, ami dahkhawl a, chu chu thlitfim a, khawchhunga ei tura sem tur a ni a. An khuap a, a chhuat tak kha an lo concrete loh avangin lei thawl deuh a ni bawk si a, tui a hnam thei ta a, a tling thei ta lo a ni. Chu chu kan Engineer-te pawhin an admit a ni. Kei pawhin Executive Engineer hi vawi 2 ka ko tawh a ni. A thlalak nen min duhsaktu ten minrawn pe a, mahse, chutiang chu a lo nih tawh avangin chawp leh chilhin tunah a tha thei mai lova, tun kumthar tur kum 2007-2008 ah hian a chhuat khi concrete-a tui tling theia siam turin hma kan la dawn e, tih kha ka chhanna a ni e.

Tin, Lawngtlai bialtu MLA zahawm takin Emergency water supply by Truck phurh thinna bill ba tam tak awm hi engtingge i tih dawn tih zawhna kha chu, kumin Budget-ah khan kan en chuanin, nimina hman theih tura kan passed takah khan nuai 129 kan dah a, nuai 80 chu ba tawh zawng zawng clear-na tur a ni a. Chuan, Financial year tharah chuan ba kha kan clear vek dawn a, tuichawina tur kha nuai 40 zet zawt kan dah bawk a ni e, tih kha ka'n chhanna a ni.

Tin, Tuikhuahtlanga kan Tanky renovation atan Pu M.C. Fala'n kha a sum a lo lak tawh kha Department-te nen inbiain a return leh vek a, chutiang chuan Department-in tunah khian anmahni theih ang tawk tawkin an thawk a, April thlaah khian an siam zo dawn a ni. Tin, pipe tihchhiat hi a tam khawp mai a, Pu Speaker, hei hi keini Department pawhin kan problem a tling a. P.W.D. in development hna an thawk nasa a, PGMGSY leh thildang kawng hrang hrangah formation cutting thar kan ngaihthlak tawh ang khan Mizoramah hian hmuntin maiah hma an la thar veng vung mai a. Chuvangin, kan water pipe line lo zam tawh sa pawh kha tihchhiat hi a tam khawp mai a. Hei hi chu Co-ordination siamin Department ve ve pawh hi lo inbe rawn thin teh u, kan ti a. Inbe rem chungin contractor-te pawh hi a chang chuan mawh kan phurh tir ve deuh bawk a. Tlem hian an lo huangtau ve deuh thin a. Tui min nghei tir chang a awm fo mai a, Development-a kal nasat lutuk avangin kan tuar ni pah fawmin a lang, helai hi chu Department ve ve pawh kan lo indawr zui zel ang e. Pipe line an tihchhiat replacement atan khan pawisa PWD lamin an rawn dah ve leh thin a, hun a duh rei deuhhlekk thin a. Chulai erawh chu kan hriatthiam a ngai viauin ka hria a ni. (Pu Lalduhoma : Engzatnge sum kha a lo lak tawh a ? Engzatnge a return chu ni a ? Engtik niah nge a return tih kha ka'n hre duh a ni ) A figure ka sawi sual palh takin, kan hrilh thei em em ang, ama information atan.

**SPEAKER**

: Starred Question 202-na zawt turin member zahawm tak Pu Saikapthianga i lo sawm ang.

- PU SAIKAPTHIANGA** : Pu Speaker, ka zawhna Starred Question 202-na, kum 2007 chhung hian High School engzatnge Sorkarin lak, provincialise a tum tih ka zawt e.
- SPEAKER** : Chhang turin School Education Department changtu Minister zahawm tak Dr. R. Lalthangliana i lo sawm ang.
- Dr. R. LALTHANGLIANA MINISTER** : Pu Speaker, kan Member zahawm tak Pu Saikapthianga zawhna chhanna chu - Adhoc Aided High School 10 la provincialise loh a awm a, hengte hi kumthar 2007-ah hian sum dinhmun enin provincialise tura hmachhawp a ni.

\*Speech not corrected.

- PU H. ROHLUNA** : Pu Speaker, zawh belhna. Vawiin hi Education kan sawi hnuhnun ber tur niin ka hria a, tun kan Session chhung hian. A relevant loh deuh pawn chhan har turah ka ngai lova. Sorkar school-a thawk, College a ni emaw, school a ni emaw, Hindi leh school pangngaiyah te pawh hian a thawkte pawhin private-in school an din ni te pawhin a hriat a. Aizawl khawpui chhung ngeiyah te pawh hian. Hei hi Danin a phal reng em ? tih ka zawt duh a. Tin, Danin a phal lo a nih chuan hei hi Department lamin enfiahin a tul angin action an la thei angem ? tih kha ka'n zawh belh a ni.

- PU LALDUHOMA** : Pu Speaker, hman ni khan Kepran Middle School-a Headmaster an neih loh thu leh zirtirtu leh naupangte biak In leh School-ah zirtirtu dila an tawngtai rual thu kha ka sawi a. Kan Minister kha a rawn react hauh lo mai a. Kha harsatna kha ka'n thlen nawn leh a, engtingge min enzui sak dawn tih ka zawt duh a. A dawt lehah chuan Sainik School, Imphal-ah hian seat engzatnge kan neih ? Naupang engzatnge kan tirh ? Kan Sorkarin chutah chuan lei a bat tam avangin henga kal naupang Nu leh Pa te hian a sing tel an chawi tawh tih hi a dik em ?

Tin, a tawp berah chuan Aided School-te tanpuina tihpun a beisei awm thu kha tarlan a ni a, kha kha engzat vela tihpun nge ni ang a, engtik hun velah nge a lo thlen theih ang tih a ni e.

**PU LALCHHANDAMA RALTE** : Pu Speaker, School 10 vel kha pawisa a awm chuan siam chhoh tih vel kha a sawi a kan Minister khan. Tahkhanin tuna Grant-in-aid system a awm mek school thenkhatte hi basic pay half allowance ti a tun aia school tha deuh hlek an tih ang hian dah chhoh/chhawp chhoh tumna a awm em tih kha ka'n zawh belh duh a ni.

**SPEAKER** : Pahnih dang phar chu ka la hmu na a, pathum chu in ni tawh phawt mai a, han chhang phawt se, tul ngang kan tih leh kan ti leh dawn nia, Minister chhang turin i lo sawm ang.

**Dr. R. LALTHANGLIANA  
MINISTER** : Pu Speaker, kan Member zahawm tak Pu Duhoma zawhna kha - Sainik School chungchang kha chu tlemin a persan deuh hlek a, amaherawhchu, mumal deuh hlekin chhanna kan inpe thei turah ngai ta ila. Session chhung pawhin, naktukah a nih loh pawhin Thawhtanah chuan kan rawn pe thei chein ka ring a. Quota chu kan nei a. Tin, naupang engemaw zat kan dah ve thin a, School tha tak a ni a, chulaiah chuan fee chungchangah engzatnge ni, Sainik School bik chungchang zawhna kha chu min lo hrethiam sela, ziaik pawhin ka rawn pe thei maiin ka ring a, a harsa lo turah ngai ila. Amaherawhchu, tlemin ka lo inbuatsaih chiah lova, a relevant lutuk lohna lai a awm a. Amaherawhchu, a pawimawhin ka ring a, kan inpe thei turah ngai ila.

Kepran chungchang bik a kha, Kepran Middle School-a Lalbiakzama, Lungmuat Middle School atangin tunhnai maiiah kan dah leh hman tawh a, a zawm hman tawh em tih erawh chu ka hre chiah lo. Headmaster a nih leh nih loh chu information ka dawng chiah lova, mahse, helaia House-a i sawi bakah khan, kha kha chu Headmaster anga a ni hi kan la lo a nih hi chuan senior ber kha Headmaster-in kan dah ang.

\*Speech not corrected.

**PU SAILOTHANGA SAILO** : Pu Speaker, Lungmuat atanga min lakchhuah sak ringawt kha kan indaih lo viau a nia, indaih loh thu kan han sawi a, chutih laia min lo lak chhuah sak leh ngawt te chuan a dik dawn em ni ? i lak chhuahna kha dah luh leh vat ava ngai awm ve.

**Dr. R. LALTHANGLIANA  
MINISTER** : Pu Speaker, helai hi chu ngun taka en a, thil tiah ngai ta ila, Lungmuatah pawh chuan a dang ami kan dah pawh chu a ni mai thei bawk, kan lo en ang a khalai kha chu. Engpawhnise, School-in a tuar loh tura Pu Speaker kan siamremna ah ngai ta ila. Kan Member zahawm tak Pu Sailothanga bial ami pawh kha harsatna awm lo tur zawnga Department-in hma kan la turah min lo ngaihsak ta ula, kha kha chu kan lo en tel tho turah ngai ta ila a tha ang e. Chiang deuha khawi atanga lak nge tihte kha in hriat duh takin khawi khua atangin nge tihte kha kan sawi mai a nia, tih leh hun chuan sawi vak tawh loh pawhin a tha mai thei, ka bial atangin tih zel khan a buaithlak ve dawn tlat, kan fimkhur phah dawn nia.

Chuan kan zawhna dang Pu H. Rohluna zawhna kha Sorkar School-a Sorkar hnathawkte a tihna a nih ka ring a, tin, College Lecturer an ni emaw khatiang hnathawkte ina anmahni hming ang ti mai ang, a School din kha kei chuanin ka hre vak mang lova, khalai kha chu dan leh dun mumal tak awm turah ngai ila. Amaherawhchu, hei School hi an chhungte ti mai ila, an nupuite hmingte leh an fate hming leh engemaw hming chawi dang deuh khanin tih hi a ni duh khawp mai a. Engpawhnise, dan chuanin a remti lova, a rem lo maithei a ni khatiang kha ni a, Sorkar hnathawk an ni a, anmahni hming liau liau anga thil a kal kha chuanin enfel chu a ngai tur hrim hrimah ngai ta ila a tha ang e.

Kan Member dangte zawhna kha Aided School tihpun tih lai kha chu Pu Duhoma zawhna niin ka hria a, a tihpun tih lampang ai mah khan a grant kha, hei hi kan tum dan kha, hmannah khanin ka hmanhmawh deuh hlek a, ka sawi chiang lutuk lo pawh a ni mai thei a. Hemi kan School 2003 a Aided Adhoc Grant-in Aid kan ti a ni, kan hlankai kha 200 chuang kan nei a ni. Khang ho kha hei kan tum dan chuan kan Chief Minister pawhin engemaw mumal deuh hlekin rawtna rawn siam ula a ti a, kumtharah hian kan siam mek dawn a, kan tum dan chuan khang Adhoc Grant-in Aids lumpsum grant-a kan pek pawh kha a dik ka ring a, a zawhna kha, kan tum dan chuan basic pay half allowance-a tih kan tumin ka ring a, kha kha kan dan dinglai awmsa kha zawm mai ila kan ti a, tikhanin basic pay half allowance-a zirtirtu hlawh leh thawktu dang kan pek chuan khawtlangin buaipui vak ngailo khanin khang Sikul kha kan siam thei turah kan ngai a. Chu chu tuna kan tum dan a ni. A tangka faia cheng engemaw zat

\*Speech not corrected.

a hlawma pek ang chi kha a awm ka ring lo a. Tin, khatiang bakah khan Building Grant-te leh School-ina an dawn theih tur ang ang facility dang a kha, kha Sikul khan an dawng thei turah ngai thei bawk ila, an hlawh bil laia kha bituk neia tih kan tum ka ring a. Chu chu kan ruahmanna, kan kal chhoh tir dawn mek a, kan la final chiah lova, chu chu thil awmdan a ni tih kha min hriat sak ta sela, a tha ang e.

Pu Lalchhandama zawhna kha Grant-in-Aid awm kha engtinngge in tih dawn tih ang chi kha a ni a, tuna ka chhanna ang kha a ni mai a. A chiang maiin ka hria.

Nichina a main question, Pu Saikapthianga rawn zawhna kha han sawi belh lawk a that ka rinna chu kan chian a ngaiin ka hria a. Heng Adhoc Aided High School 10 ka rawn tarlante bakah hian hetiang ang chiah dinhmuna ding hi Middle School 38 tunah hian kan nei bawk a, a vaiin 48 bawr vel niin a lang a. Chuan kan tum dan chuan hei hi tuna kan enkawl danah chuan basic pay half allowance School ang a nih chu. Adhoc/Grant-in-Aid School kan hlankai chhoh tumna nichina ka han sawi tak dinhmunah khan heng School hi kum engemaw zat an ding tawh a ni. Chuvang chuan hengho hi Sorkara hlankai kan han tum chu a ni tih kha kan chhanna ni sela.

Tin, hman deuha kan han sawi tawh ang khanin Sorkar School ni chiah lo Deficit School ang chi hi kan la nei ta fo mai a, chung chu Kohhranin a enkawl School St. Pauls School an tihte, Synod School an tihte, Modern School kan tih te, Seventh Day Adventist School kan tih, khatiang ang chi, Higher Secondary school kan tih ang chi kha egemaw zat kan nei a. Heng hi Board kutah kan la dah a. Amaherawhchu, an hlawh leh thildang hi chu Sorkarin kan la pe a, anni hianin kan hriat zau nan Sorkara han hlankai teh tawp kha an ui deuh a ni, an School kha. Amaherawhchu, chutih lai chuan khanga hnathawk kha engemaw zat a awm ta a, a zirtirtu ho kha, khang ho khan Sorkara luh kha an duh ve khawp mai a. Chung chu hmundang, State danga an tih dante pawh kan han en nual a, India ram State hrang hranga an thil tih dante, ngaihtuahna kan nei chho mek a. Sorkarina va control lutuk anga han tih a kha chu an tha a la na deuh niin ka hria a. Amaherawhchu, an hnathawkte dinhmun erawh kha chu ngaihtuahna kan nei mek tih kha.

**SPEAKER** : A awmzia chu Sorkar khanin hlawh pek sak sela an duh a, amaherawhchu, a School a kha chu an ta ni se an duh a ni maw ?

**Dr. R. LALTHANGLIANA** : Aw, hlawh pek kha chu pek tih  
**MINISTER** bawk si, a School ownership-a post va thiah sak a, thil han tih kha chu

\*Speech not corrected.



Kohhran khanin an duh lo deuh a ni. A dik vena chin chu a awm a. Chutih lai chuan a thawkte chu tu tute emaw an lo ni ta a, an service kha kum 20 chuangte lo service tawh an ni a, pension hun ti mai ila, a tawp kha chuan pension benefit awm loa tawp tur a kha, kawng lehlam, humanitarian ground-ah chuan an khawngaihthlak hle a. Chumi ngaihtuahna zawnah chuan a Board lamte pawh chuan an rawn dil sak a ni. Kha kha Sorkarin tunah ngaihtuahna kan hmang mek a, State hrang hranga hetiang ang chi School tihdan kalphungte pawh kan en kual mek a ni.

\*Speech no corrected.

**PU LALHMINGTHANGA** : Pu Speaker, zawnah hun kan hman dan hi enchian deuh a tha mange ka ti a. Keimahni Member lamah pawh Pu Speaker, zawnah hi a lut tha viau a, mahse, pahnihahte kan tlingtla a, relevant lo zawhte kan ching a. Tin, kan Minister-te pawhin relevant lo explain vak an ching a. Chuvangin kan House kal dan hi zahawm deuh zawka a kal theih nan relevant point-ah hian in confine hram hram ila a tha awm mang e, tih kha ka suggest duh a.

Engpawhnise, i Chair atang khan Pu Speaker, min rel fel sak deuh hlek la, ka zawh duh chu, tun kan Session ni thum/ni li atang khan VCP in min rawn phone thin a, Thiltlang High School-ah hian Science Teacher an nei lova, appointment min rawn siam sak a, Science graduate ni lo, a thiam a thiam miah lo a ni si a, Mathematics Teacher kan neilo bawk si a. Chuvang chuan tihngaihna kan hre lo, kan School naupangte hi an fail vek ang a, hei hi min han zawh sak teh a ti a. Kha kha Science Teacher anga appointment pek a kha Science Graduate ni lo a ni tlat si a. Mathematics a zirtir thei lo a, Science a zirtir thei bawk si lova, chu chu Sorkar hian action lak vat a van tul em ! An la thei angem ? tih ka zawt duh a ni.

**SPEAKER** : Nia, kan Member zahawm tak Pu Hminga sawi kha a dik a. Rajya Sabha phei chuan supplementary pahnih bak Chairman khuan a phal hlawl lova. Keini pawh GPC-ah khan pathum hi a tawk thei mai angem, enchhin ang hmiang kan ti a, kan duh tawk lo leh thin a. Mahni leh mahni in restrain hram hram a pawimawh a ni a. Tin, chhanna lam pawh zawnah lo chhan vak kha kan Minister lamte pawh kha insum deuh theih ni se a tha hle ang.

Tunah Pu R. Lalzirliana lo sawm ang.

\*Speech not corrected.

**PU R. LALZIRLIANA**

: Pu Speaker, keimahni MLA te hi kan han inti mualpho leh ta rih thin a, pawl ka ti khawp a. I zahngaihna leh hetiang a thil i ti hi kan lawm tehlu

nen, hetiang a in tichep zawnga thil tih kha chu kan pawl chuan kan lawm lo a ni. I kaihhraina hi a tawh a, a tha kan tih rualin han zirtir ve khanglang tur che kha kan awm loin ka hria.

Ka zawh duh chu Pu Speaker, hei, ka bial Saitualah khian Govt. High School pakhat chauh a awm a, khaw lian pui mai a ni ve tawh a, mahse, thingtlang khua kan ni a, a len ai khian kan harsa em em a, Commercial Centre-te a nih ve loh avangin. Private High School tha deuh pakhat a awm a. Chuvangin pakhat kan neih hi tuna kan Minister zahawm takin lakbelh tur provincialise a neih turah hian min telh ve hram se, tih kha ka'n dil a ni. Nang pawh i la bial ve mai thei a sin, in hmata pawh kan lo sat deuh a nia, a enkawltute i ni si a, tang dun ila a tha ang.

Tin, chulo pakhat leh chu, tunhna daih tawhah khan Director ten an han puang ve ngawt mai a, Minister-in a puang a, tih kha chu a haw ema kan ti tawh lo ang a, Director-ten an han puang ve tawp mai a, Saitual High School khi sak that a hun tawh a ni. Mizoram High School-a senior ber te zing ami a ni a, a bante pawh khi a inkhai vi ve tawh a, chu chu kan sa tha ang an ti tawh a, tunah khian sak that a la ni lova. Khawngaih takin Central lam atanga sum lokal SSA te ah chuan kan lawm em em a, kan sawi tawh a. Kan Minister leh Sorkar hian min ngaih pawimawh sak sela, min sak that sak ve thei angem tun financial year-ah hian tih kan zawt a ni. Ka hmanhmawh lutuk Pu Speaker.

\*Speech not corrected.

**PU K. LALRINLIANA**

: Ka lawm e, Pu Speaker. Han zawh belh ka duh ve chu, ka bialah khuan Kolasib khawchhung bikah High School Adhoc-aided pahnih leh

purely private High School pakhat kan nei a, Rengtekawn High School pakhat a ni a, Adhoc-aided-te chu H.T. Comprehensive High School leh Hmarveng High School an ni a. Chutah Higher Secondary School pakhat kan la nei bawh a, purely private-te kha lump-sum grant pek zeuh zeuh an ni ve a. Chung pali chu Higher Secondary nen kan enkawl a, a hautak khawp mai a, provincialise tur 10 zingah khanin min telh ve ngei kan beisei hle a, min telh ve thei angem ? tih kha ka zawt tel ve duh a ni.

**Dr. R. LALTHANGLIANA  
MINISTER**

: Pu Speaker, kan member zahawm tak Pu Hminga han sawi kha a dik khawp mai a, a mah khan a rawn bawhchhe lek lek mai a. Science

lamah khan a rawn kal leh a, mahse, ka chhang tho ang a. Hei, Thiltlang pawh hi a buaithlakna chu an School zirtirtu lo awmsa saw an thiam viau a nih ka ring a, engemaw Departmental exam CEO-ah pawh khan MCS ah khan pakhat kha saw ta zirtirtu khan min kalsan a, min lo hriatsak sela, an High School Headmaster kha engemaw hmundangah a lo insawn bawk si a, tunah harsatna Pu Hminga sawi kha a dik chiah mai a, Science leh Mathematics Teacher 20 leh tlem azawng kan la dawn a, kan tifel tep a, chumi hunah chuan pek tur zingah khan an tel a ni tih kha ka'n sawi duh a, kan pe ngei ang tih a kha.

Tin, chubakah chuan Saitual bialtuin a rawn zawhna, Saitual Govt. High School-ah hianin Govt. High School kan nei a, building ram a rawn sawi kha chu, tunah kan elementary universalisation of elementary education project kan ti mai a, kan SSA II hi lehkha kan hmuh danin siamchhuak turin min ti a, tah hianin High School leh Secondary School lam tihphuisuina tur kawng hrang hrang kan ruahmannaah khan an telhin ka ring. Tin, Aided School-ah khan direct-a provincialise chu a theih tlat lo mai a, tunah pawh kan hriat tur chu..... School kan tih, lumpsum grant ami hi chu direct-in provincialise theih loh a ni. Mahse, Aided tha mi hi tunhma atanga Aided School pangngai a lo awm te kha 10 ka tih ho hi a ni. Khang kha direct-in provincialise-ah kan lut chho thei dawn a ni. Chumi a nih chuan an tel turah ngai ila. Mahse, Aided School a nih erawh chuanin direct-in provincialise theih loh a ni. Tin, seniority ringawt a en theih loh a, tunah chuan quality zawngin kan kal tawh avangin an performance kan en lo thei lo a ni tih kha min hriatsak sela ka duh a ni.

Pu Rintea zawhna, Kolasib-ah Aided School 2, private School 1, Higher Secondary hi a awm lova. Chuvangin priority kan pek pawh a thain ka hria. Tin, private School pakhat leh Aided School 2 kan neih mek han hlankai dan tur ang kha chu nichina kan sawiah khan tel turah ka'n ngai a ni.

\*Speech not corrected.

**H. VANLALTHALIANA**

:

Pu Speaker, Starred Question No. 203-na, kan Minister zahawm tak chhan atan, (a) Mautam avanga Buh aia chin tur thlai enge Sorkar

hian a thlan (b) A hun takah thlai chite pek theih an nei angem ? tih a ni e.

**PU H. RAMMAWI** : Pu Speaker, (a)-na chhanna chu, **MINISTER** kumin 2007-2008 Mautam kum hian Aieng ching uar turin Sorkarin ruahmanna a siam a, kut hnathawktute thil chin atan thlai pakhatah Sorkarin uar turin ruahmanna a siam a. (b)-na chu, a hun takah thlai chite pek theih a ni angem? A chhanna kan pe tawh a, kan pe mek a, kan pe zel rih dawn tih kha Sorkarin a pe mek a ni tih kha a chhanna a ni e.

\*Speech not corrected.

**PU ANDREW LALHERLIANA** : Pu Speaker, ka lawm e. Hei Aieng chin tur kha Sorkarin hmalak nan a hmang a, a lawmawm a. Amaherawhchu, zawhna hmasaah te kan lo hriat danin lo ching hlawhtling ta se khawiah hian nge a hralhna tur tihah hian vawiin thleng hian a hralhna tur hi chiang taka sawi fak an la nei thei lo a ni a. Ti hian kan Sorkar hian chin tur hi a hrang hrangin an hrih hnem tawh khawp a. Aieng mai lo jatropa thlengin, a hralhna lampang hi chianguang tak a awm thei thin si lova, a awmsa chiang tak, kan sawi ning tawh a, mahse, sawi leh ka duh chu, kan chin mek ngei Sawhthingte hi a market awm reng si, engatinge kan kalsan leh thin tih hi ka sawi duh a. Zawhna ka zawh hmain helaia kan Member zahawm tak tak Pu Liansuama, hetah Pu Liansailova te ho nen 2004 khan khutah Azadpur market-ah MLA pathum, Commissioner hrih lawkin khulai market Commissioner hruai ngeiin kan kal a. Chutah chuan Sawhthing rate kha a chhiat lai ber pawn a tha em em a, min lo hrih a. Helaia hralhtu tur pawh hi a awm thei em tih thleng kan zawt a, chutah chuanin mother diary-te pawhin hetiang hi an khawih thin a, in contact theih chuan an ti a. Trifet-te pawh engemaw zat min kawhhmuh a ni. Hemi Sorkar hian a hria niin kan hre si a. Amaherawhchu, a dang hi kan zawng leh thin a. A market awmsate pawh hi encourage hi a tha mai lawm ni. A hralh dan, Delhi thleng, Thingtlang pa tana harsa hi Sorkar chaknain a tih theih dawn si a. Khami kha a telh ve theih lawm ni le, list-ah te? Tichuan, rate awmsa ngei awmte nen khuan khutah a hralh theih lawm ni? tih leh Sorkar hian hei hi a encourage thei tho lawm ni tih kha ka'n zawt tel duh a ni e.

**PU H. ROHLUNA** : Pu Speaker, Agriculture hi kan thlai chin buh leh bal enkawltu ber an ni a. Kum 2006 khan Mautam kan tawrh avanga harsatna tawh, buh thar tha lo hi chhungkaw engzat nge? survey an nei tawh em? tih ka zawh belh duh a. A chhan chu thlai chinte leh thildang dang hi kan sawi thin a. Tanpuina te kan sawi thin a, engzatnge kum kaltaah khan ni reng he Mautam tuar hi tih hi Agriculture

Department hian survey neiin an identified tawh em ? Department hian chung ho tan chuan ruahmanna, tanpuina tur a ruahman em ? kuminah pawh tam an tawrh chuan kumthar lo kal turah hian hnathawk hman lovin ei an zawn a ngai dawn a, chumi a nih avang chuan Pu Speaker, pachhe kumtiam tih ang deuh hlek hianin kumtinin harsatna an tawh chho rih dawn a, chu chuan engemaw chen a nghawng dawn a ni a. Chuvang chuan a Department hote pawhin chung ang chhawmdawlina angte chu ngaihtuahnate an nei em tih ka'n zawh belh a ni.

**PU SAIKAPTHIANGA**

: Pu Speaker, zawhbelhna. Aieng chi, hei April kan kai mai dawn a ni a, Aieng chi hi State chhung ami leh State pawn ami lakkhawm leh

leikhawm a niin kan lo hria a. State chhung ami hi engzatnge tunah hian a leikhawm tawh ? Tin, State pawn atangin engzatnge a lei tawh tih ka zawt duh a. Tin, kut hnathawktute, a ching turte hnenah hian tunah engzatnge pekchhuah mek a nih tih ka'n zawt duh bawh a. Kan ngah ve deuhhlekk teh ang Pu Speaker. Tin, Mautam dona tur nge ni ka hre lova, hei Sorkarin policy lian tak Red Oil Palm chin policy an nei a. Hei hi a rit si a, a phuntu turte nge ni a ching kan ti dawn nge ni, an project ti mai ang, an ram neihna hmunah hian Sorkar, Agriculture Department hian a thlen sak thei em ? A chhan chu ka bialah khuan project pakhat he Red Oil Palm chinna tur atan hian buatsaih a ni. Tuna kan hriat dan chuan Kawrtethawvengah an dah sak dawn a, Kawrtethawveng atanga an phunna tur kha a lo neituten an thlen tur a ni a, chhungkhatah kung 150 te 200 te phun tur a ni. Kawrtethawveng khu an dah sak khan a phunna tur hmun thleng tur khuan bul khat mipakhatina zawh tawh vel a ni a, bul 150 phun tur pawh khan wavi 150 Kawrtethawveng atanga an phunna tura an kal a ngai a ni. Khati a nih kha chuan phun hman ngaihna a awm lo reng reng. Chuvang chuan Department hian a phuntute tana awlsam zawh khatia Department-ina Motor lian a thlenna china a remchanga dah mai lo khan ngaihtuah sak dan a awm em tih ka'n zawt tel a ni, Pu Speaker.

\*Speech not corrected.

**PU K. LALRINLIANA**

: Pu Speaker, han zawh belh ka duh chu, hei kan Sorkarin thlai chin tur hi hralhna chiang sa a thlang teh duah lovin ka hria a. Oil Palm leh

jatropa, Aieng leh Saptheite hi an tih deuh bik chauh a ni a. Sawhthing kha loan-te pein engemaw zat tunah chin tirin engemaw zat loan-te ngaihdam a ni ta a, kut hnathawktute tan a lawmawm lehzual hian ka hria a. Alu te pawh thenkhatah chuan chin tir a ni a, Mautam avanga Buh aia chin turah hian thlasik thlai kan rama kan chin uar kan thar, kan ei, keimahni pawhina kan ei duh tur chi thlasik thlai thlan bik neih theih a kalpui a ni thei angem aw ? tih leh Bekang hi a bik takin heta tan pawh hian Mautam a Buh aia chin turin thlan theih a ni angem ? tih kha ka'n zawt belh veleh a ni.

**SPEAKER**

: Le, chhang turin Minister lo sawm leh ila, Aieng atangin Oil Palm-te kan kai a ni a, a theih ang angin han chhang sela.

**PU H. RAMMAWI  
MINISTER**

: Pu Speaker, a hmasa berin Khawzawl bialtu Member zahawm tak Pu Andrew Lalherliana zawhna, Market chungchang kha tunah hian a chin

pawh kan chin hma hian tunkurn favang atang khan uluk taka market hi Aieng bik a kha kan zawng a, thui tak ke kan pen a, ruahmanna chi hrang hrang siam a ni a, a then sample turin. Hmannia ka sawi tawh ang khan Pu Speaker, chi thumah a kal ta a. Pakhat hi ei atan, pakhat hi cost nutric-ah, pakhat chu damdawi atan, kha kha a sawngbawl dan inang lote an nih avang khan fimkhur takin Sorkarin fare takin Aieng chungchangah kha chuan hma kan la a. Tunah hian chin pawh kan la ching rih lova, a then chu Mizoram pawh hi a thleng kim rih lova, kan ching rih lova, han tihah a then chu an ching tawh maithei a.

**PU ANDREW LALHERLIANA**

: Starred Question kal tawhah khan, a kal chiah em ka hre lo a. Hei hi a leitu turte pawh kan la sawi thei lo tih kha chhanna kha a awm si a.

**PU H. RAMMAWI  
MINISTER**

: Ni e, chu chu a ni a. market lai a kha, kan thleng mek a, tunah hian cells nen a inzawm avangin, a processing nen a inzawm avang khan

fimkhur taka tih a ngai a ni tih kha ka chhanna ni sela. Tin, Sawhthing chungchang hi chu hmannah khan Trade & Commerce Minister khan a chhang tawh a, tunah hian buaipui mek laite nen Commerce lam khanin MAMCO lam khan vawiin lam pawh an buaipui mekin ka ring a, buaipui lai mek a ni tih kha ka'n sawi duh a.

Tin, Pu Rohluna zawhna kha nikum chung 2006 chhunga khatiang ang kut hnathawktute harsatna tawh, Sazu chauh a ni lova, Sanghal te pawh an ni a, rannung chi hrang hrang, a then Savate pawh an ni a, a vir thei zawng zawng an vir emaw tih tur hian kan ram hi a awm ta tlat a. Mautam sehsam hi District pariatath hian kut hnathawktute hian kan tuar vek a ni. Hun ka hman rei lohna turin Department-in kan survey chinah chuan tunah hian khang thil hlauh i ti mai ang, thlai tichhetu chi hrang hrang kha Department-in kan survey chinah chuan Rs. 7,03,71,850 vel hi kut hnathawktute sum hmuh tur kan hmuh loh phah niin kan hria a ni. Amaherawhchu, khami hnuah khan hemi record

kan collect hnuah hian a dang pawh eng eng emaw chu a awm maithei tih kha ka chhanna ni sela.

Tin, Pu Speaker, Pu Saikapthianga zawhna kha State chhung atangin a main zawhna kha, State chhung ami hi Aieng hi kan hriat chinah Pu Speaker,

**PU H. ROHLUNA** : ..... loin, chhungkaw engzatnge ni tih kha a nia, chu chu Planning lamahte pawh Agriculture Department-in report an pe ang a, chung ho chhawmdawlna chu Planning lam pawhin an ngaihtuah turah ka ngai deuh a, chu chu a nia, ruahmanna fel tak nena he Tam hi kan do loh chuan systematic deuh a ngai a ni. Chumi a nih loh chuan tawngkam ringawt hian kan zo palh ang tih ka hlau deuh a ni.

**PU H. RAMMAWI MINISTER** : Pu Speaker, nia, he zawhna hi Aieng chungchang a ni nain, Agriculture Department-ah zawh a nih angin Agriculture Department atangin ka'n chhang a. Aieng thil a nih avangin Department-a an rawn zawh takah chuan ka'n chhang mai a, Agriculture Department thil kha a rawn zawh tak avang khan a family zat kha hetah hian a percentage zawngin kan dah ta a, percent of affected family tih ang zawng ten kan dah ta a. Kha kha a tlangpuia lakkhawm khan kan dah a, kha kha main a nih loh avangin supplement a nih loh avangin a chhungkaw family zat a kha a detail-a kha Pu Speaker, ka lo inbuatsaih lova. Tin, kan DAO te hianin DC hnenah khatiang ang list-a kha chu DC tinte hnenah kan DAO tinte hian an pe zel a ni tih kha ka chhanna ni sela. Tichuan, Member zahawm tak Pu Saikapthianga zawhna - Ramchhung ami engzatnge tih kha Pu Speaker, Ramchhung ami hi Mizoram zimte hi tunah hian kea kal ngai area a awm ta a, chu chu communication that loh vang hian tihkim lohte pawh hi kan nei rih hian kan hria a, kan hriat chinah record kan dawn chinah chuan ramchhung ami hi quintal 21527.13 a ni a. Tin, rampawn atanga kan hmuh hi, kan hmuh han tih hian tuna Aizawl khawlai vela Sihhmui leh Hunthara a thleng tawh ni lovin, kan han thawnchhuah kan check tawh, kan NGO hrang hrangte hianin an check ta a, Department-in kan zawh loh avangin MUP te, YMA te, Central YMA te, AMFU te, Mizoram Upa Pawl te, tahkhuan an awmchilh tawp mai a, an ni khuan a hna hi min thawh sak vek a, an nin an check chin kha quintal 18,670 a ni a, mahse, a awmsa an check mek tunah khian a awm nual rih a. Tichuan, a vaiin tuna check sa khatiang anga kan tihsa ringawt pawh kha.....

**PU SAIKAPTHIANGA** : Pu Speaker, pawn atangin quintals 18,670 lak ni tawh hi khawi atangin nge an lei ? khawi state nge ? corporation atangin an lei nge ?  
mimal ta an zu zawng khawm tih kha min chhang nghal sela.

\*Speech not corrected.

**PU H. RAMMAWI  
MINISTER** : Pu Speaker, Department-in quotation a float a, quotation-a tih a ni a, supplier-te, an leina chu hmun hrang hranga mite pawh a ni ang a. An zawn chawp ve fe a ngai ang a, an leina source kha chu kan va hriatpui vek seng lo tih kha ka chhanna ni sela. Tin, Oil Palm engzatnge sem tawh tih kha Pu Speaker, local-a mi hi chu sem nghal deuh zel a ni a. A hmunah kan NGO team-te khan an sem nghal deuh zel a. Tin, ram pawn atanga lokal hi quintal 18,238 hi chu Division tinah Saiha, Lunglei, Khawzawl, Lawngtlai, Serchhipah te khan thawn nghal vek a ni tawh a. A hmun a thlen hian an ni, kan team bawh khan an lo sem leh thin a.

**PU LALTHLEGLIANA** : Pu Speaker, ram pawn lam atanga lolut kha eng ang Aieng nge ? lakadong tih ang chite an ni em ? A tha lote kha lo supply ta se nakina lei hunah khan kan hnawl leh si mai lovang maw ? Tin, tuten nge han supply a, kha kha khawi atangin nge an lak a, kha Aieng kha a tha em tih check-na hi a awm em ?

\*Speech not corrected.

**PU H. RAMMAWI  
MINISTER** : Pu Speaker, lakna lam chu ka chhang tawh lo ang a. A tha em tih lai kha, khalai tak kan fimkhur avang khan tunah hian kan muang a ni. Tunah khuan Hunthar Veng khulaia duty-ten an check ber chu hemi Spices Board-ah hian mithiam an awm a, chemte nen hian tihian an han ti a, hriat a awl khawp mai. Sen lo deuh pawh Lakadong chu a hriat mai. Dama mi hi a dal/sen lo deuh hlek a, tin, a no deuh hlek hi a sen lo deuh hlek a. Mahse, a chang deuh hlek, nikanga mite hi a sen tha deuh a. Amaherawhchu, a chhungah hian ring a awm ta a. (Pu Lalrinliana Sailo : Tikhan Mizoramah Lakadong variety kha a la awm kan ti a,



kha kha Pu Speaker, nangmah ngei pawh khan lei sak dan a awm i ti niin ka hria a. Mizorama ching ngeite kha laksak an ni ta em ? Tin, ni ta lo se tihdan a la awm em ? Tin, engzatnge an lei tak ? (Speaker : An sawi zo chauh a lawm mawle, hei quintal 21,000 leh tih kha) (Pu Lalrinliana Sailo : A la awm kha hmanni khan an lei ta lova, vawiinni thlengin min hrilh si alawm ) Pu Speaker, a zawh tum zawk kha chhang ila a thain ka hria. Tuna a rawn zawh tum zawk kha chhang ta ila. Hmanniah quintal 100 ka nei a, local-a mi. Kha kha in leisak ta em tihna angah ngai ta ila, kha kha local ami kan procure-na, aw ! khalai a kha chu engtingge an tih tak chu ka hre lova. Khatah kha chuan NGO team nena committee-a rel kan ni a, area chhungah khan pawnlam mi a luh tawh avangin khalai area-ah kha chuan kan ti ngam lova. Chu chu kan kal dan a ni tih kha ka chhang tawhin ka hria. Tin, local ami, Mizoram laka Aieng variety kha chu Reiek ami pawhin an phal chin chin chu kan lei vek a, anmahnin an ching duh a, an phal chin 4000 Qtls. kha chu kan lei fai vek a, a bak erawh chu an phal bik lova, anmahnin an ching leh duh a tih kha ka chhanna ni ta sela.

Tin, Pu Saikapthianga, Member zahawm takin a sawi, Oil Palm chungchang thu kha a dik khawp mai a. Oil Palm hi 1 hectare-ah hian bul 140/145 vel chin theih a ni a, a rit ta si a, khalai a kha a buaithlak khawp mai a. Chuvang chuan Govt. of India pawhin a ngaipawimawh a, hetah hian subsidy an pe thin reng a ni. Chuvang chuan, a khur laih nen a vaia va tihsak vek lam kha chu atir atanga kan Farmer-te hi kan tihpangchan lutuk chuan a tha dawn lova, tunhma pawhin keimahniin lo kan vat a, kan thlo mai, amaherawhchu, khang an harsatna hria khan subsidy provision hi a awm a. Chu chu a ching tawhte hnenah chuan hmanni pawh khan kan sem tawh nghe nghe a ni tih kha ka chhanna ni sela.

**PU SAIKAPTHIANGA**

: Pu Speaker, kha kha chu Department-in an dah sakna tur atang khan nikhatah vawi khat chauh an kal pha a nih chu ! A chingtu turte kha, an

dah atanga ni 150 an Farm-ah khan an kal chuan hna thawhna hun tur kha a awm lo reng reng. Chulai chu Sorkarin a pui thei em ? tih zawk kha a ni.

\*Speech not corrected.

**PU H. RAMMAWI  
MINISTER**

: Pu Speaker, hetiang a nih avang hian hei hi atirah khan kan assess, a theih chin chinah chuan compact area kan ti chung hian communication

convenience-a hi ngaihtuah tel ni sela, tih kha, khalai area phei kha chu Pu Speaker, an ti tha khawp a. Mamit District-ah hian Mizoram hmun danga an tih ngai loh RD-a Project Director hovin an in coordinate ta a, Mizoram hmundangah hian hetiang hi

kan tawng ngai lova, an titha khawp mai a. Khalai harsatna kha hmundangah pawh a awm zel tur a ni a. Subsidy an hmuh tirh atanga charge dan-te kha a awm em ? Khang kha chu enpui deuh an ngai ang ! Nakina la enzuia an harsat dan azira enzui ngai chi a nih ka ring Pu Speaker. Chhan kim loh ka nei em aw !

**PU K. LALRINLIANA** : Pu Speaker, Mautam avanga buh aia chin tur atan tih zawhna kal mekah khan, khatah khan thlasik thlai thlan bikte ching turin a tih tir theih angem ? tih leh Bekang hi a chin tir theih angem ? tih kha.

\*Speech not corrected.

**PU H. RAMMAWI  
MINISTER** : Pu Speaker, thupha ka chawi e, ka tihpalh a ni e, ka chhang kim lova. Tuna kan tum danah chuan Mizoramah hian Vairengteah Food

Storage kan nei ta a. Kolasib area reng renga leilet zawl kan neihah khu chuan a theih hram chuan winter crop-a chhut zui ni se, Alu te thildangte pawh a ni ang a. Chu chu a dahthatna pawh kan lo nei ve tawh a. Chutiang ngaihtuahna chu tunah hian Champhai zawl zawng zawng khi kuminah hian a dil khi zauh vek ila, a remchang hmasa berah Food Storage kan dah ve anga, Buh an seng zawh veleh thlasik thlain an chhunzawm leh anga, chutiang bawk chuan Serchhipa Mat phaizawl hi kuminah hian a zawl chin hi nawr zawl vek ila, mechanise theih turin Ram an hman khi ti lo turin Tractor hman theih turin tunah hian hma kan la mek a. Khami kan target kha chu winter crop-a a remchang ang anga a area azira winter crop-a chhut zui tur tiin ruahmanna kan kalpui mek a ni.

**SPEAKER** : Starred Question No. 204-na zawt turin Pu K. Lalrinliana lo sawm ang.

**PU K. LALRINLIANA** : Pu Speaker, Bekang tih kha hriat ka duh deuh hlek a. Pu Speaker, ka lawm e. Minister zahawm tak Prison Department changtu ina a chhan atan ka Starred Question 204-na, Kolasib District Jail hi tun aia tihlen tumna a awm em ? tih kha ka zawhna a ni e.

\*Speech not corrected.

**SPEAKER** : Chhang turin Prison Department changtu Minister zahawm tak Pu H. Vanlalauva sawm ang.

**PU H. VANLALAUVA  
MINISTER** : Pu Speaker, Kolasib bialtu M.L.A zahawm tak Pu K. Lalrinliana zawhna chhanna chu hetiang hi a ni e. District Jail, Kolasib hi tihlen tum mek a ni a, a building-te pawh sak belh mek a ni a. Pu Speaker, Demand kan sawinaa kan tarlan tawh ang khan mi 80 awm theihna turah tunah hian 139 lai an awm a. He Jail hi kan mamawh ang phuhru tur chuan kan hmun neih hian a daih lova. Chuvang chuan ( Speaker : Kan hun a tawp a, a sei emaw sei lo emaw a chhang zo dawn em ni ang ?) Bialtu MLA zahawm takte nen ram neih belh dan turte dapin kawng zawn mek a ni. Sorkarin Kolasib District Jail hi tihlen ngei a tum a ni. Pu Speaker, i bial Vairengteah Sub-Jail siam a nih hunah pawh District Jail a mi 80 chauh awm theihna hi chu a tawh lovin kan hria a, Sorkarin tihlen tumin hma a la mek a ni tih hi ka chhanna a ni e, ka lawm e.

**SPEAKER** : I bial Vairengtea Sub-Jail siam ni mahse tih kha siam ni dawn mahse tihna angah ngai ila a tha awm e. Kan zawhna leh chhanna hun a tawp a, list of business-ah kan kal ang a. Tunah chuan laying of papers a ni a. Chief Minister zahawm tak Finance changtu Pu Zoramthanga, the report of the Comptroller & Auditor General of India for the year ending 31<sup>st</sup> March, 2006 in respect of the Govt. of Mizoram House-ah lay turin i lo sawm ang.

**PU ZORAMTHANGA  
CHIEF MINISTER** : Pu Speaker, i remtihain he House dawhkanah hian Report of the Comptroller and Auditor General of India for the year ending 31<sup>st</sup> March, 2006 in respect of the Govt. of Mizoram tih hi ka rawn lay e.

**SPEAKER** : A copy-te sem ni sela. Minister zahawm tak Pu Tawnluia, March 26, 2007-a Member zahawm tak Pu Zodintluanga Unstarred Question 168 chhanna tihdikna kha House-ah lay turin i lo sawm ang.

**PU TAWNLUIA  
MINISTER**

: Pu Speaker, i phalnain Pu Zodintluanga'n ni 26.3.2007-a a zawhna Unstarred Question chhanna question No. 168 tihdikna copy House-ah ka han lay e.

**SPEAKER**

: A copy han sem ni sela. Tunah Minister zahawm tak Pu H. Vanlalauva "Order of the Governor of Mizoram under para 16 of the Sixth Schedule to the Constitution" copy House-ah lay turin i lo sawm ang.

**PU H. VANLALAUVA  
MINISTER**

: Pu Speaker, ka lawm e. I phalna leh remtihnain he "Order of the Governor of Mizoram under para 16 of the Sixth Schedule to the Constitution" hi he House zahawm tak dawhkanah hian ka lay e. Ka lawm e.

**SPEAKER**

: List of business-ah kan kal leh ang a. Legislative Business introduction of Bill a ni a. Tihpalh, tuna Minister zahawm tak Pu H. Vanlalauva han lay tak copy-te kha sem ni sela. Minister zahawm tak pahnih ten Bill introduce an duh a, a hmasain Pu H. Rammawi, Minister zahawm tak, "The Mizoram Compulsory Registration of Marriage Bill, 2007" House-ah introduce phalna han dil sela a tha ang e.

**PU H. RAMMAWI  
MINISTER**

: Pu Speaker, "The Mizoram Compulsory Registration of Marriage Bill, 2007" he House zahawm taka introduce turin he House phalna karawn dil e.

**SPEAKER**

: Kan remti em ? Kan remti maw ? han introduce turin i sawm nghal ang.

\*Speech not corrected.

**PU H. RAMMAWI  
MINISTER**

: Pu Speaker, i phalna leh House zahawm tak phalnain "The Mizoram Compulsory Registration of Marriage Bill, 2007" ka introduce e.

**SPEAKER**

: "The Mizoram Compulsory Registration of Marriages Bill, 2007" chu introduce a ni ta a, a copy hi nimintlai lamah khan kan sem tawh a, sem nawn a ngai lo turah ngai ila. Hei hi remchang hmasaah kan ngaihtuah dawn nia. Tunah chuan Minister zahawmtak Dr. Lalzama "The Mizoram Liquor Total prohibition (Amendment) Bill, 2007" House-ah introduce a duh a, House phalna han dil sela a tha ang e.

**Dr. LALZAMA  
MINISTER**

: Pu Speaker, i phalnain "The Mizoram Liquor Total Prohibition (Amendment) Bill, 2007" hi he House-ah hian introduce ka han dil e.

**SPEAKER**

: Kan remtih sak em ? a lawmawm e. Kan remtih sak a, tunah rawn introduce nghal mai sela a tha a nge.

**Dr. LALZAMA  
MINISTER**

: Pu Speaker, i remtihnain leh he House zahawmtak remtihnain "The Mizoram Liquor Total Prohibition (Amendment) Bill, 2007" hi he House-ah hian ka rawn introduce e.

**SPEAKER**

: "The Mizoram Liquor Total Prohibition (Amendment) Bill, 2007" chu House-a introduce a ni ta a, a copy hi nimintlai lamah khan semchhuah a ni tawh a, sem nawn leh ngai kan ngaihtuah dawn nia. lovah ngai ila, hun remchang hmasah

\*Speech not corrected.

Tunah chuan vawiin atana kan business hnuhnung ber Bills ngaihtuaha a theih chuan pass a ni ang. Nimin lamah kan han sawi tawh ang deuhin Bills pahnih(2) ngaihtuah a ngai a, chu chu hun hi a chep dawn riau mai a, engtingge kan tih ang tih kha inrawn tlan hmasak a thain ka hria a. Ka rilrua a lan dan kan sawi ang a, tha kan ti tlang thei em aw ? tih kha Member zawng zawng ten kan sawi duh mai thei a, mahse, kan chai chho zel ang a, bill pakhat kan sawi loh pawn bill pakhat sawina hun kha a awm zel turah ngai ila. Ka ngaihtuahna atan chuan Treasury Bench atang hian Minister-in a rawn move ang a, a tam berah pali(4) in sawi ta sela. An ni ah hian MNF leh MPC te inkawp kha an ni a, tichuan, Minister nen panga(5) an ni ta ang a. Ka veilam opposition bench-ah hian Congress Group hi an lian ber a, pathum(3) emawin sawi ta sela. Tichuan, ZNP leh MPC Group-ah pakhat ve ve. Tin, Independent-ah pakhat a awm a, a duh chuan hun nei ta bawk sela. Tichuan ka veilamah panga(5), Independent an nih chuan 6 in an nei ang a, ka dinglamah 5, chuan mi pakhatin minute 15 hun inpe ta zel ila. Chutiang deuh chuan ti ta ila, hun kan la reilo deuh hlekin ka ring a. Enge ni ? a mal te tea sawi leh vek kha kan duh nge ? Tha in tih a thu a ni mai a, aw, a mal malin kan la ang a, pakhatnaah khan Court Fees Amendment kha kan han ti ang a, kan sawi rei duh vak lo maithei a. A hrilhfhah that chuan (Pu Andrew Lalherliana : Pu Speaker, danin a phal em ? a pahniha lak kawp kha ?) A phal loh pawh ka hre lo a, mahse, a rem lo a ni. A thu kha...

**PU ANDREW LALHERLIANA** : Pu Speaker, kan Member-te duh zawk zawk sawi theih khan ti ta mai ta ila, tichuanin dar 4:00 PM a bang leh tur khan ti ta ila, a fel zawk lovang maw Pu Speaker ? (Speaker : A bill chu lak kawp chu a rem lovang.)

**PU LALDUHOMA** : Pu Speaker, a pawimawh lo zawk, ti mai teh ang, tawng mawilo ni suh sela, sawi tur pawh kan hre tamin ka ring lova. Hetah hian hun hi pe tlem ta zawk ila, Municipal-ah hian hun kha pek tam deuh ni zawk ta sela, kan tha tlang zawk lawng maw ?

**PU H. RAMMAWI MINISTER** : Pakhat hi han la phawt ila, khami kan hun lak dan atang khan adjust kual leh ta ila, a tha ang e.

\*Speech not corrected.

**SPEAKER** : A nih engloin ti mai ang. Tikhan ka rawtna kha hnial chiah in awm lo deuh a, maximum number of speaker ania ka sawi, Congress group atangin 3, ZNP atangin 1, MPC atangin 1, Independent in an duh chuan ti bawk sela, chuan Treasury Bench atangin Minister-in a move ang a, maximum-ah 4 ni ta sela, pahnih lek pawhin an sawi thei thova. Khatiang ang deuh khan kal chhin ta ila. Hemi Court Fee Amendment phei hi chu kan sawi duh vak lo maithei a. A, rawtna a nia, a tha kan tih tlan chuan a tha a, tha kan tih tlan loh kha chuan a tih theih bik ngawt lova. Anih leh chutiang ang deuh chuan kaltum ta ila. Aw, kan sawi duh vak loh leh tikhan kan zo hma a ni mai a. Pakhatna hi chu hun rei deuha kan tih pawn khatiang lo deuh pawh khan Municipal Bill-te pawh hi kan sawi thei tho ang a. Anih aw, Pu H. Rammawi, Minister zahawm tak, The Court Fee, Mizoram Amendment Bill, 2007 hi ni 19.3.2007 khan House-ah a introduced tawh a, a copy pawh kan sem tawh a, tunah kha bill a lo putluh tawh kha House ngaihtuah sak han dil sela, a tha ang e.

**PU H. RAMMAWI MINISTER** : Pu Speaker, "The Court Fee, Mizoram Amendment Bill, 2007" he House-ina ngaihtuah phalna ka rawn dil e.

**SPEAKER** : Kan remtih sak em ? kan remtih sak a, tichuan, tunah Minister zahawm tak kha a bill rawn move turin i lo sawm ang.

\*Speech not corrected.

**PU H. RAMMAWI MINISTER** : Pu Speaker, ka lawm e. Tuna ka bill rawn move tur hi "The Court Fees (Mizoram Amendment (Amendment) ) Bill, 2007" Amendment, Amendment tih deuh duah kha a ngai a. A bula hi The Court Fees Act, 1870 ami kha a main Act-a hi a ni ta a. Amaherawhchu Pu Speaker, India ramah hian State hrang hrang hianin dan hranga dah lovin Central Act, The Court Fees Act, 1870 kha anmahni duh dan angin an amend ta theuh a. Chutiang ang chuan India ram state hi kan kal a. Chutiang chuan keini pawhin kum 1996-ah khan The Mizoram Court Fees, The Court Fees Mizoram Act hi kan passed a, kan siam a, kan nei ta a.

Amaherawhchu, Pu Speaker, kum 1999 khan, a tawi zawngin sawi ta ila, kum 1999 khan Central Sorkarin CPC kan

tih, Court of Civil Procedure 1908 ami kha a siam tha a, a amend a, chuta a amend dan a chu thubuai reng reng a theih chin chinah chuan inbiakremna, insawiremna, hei Lok Adalat kan tih ang chi hmanga tihtawp hi tum hram hram nise tiin CPC, Section 89 -ah an siam tha ta a. Chumi mil chuanin Central Sorkar pawhin The Court Fees Act, 1870 Section 16-ah khan Amendment siamin inbiakremna leh insawiremna chi hmanga thubuai reng reng tihtawp tum tena khatiang lam hawia kal tur khan dan kha a siam tha ve leh ta a. Chumi tanchhan chuan Pu Speaker, Supreme Court pawhin State leh Central Sorkar pawh khatiang lam hawi khan, State hrang hranga an State-a Court Fee Act-ah khan, khatiang anga inbiakremna, insawiremna lam hawi Lok Adalat kan tih ang chi a an dan siam tha vek turin Supreme Court hian direction a pek hrang hrang zingah kha kha a tel ta a. Tah chuan a pawimawh bikna chu, khata an target-ah chuan thubuai nei reng rengin Court-ah Court fee pek a ngai ta a, tunah pawh hian a la ni reng a. Court Fee pek tur kha Rs. 375/- atanga Rs. 1,98,800/- thleng pek tur a ni ta a, chi hrang hrang a nih avangin a amount a inang ta lova, mahse, kei ni bikah erawh chuan Rs. 5,000/- hi tuna Court Fee Act kan neih lai angah hi chuan bituk a ni a. Amaherawhchu, chutah chiah chuan Pu Speaker, insawiremna emaw Court-ina inbiakremna emaw Lok Adalat emaw hmanga thubuai chinfel, kan Mizo hnam dan anga insawifel, inbiak remna atanga tihfel a nih chuanin Court Fee an pek kha an lak let leh theihna tur, refund a nih theihna tur provision kha dah a ngai ta a ni. Chu chu kan danah hian dah a ngai ta a, tahkhan kan Dan hman lai The Court Fee, Mizoram Amendment Act, 1996 ami kan hman laiah Section 4-na hnuaiah nichina kan sawi cover tur khan Section 5-na provision dahin a heading-ah refund of fees tih dahin "where the Court refers the parties to the suit to anyone of the mode of settlement of dispute refer to in Section 89 of the Court of the Civil procedure, 1908 and the matter is settle accordingly, the plenty shall be entitle to a certificate from the Court Authorising him to receive back from the collector the full amount of the fee paid in respect of such pledge" tihte kha telh a ngai ta a, chu ti chu a ni mai a.

Chuvang chuan tuna a lo kal dan angah hi chuan Court fee an va pek kha insawi remna/inbiak remna anga tihfel a nih chuan a Court Fee kha a petu hnenah pek let leh theihna tur provision dahte kha a ni a. Pu Speaker, han sawi tam vak tur pawh a awm lova, hei hi kan House hianin min ngaihtuah sak a, helai provision hi mipui remchanna atan min pass sak kha ka'n dil nghal tawp mai a ni Pu Speaker.

**SPEAKER**

: Ka veilama thu ten sawikual thiam an tih ber pawhin a sawikual thiam vak lo a ni ang. A simple viau ni tur a ni. Tunge han sawi duh le ?

.....1032/-



**PU LALDUHOMA** : Pu Speaker, hei chu Supreme Court thu a ni a, zawm loh theih pawh a ni lova, Central Sorkar pawhin comply zo tawh a, keini pawhin kan tih ve a ngai a, ngaihndan dang han neihna chiah ka ngai lova, ti hian pass theih maiah kan ngai a ni.

**PU LALHMINGTHANGA** : Pu Speaker, keini pawh hian hei hi a tha kan ti nghe nghe a, kan welcome khawp mai. Lok Adalat-a thubuai hrang hrang insawi rem zawnga India rama kal tura Supreme Court-in order a siam pawh hi kan Mizo nunphung nen a inhmuh hlein ka hria a. Chuvang chuanin khatiang anga thubuai sawirem a lo nih a, a fee a hmalama an lo pek tawh lakkir leh theih a ni hi chu tu tan pawh tha niin ka hria a. Chuvangin pass mai hi keini Legislature Party chuan kan duh a ni.

**PU R. LALZIRLIANA** : Pu Speaker, keini lam lo ngaihtuah ve naah chuan sawi rual tur emaw kan lo ti zawk a, kan sawirual mai ang a, hei hi chu sawi tur a awm hleinem Supreme Court standing order a nia, kan ti har zawk mah mah a. Chuvang chuan a duhin kan sawikai anga, a duhin kan sawi lo ang a, kan lo ti awl then mai a hei hi chu. Sawi tur awmah kan lo ngai lem lova. Kan House Leader thu thu a ni ang chu tih kha kan ngaihndan deuh a ni.

**SPEAKER** : A lawmawm e, enge House Leader-in sawi duh a nei em ?

**PU ZORAMTHANGA  
CHIEF MINISTER** : Pu Speaker, ni e, Supreme Court order tihpuitlinna mai a ni a, sawi lovin pass thei ila chuan keini lam pawn kan duh dan a ni e.

\*Speech not corrected.

**SPEAKER**

: Le, a lawmawm e. Kan thurual vek niin a lang a. Amaherawhchu, chhampual ngai kha a awm ve hrim hrim a, chhampual dawn ila a tha

awm e. Kan Minister-in engeni concerned Minister-in han sawi duh a nei em ? ka lawm e, tih bak sawi tur a la awm angem ? ( Pu H. Rammawi : Pu Speaker, ka lawm e tih bak kha sawi tur a awm lo) Anih aw, a lawmawm e. Tikhan kan lungruual tlang niin a lang a. Amaherawhchu, a thunawn kha a awm ve a, kan ti ve ang e, kan bill ngaihtuah lai a clause(2) main body of the bill a ni a, pass remti apiangin remti ti rawh ule, rem tilo kan awm chuan remti lo ti rawh ule. Awle, clause (2) main body of the bill hi House-in lungruual takin a pass ta a ni. Hei hi bill-a tel a ni clause (1) short title, preamble leh enacting formula-te hi pass remti apiangin remti ti tu le, rem ti lo kan awm chuan rem ti lo ti rawh ule. Le, clause (1) short title, preamble leh enacting formula te hi House-in lungruual takin a pass ta a ni. Hei hi bill-a tel a ni.

Tichuan, tunah chuan “The Court Fee (Mizoram Amendment) (Amendment) Bill, 2007 hi pass remti apiangin remti ti rawh ule, rem ti lo kan awm chuan rem ti lo ti rawh ule. “The Court Fee (Mizoram Amendment)(Amendment) Bill, 2007 chu House-in lungruual takin a pass ta a ni.

Awle, tunah chuan kan bill 2-naah kan kal ang a, kan Chief Minister zahawm tak Pu Zoramthanga’n March 24<sup>th</sup>, 2007 khan he bill hi House-ah a rawn introduce tawh a, a copy pawh sem vek tawh a ni a. Hemi rual deuhthaw hian amendment a rawn dil bawk a. Engemaw tihsual a lo awm a, chu chu bulletin No.2-181 dt. 27.3.2007 khan kan rawn chhuah tawh a. Chu chu introduce turin Pu Zoramthanga, Chief Minister “The Mizoram Municipalities Bill, 2007” introduce turin i lo sawm ang.

**PU ZORAMTHANGA  
CHIEF MINISTER**

: Pu Speaker, i remtihna leh he House zahawm tak remtihna in ‘The Mizoram Municipalities Bill, 2007’ chu he House-ah hian ka rawn introduce e.

\*Speech not corrected.

**SPEAKER**

: Awle, tunah House ngaihtuah turin rawn dil leh sela a tha ang e.

\*Speech not corrected.

**PU ZORAMTHANGA  
CHIEF MINISTER**

: Pu Speaker, i remtihna leh House remtihna he 'Municipalities Bill, 2007' hi House-in ngaihtuah ka rawn dil e.

**SPEAKER**

: Kan remti em ? (Member-ten rem an tih thu an sawi a) Awle, kan remti e, a lawmawm a. Awle, tunah chuan bill neitu kan Chief Minister zahawm tak, 'The Mizoram Municipalities Bill, 2007' rawn move turin i lo sawm ang.

**PU ZORAMTHANGA  
CHIEF MINISTER**

: Pu Speaker, he kan Mizoram Municipalities Bill, 2007 hi a lo pianchhuahna pawh a in ur rei bawk a, a chhah pawh a chhah tawk viau a. Mahse, chuti chung chuan a

vawikhatna a nih avangin tha tawk lo lai pawh a awmin ka ring a. Chubakah chhut sual leh tihsual a lo awm bawk a, a siamthat ngai min siamthat sak phalna kan dilte bakah khan typing mistake a lo la awm cheu va, kan han enching a, a bik takin chang 46, 49 leh 51 laiah khan a dang zawng zawnga District Magistrate tia chhut vek si kha District Commissioner tia chhut 3 lai a lo la awm nghe nghe a, kha kha typing mistake a ni a, khalai patent error kha kan hmuhchhuah belh leh a ni a, min hriatthiama min phalsak theih chuan kan lawm khawp ang a. Kha kha ka sawi tel a, typing mistake tak tak a nia, khalaiah khan a sual palh a, ka sawi hmasa duh a.

Tichuan, he Municipal bill hi kan hriat angin Mizoram hi hetiang hma kan lo sawn a, kan khawpui liante rorelna changtlung zawk leh tha zawka kan lo kal dawn chuan kan rorel dante pawh tihdanglam a lo ngai ta zel a. A hma zawng chuan Lal rorelna atangin District Council-ah kan lut a, vawiinni thleng hian a vaiin kan khawpui ber mipui nuai 3 emaw dawn lai awm tawhna pawh District Council hnuaiah kan la awm a. City kan han ti ve tawh tak na a, town mai pawh ni lo city ni tawh kha District Council rorel a, lock of level-a han awm kha a inmil lo viau nghe nghe a. Tin, chutih laiin Sorkar laipui lamin Urban Development-te a rawn pian tir a, an lokal chhohna, chuta tanga facilities-te, sum leh pai leh chung enkawlna turte a rawn duan chhuah khan Urban local party bik hetiang mumal taka thlanchhuah ten rorelna, heng kan hmanna tur chuan an nei tur a ni an rawn ti bawk a. Tin, hemi hma pawh khan Municipalities Bill hi chu tunhma atanga lo chhawp chhuah tawh leh vawi tam tak lo chin tawh a ni a. Tin, tunah hian kum tam tak hnuah a lo piang chhuak thei ta hram a. Tichuan, he kan Municipalities Bill hi a tlangpui thu chuan kan hre tlang vek tawh ang a. Hei hi chu pathumin Mizorama khawp lian deuh ten kan hman deuh vek theih tur atan kan han then a.

\*Speech not corrected.

Pakhatna chu, Municipality-ah khan a board awm chi, mipui 50,000 chin chunglam, chumi tena an siam theih tur hmingah chuan a board kan vuah ta a. Tin, chungah chuan board member tur a kha 5 atanga 9 inkar awm theihna tura chhawp a ni a. Tin, population nuai 1½ chin chunglam tan khan a hmingah Municipality Council a lo ni ang a, Council-a member turte pawh kha kan Councillor-te kha 11-23 inkar awm thei tur a ni ang a. Tin, mipui nuai 5 chin chunglamah chuan Corporation a lo ni tawh ang a. chuta a member-te pawh chu 15-31 awm thei turah he kan dan hian min rawn chhawp chhuah sak a. Amaherawhchu, chutih laiin, District khawpui a nih chuan mipui kha 50,000 tling lo mahsela District khawpui an nih vang erawh chuan a board a kha chu din theih turah he Dan hian a rawn chhawp chhuak bawk a. Tichuan, hemi a tlangpuia kan han tih theih a chu, khang khawpuia kan han chhawp chhuahte kha Municipality Bill Act kan han pass hnu hian a chak thei ang bera hma lain rules kan han siam neuh neuh ang a, chung rules kan siam neuh neuhthe han zawh veleh inthlanna pawh siam tur a ni ang.

Aizawl hi a bik takin han sawi ta ila, hemi kan inthlan zawh khan, kan thlante khan a Chairman tur an Chief Executive ve ber tur a kha kan thlante member khan an han thlang ve leh ang. Tichuan, Executive Member tur dang a kha chu khangah khan ruat an lo ni leh ang a. Chungte chu a thlan dan tur kha State Election Commission kha siam nghal bawk a ni ang a, State Election Commission khan a thlan dan tur electoral roll-te a thlan dan tur engkim a rawn rel fel nghal bawk ang a. tin, chung thlan tena function an han neih dawn khan an hnathawh tur a pawh kha heta ziak zawng zawng kha vawilekhatah an la nghal thei dawn hauh lova, naupang te lo chhuak tir ve ang lek an nih dawn avangin State Sorkar nena insiam remna, a tlangpui thuin hemi chin hi he kan Municipality hi chuan la rawh se tih a kha an han lak, inbiaka khatia peka an theih ang zela belh tama, tin, kan pek, State-ina a pek belh chung pawha rip lutuk hei hi chu kan zo leh lo an tih pawha inthlan let leh theih tura ruahmanna kha siam a ni a. Tichuan, an capacity an theih ang zelin, khang kha chu an hna tur pek a ni ang.

Tin, Aizawl development authority kan din nen hian inkalh lo turah kan ngai a, an thawh theih tur a pawh kha a inang lo ang a, amaherawhchu, a dan inkalh a awm chuan hei hi kan Municipality Act-a hi chu, bill a hi chu a lal zawk tur a ni ang tih kha a ni bawk a. Development Authority leh hemi Municipality hi chu India ram khawpuiah hian a kalkawp deuh vek a, in tibuai lovin kha kha chu a kal thei zel turah leh an hna pawh a in siamrem theih na tur a kha a ruahman theih zel turah kan ngai bawk a.

Tin, chu lo lehah chuan, khatianga an function dawn khan staff leh hnathawktu tur an nei leh dawn ta a, a staff pawh kha hmun thenkhata an tih dan chuan, entirnan, a te, a board awmna chin khan mahni staff hran an nei a, a recruitment leh an service-ah, tichuan, hmun hrang hranin a hran theuhin neih dan a awm a. Tin, a dang lehah chuan, Municipality hnuuia inkalpawh vek theih tura Municipality recruitment leh service rules-a neih ang chi a

\*Speech not corrected.

awm leh a. Amaherawhchu, keinhah chuan chu chu kan tlin rih dawn loh avangin khami official ho a kha chu State Sorkar atanga hetia a service a chu kan siam sak a, khamite kha khata deploy mai turah khan tunah chuan kan tlin chin tawk a nih rih hmel a, chutiang chuan kan kal pawh a ngai ang a, chu chu integrated system an tih kha a ni a. Kha kha tuna kan han zawm theih chi turah chuan kan ngai a. Tin, chu lovah chuan hei a hna tur hi a tam em em mai a. Khawpui tihthianghlimnate, anmahni project, hma an lo lak vena turte, administration, local ami, khang zawng zawngte kha tam tak a ni dawn a. Tin, an meeting tur pawh kha thlatin meeting a ngai dawn a. Tin, a bial khat, a ward khat veah khan a committee kha siam a ngai leh dawn a. Tichuan, chung bial khat committee-ah khan a counsellor-te kha chairman an ni nghal zel ang a. Tichuan, chumite chuan khami a constituency khat, a ward khat a kha an mamawh leh pawimawhte an rawn chhawp chho zel ang a, tin, chu chauh chu ni lovin, a local committee a kha, kan Village level ang chi, tul kan tih ang kha a awm theih leh ta a. Chumite pawh chuan an mahni local bika mi pawimawhte kha chunglama chhawp chho turin an indah chho ve lehzel bawk ang a, tichuan, Village Council angreng deuh, Village Council ang chungah Joint Village Council ang deuha constituency ti mai ila, khami chhunga committee nen, heta kan Aizawl khawpui pumpuia council-ina a theihna tur nen, chutiang chuan enkawl chhoh tur a ni dawn a.

Chuvangin, Pu Speaker, a nepnawi dang leh thildang a kha chu nakinah kan Member zahawm tak ten an han sawi a, chipchiar taka kan han en hnuah a tha lo laite a awm a nih chuan, chungte chu nakinah a siam that leh hunahnte kan lo chhinchhiah atan, tha kim vek kher lote pawh thil awm thei a ni a, kan lo chhinchhiah ang a. Tin, a inhrilhfiah ngai lai laite kan inhrilhfiah bawk ang a. Hei hi, he Municipality Dan hi kan sawi ang khan, District Headquarter zawng zawngah leh population 50,000 tling thei chinah chuan hman nghal theih vek tura duan sa a ni a. Chuvangin, Mizoram tan a tha hlein kan hria a. Hemi hi kan Member zahawm takte hian min ngaihtuah sak a, vawiinah hian han tihpuitlin pawh Zoram pumina kan ngah a ni bawk a, min tihpuitlin sak turin leh min ngaihtuah sak turin ka rawn chhawp a ni e, ka lawm e.

**SPEAKER** : Khawngaihni, Amendment lai a kha han sawi chian duh lai i nei em ?

**PU ZORAMTHANGA CHIEF MINISTER** : Pu Speaker, khalai kha chu typing mistake, nichinah ka sawi kha maw ! Nia, District Commissioner han tih kha, khang ho neuh neuh a kha a

\*Speech not corrected.

nia, karawn sawi tawh a, tun ami kha chu, tun atana kan tih kha chu phek 18-naah khan number 46-ah khan, article 46-ah khan District Commissioner tih chhut, District Magistrate tih tur a awm a, tin, 49-ah khan a awm bawk a, tin, 51-ah khan a awm bawk a, typing mistake khami kha, a dangah zawng chuan a dik a, khami kha ka sawi theih a ni e.

**SPEAKER**

: Awle, khalai kha chu patent error-ah khung ta ila a tha ang e. Chuan Bill neitu, House Leader zahawm takin a rawn move ta a, kan sawiho ang a,

Bill hi clause by clause-a sawiho tur tih kha kan kaihruainaah hi chuan a awm na a, kan la ti ngai hauh lo a, kan tih dan thin pangngai khan a vai hianin sawi leh ta ila, tha kan ti mai em ? Nichina kan han rawt ang deuh khan kan kal ang nge ni ? Hmanni khan Group Leader khanin "i la rawt lo bawk alawm le, i sawi chauh a" a ti a, kan rawt a, a tlang dawn lo tihna em ni ? A nih, i tichhin ang aw ! Member pakhatin minute 15 erawh chu nei ta ila, a tul ngang a nih leh ngaihtuah dan dang kan la nei thei tho ang a. Tunge han sawi duh hmasa awm le ? Aw, Pu Liansailova.

\*Speech not corrected.

**PU H. LIANSILOVA**

: Pu Speaker, vawiina Municipality Bill sawiho thei tura kan Sorkarin a rawn chhawp chhuak ta hi lawmawm hlein ka hria a. Hei kan ram history-a mel

lung kan phun dawn niin a lang a. Tin, Municipalities neih chungchang hi, hei Lunglei lama kan ram hmangaihtu thahnemngai zual ten thahnemngai takin Panchayati Raj tih thlengin hma an la a. tin, seminar leh Chanchinbuah pawh Magazine-ah te kan chhiar fo thin a, hun engemaw zat chu a liam tawh a ni. Chung atang chuanin thahnemngai takin he hun lo thleng tur hi hma an lo la lawk a.

Tin, chutiang bawk chuan Aizawl lamah, Aizawl khawpui chhungah kan chanchinbu mite leh ram veitute mi thahnemngai kan mithiam rual ho ti mai ila, a ni ang chu, chung chuanin hma nasa takin an la a. Tin, Sorkar lamah pawh an duh dante vawi duai lo an thlenin ka hria a. Tin, Municipal steering committee tihte pawh mumal takin pawl zahawm tham tak an indin hlawm a. Tin, an thil tum an rawt dan leh an ruahmanna siam dan pawh an zahawm hlein ka hria a. A pawng a taka innawr vak leh kan hotute Sorkar lamah pawh mawhphurtute pawh chuti taka sawiselna awm lovin a tul zia thu hian hma an lo la ni berin ka hria a. Chung atan chuan an mahni atang pawhin mithiam zawk, University lama experience neiten a Bill-te tha takin an draft a, an sem ve che u emaw ka hre lova, kei chuan ka dawng ve nawlh mai a, a lawmawm hlein ka hria. An thahnemngaihna vawinah hian heti tak mai a kan ram thatna tur atan hma latu kan nei zel hi a thlamuan thlak hle a. Tun atan mai ni lo, nakin zel atan pawh,

rorelna hmunah leh khawlah te thu kher lo mahse, kan ram kalsiamtu, hruai diktu, tin, kan mamawhte lo thlirtu mitha leh mithiam, ram veitu kan nei hi a lawmawm hle a ni. An hna tul tak leh an rawngbawlna tul tak kara an hun tam tak senga hma an lakna niin ka hria a, lawmawm ka ti a.

Chutiang chuan kan ram thatna atana theihtawp chhuaha hmalatute, heng corruption chungchangah te pawh kan inpuhmawh a, kan insawisel tawn a, a thil dik tak chu enge ni, a sawi mai theih loh nain hetiangah inhlawmkhawm, thahnemngaia tangruala thawk an awm rengte hi kan ram siamna atan leh tuna rorel lai mekte kal dik theihna tur atan pawh inenfiahna atan pawh an tangkai vekin ka hria a. Tin, heng kan tih ve zawng zawngah erawh hi chuan rilru tha tak pua thawk ho leh thawk tlang tur kan nih rilrua hrerenga kan inen erawh chu a ngaiin ka ring a.

Hei wawiina kan Bill han sawiho turah hian, inthlan laia kan manifesto-ah te pawh heng hi kan sawi teuhin ka hria a. Mipui hnenah pawh kan zuarin ka hria a, mahse, wawinah hei hun hnuhnung lamah Municipal Bill hi kan han ngaihtuah thei ta a ni a, thil thar a ni a, dan pawimawh tak leh tangkai tak tur siam tur a nih dawn avangin hun pawh a duh reiah ngai ila, kan hriatsual loh chuan Congress Ministry pawh khanin hetiang ruahmanna hi a lo siam tawhin amaherawhchu, kaltlang lovin wawiinni hi a thleng a, wawinah erawh hi chuan hei a takin kan lo hmu ta a. Kan mipuiteah pawh thil thar a ni a, kan lawm dan tur hi ka hrethiam lova. Amaherawhchu, hei administration a nihna lai a awm a, chu chuanin kan veng inenkawl dante, kan lo awm dan pangngai ai khan a danglam dawn avangin min khawih chin a awm vek dawn a, chung thil danglam lo thleng turah chuan a tha zawnga kalpui turah rilru kan siam pawh wawiina helai kan hotute kalkhawm mai ni lovin, he Bill-in a khawih theih tur zawng zawngah pawh hian ngaihtuahna a tha zawnga kan hman a pawimawh hlein ka hria a.

Hei, kan Village Council hnuaiyah kum 50 chuang kan lo awm tawh a, chu chuan kan societies structure a siam a, kan social life pawh hi a condition-a, veng council area angin society kan in organise vek a, ramri pawh kan nei thlih thliah a, tin, NGO pawh chumi behchhan vek chuan hna kan thawk a ni. Tunah hian chumi thiatna ang chu lian zawka, zau zawka administration a lo awm takah chuan vengtinah pawh he rilru hi kan vawn nung theihna tur kan hotute pawh hianin helaia a provision hian ngaihpawimawha an neihna lai awmin ka hria a. Chulaiah chuan helai hi a tawk kher lo thei a, a mipuite leh khawtlang hruaitute pawhin helaiah hian kan awmphung sawh danglam hawk leh ngaihtuahna engemaw hmang, thil kalpui rih loh a, hunin a zir zela kal kan thiam tawk te pawh a pawimawhin ka ring a.

A bill thuah hian sawi tur em em ka nei lova, engemaw han ngaimawh deuh tur awm, mistake chiang taka lang chu kha kan House Leader, Chief Minister, a bill neitu khanin a rawn sawilang tawh a, thil pakhat han sawilan tur awm chu, hei chanchinbu lamahte pawh a lang zauh zauh a, electoral roll-a thun theih turah khanin chiang taka a qualification sawinaah khan, section 29-na phek 24-naah khanin, condition for registration as a voter, tihah khanin

section-ah khanin, a citizen of India, tih kha hmaih, omit palh a niin ka'n ring deuh a, a disqualification lamah hi chuan sawilan chu a ni na a, representation of peoples act, 1950 kha a zuk sawilang a, khatah kha chuan a awm awmin a lang a, mahse, helaia kan Act-ah hianin amendment pawh ni lovin, tihsual palhah kan ngai deuh a, en thata, belh leh mai a tha em? Every person who is a citizen of India not less than 18 years of age on the qualifying date tih kha, a citizen of India hmaih anga lo lang kha thun luh leh dan a awm em? Section 29-na, phok 14-na, a citizen of India tih laia phrase a kha hmaih niin a lang a, typing mistake-ah ngai mai ila tih kha ka'n rawt duh a ni. Section 256-na, distress tih a lo lang a, amaherawhchu, han sawi zelah khan distrain tih ni awm tak a ni. Kan Dan hriate pawh kan zawt a, hei hi chu a wording a hi chhut sual palh a ni ang an ti a ni. Chuvangin a word hi siamrem theih a ni lawm ni tih ka rawn dinpui a. Tin, a han sawi zelnaah pawh khan warrant chungchang han sawinaah pawh khanin distrain kha a hmang ta zel a ni. Tin, 256-na, a bul bera Section 256-na distress tih pawh kha tihthat ni sela, tin, Bill-a pakhatna (b)-na distress pawh kha siam ni se, pathumnaah pawh khan siam ni se, heng hi chhut sual palh a nih ka ring a. Chuvang chuan typing mistake-ah a pawm theih mai lawm ni? ka han ti deuh a. Chung chu a tlangpui. a chung thu ka'n bih a, condition emaw, commission lo awm palh nia ka hriat ka'n tarlan ve duh chu a ni a.

Tichuan, sawi tur tam tak a awm pawhin ka ring lova, a dan kan neih hi a chipchiar hle mai a, a tul tlem tlem siam belh a ngai ang a. Lehlamah chuan, a Act-ah hian khawilai emaw in hmun siam dan tur leh in sak dante thleng mai pawha a zuk sawi theihna lai dan hi a awm a, a chipchiar tha a. Tin, a siamtute hianin Municipal kan entawn tur awm deuh deuhthe hi a tha thei tur ang an duanchhuahte pawh niin ka hria a. Chuvang chuan hetiang bill kan han nei hi that tawk lohna laite pawh a la awm thei. Amaherawhchu, nakinah han hmanin, helai hi chu siamthat a ngai e, kan tih lai apiang kha siamthat theih a ni zel bawk a, tih dik theih zel a ni bawk a, mamawh tharte pawh la thunluh theih zel a ni ang a. chuvang chuan hetiang a awm ang ang han pass mai pawh siamrem ngai leh typing mistake emaw commission emaw lo awm angte siamfel kha chuan zawm thei maiah ka'n ngai a.

A tawp ber atana ka'n sawi duh chu, Aizawl Development Authority hi a bill kan sawiho lai pawhkan a municipal hianin kal hi a tha zawk e, tia kan sawi, helamah keini opposition lamah kha chuan kan sawi kha kan tanna a ni deuh a. Amaherawhchu, hei a lo kal a, tichuan municipal nena a in class theihnain a over-up tur kha chu kha a function-ah khan a lang sa mai a. Amaherawhchu, over writing effect kha section 386-ah khan dah loh a nih tak avang khanin khalaiah khan a buai theih tur laia chu a siamrem theih lai turah ngai ila, kan bill hi lungruual taka pass thei mai turah ka ngai a, chu chu ka'n sawi duh a ni. Ka lawm e.



**PU LALDUHOMA**

: Pu Speaker, he thil hi thil lawmawm tak a nih rualin a dik tak kan sawi duh chuan, tuna kan Sorkar hotute hi chuan hemi ni lo hi an duh zawk a,

chu chu Aizawl Development Authority kha a ni. Aizawl Development Authority Bill an putluh lai pawh khan, keini chuan, "hei hi chu kan la duh lovang, paih leh a la ngai ang, India ram kal dan phung a ni lo" kan ti a nih kha. Kan Constitution Amendment-te kan en a, ULB te leh Rural Local Body te siam an tum dan leh Panchayati Raj te han thlir hian uniform hian kan la kal tho tho dawn a. A chhan chu, khang institution-ah khan financing leh funding hi an rawn pek dawn avangin kan lo tih ve mai loh chuan sumah hian kan hawihai dawn a, chumi avang pawh chuan kan duh hun hi a thleng tho tho dawn a ni. tuna politician pawh ni lo, mipui aiawh pawh ni lo, elected pawh ni lo awmkhawmin kan khawpui development, sum tam tak an khawih ringawt hi chu a tha lo ang, kan ti ngawih ngawih a ni, Aizawl Development Authority Bill kan chai lai khan. Tin, Municipal hi kan la duh dawn tih kan hria a, kan Member zahawm tak Pu Andrew Lalherliana'n Municipal Bill hi he House-ah ngei hian a rawn pulut tawh a ni. Heng hi duh zawk chu ni tak tak sela, khatihlai khan min pharthla lo ang a, min pass-pui anga, kan ti tawh tur a ni. Amaherawhchu, tun term chhung ringawtah pawh hian keini Legislature party atanga kan ram mamawh tur bill kan rawn putluh min phar thlak sak thin, loh theih loh avanga chutiang bawk an rawn putluh leh, keinin hmanah pawh min phar thlak sak kha ti hauh lova kan lo pharpui thin hi engemaw zat a awm tawh a ni. Heta tang hian kan Sorkar hotute hian thil tha hi an mahni ngaihtuahna thinlung atang tak taka rawn tihchhuah hi tum lovin rawttute rawtna leh putluhte pawh an phar thlak sak zel a ni tih hi kan hmuh tawh dan leh loh theih loh avanga he House-ah hian ngaihtuah leh mai thin chauh an ni tih hi a chiang a, ram hmangaihna thinlung tak hi a tlem deuh niin ka hria a. Hei hi ka lawm kim lohna a ni.

Tunah pawh hian he bill hi engvangin nge a lokal ? JNNURM hi Central-in rawn ti lo se an ti miah lovang tih hi ka chiang. An tihna chhan chu India ramah khawpui 63 an thlangchhuak a, chumi atan chuan a tira Central-in an dah lawk ringawt pawh 50,000 crore a tling a ni. Chu chu khawpui 63 hian kan insem dawn a ni. Chumi dawng ve tur chuan Aizawl Development Authority chuan a lo dawng ve thei hauh lo mai a, 'in thei lovang' kan ti reng a, a dik ta a ni. He House-a "A dik lovang, a theih lovang" kan tih hi chu hun lokal hian a nemnghet ziah. ADA hmanga he JNNURM sum tam tak lokal tur hi lo dawhthlak a, mipuia a responsibility nei lote nen duh zawng lakkhawm mihring hmanga tih theih an inbeisei a, mahse, an hlawhchham ta si a. Elected body-ah lo chuan chu fund chu an pe dawn lo tih an hriat hnuah chiah hmanhmawh em emin Municipal Bill hi an rawn ngaihtuah leh ta a. Chumi hnu, loh theih loh anih hnuah chuan he House-a alo luh hma hian Party hrang hrangte min rawn a, keini atang pawhin kan Member zahawm tak Pu Andrew-a hi, chu committee-ah chuan phur takin ava kal veleh mai a, vawiinniah hian a ding zawk awm tak pawh niin ka hre nghe nghe a. Tichuan, kan co-operate leh mai a ni, keini chuan. Mahse, a dik chiah chuan loh theih loh avangin kha sum lokal tur kha kan dawn ve theih dawn si loh avangin in dawng ve thei chuang lovang Municipal body hi ilo siam ang u, kan tih kha a dik zia a lo lang ta a, loh theih loh in hei hi an rawn pulut a

ni. Chutiang chu a ni fo tawh thin. RTI-ah te, Financial Responsibility and budget Management Bill-ah te pawh khan kan Bill putluh min paihtlak sak hnu lawkah an rawn pulut thar ve leh a nih kha, chu tak chu a lawmawm tawh lo kan tihna a ni a. Englekhawle, loh theih lohna avangin he thil hi a lo lut leh ta chu a ni a, sumin min kal kan an hlau si a, khawpui 63 zingah min thlang ve bawh si a, chuvang chuan, hmanhmawh takin an ti ta a nih hi. Awle, chulampang chu duhtawh ila.

Tichuan, ADA leh tuna kan Municipality hi a inkalh dawin ka hria a, a powers and functions-te leh thil hrang hrang han en hian a duplicate a tam em em a ni, inang a tam em em a ni. Municipal hi a lal zawk ang, thil inangah chuan kan ti a nih rau rau chuan ADA hi engemaw a tul tawhna le ? hei hi repeal law law ila, hemi kan pass rual hian, Delhi-ah te leh khawpui lianah te chuan a hrangin an awm a, technical thil deuh leh technical lo deuh ang zawng te tein an then hrang a, khungahte chuan a awm pawh a awm alawm. Keini mi rama a Zorampum pui pawh BDO pakhat biala awm zat ang lek lek kan nih lai hian helaia thuneihna chi hrang hrang nei khawihitu tur kan tam chuan chu chuan mipui a tibangboa, dawr tur bik min ti hre lova, power leh function over-lapping a tam a, chu chuan harsatna a siam ngei ngei dawn a ni. Chuvang chuan, he bill kan pass rual hian ADA hi kan mamawh tawh lo ka ti tlat a ni. He Municipal-ah hian technical mite leh engkim mai a tul angin thuam chak zawk ila, public representative tak tak ten an enkawl tur a nih avangin dik tak chuan heta Chairman nihte chu MLA nih ai te, Minister of State nih ai te chuan nakinah chuanin miten an la duh hial zawk ang. Chutiang tur khawp chu a nih avangin helaiah hian ADA hi tel tawh lo law law se ka duh a. Entirman, Acquisition chungchangahte pawh Municipal hian Land acquire theihna a rawn nei ta a, ADA pawhin a nei tho mai, tichuan, land-acquire tur theuh theuh kha a tu zawkin nge acquire ang ? tu zawkin nge paw hnem thei ang tih ang zawngahte khanin engemaw ti tia intlansiak hi a awm lovang tih hi sawi theih a ni lova. Tin, ADA hi function thuai tir kan chak viau a, grant-in-aid rules-te pawh kan sorkarin a siam tawh tih kan hria. He ADA hi Finance-a sum nena hna a thawh theih tawhna turin grant-in-aid rules-te siam a ni a, tikhan a inchhawp uai tawh mai a ni.

Hmanniah engzatnge a senso tih zawhna a awm a, a hautak hle a ni, hna an thawh miah hma pawh hian, ADA hi a institution a hi keini ang ram rethei tan chuan a hautak sa ringawt. Chuvangin, Municipality kan nei dawn a nih chuan hei hi kei chu tul lo ka ti tak zet zet a, chu chu ka'n sawi nawn leh duh a.

Tin, he JNNURM sum lokal tur tam tak hi hmun thumah an sem darh ang tih ka hlau tlat Pu Speaker. A then ADA an pe anga, an chang tam zawk mah a nih pheih chuan a pawh ngawt ang. A then a Department of Urban Development-in a khawih anga, a then chauh he Municipal-ah hian a lut anga, a body lian ber tur ni si hi kan enchhin kan enchhin ti chung zel hian sum leh pai nei mang lo leh hnathawh thei mang lo hian an siam anga, an duhsak lo viau mai ang tihte pawh hi thil hlauhawm thei ni tlatin ka hria. ADA hi

JNNURM sum hmang thei tura ngaihtuahna siam tumna a lian em em tih ka hria a ni. Kan Sorkar hotuten sum an han sem anga, ADA duhsak zawk ran maiin, chutiang rilru chu an pu tih lah kan hre sa bawk si a. Chuvang chuan he Municipal hi ADA hian a tibuai dawnin ka hre tlat. Chuvangin, Municipal hian sum pawh hi a chang tam ber tur a ni a, an mahni kutah hian lut deuh vek sela a thain ka hria.

Tin, election-ah hian word a awm a ngai a, chu word hnuaiah chuan kan village kha a awm dawn ta a ni a. Khata tang khanin an aiawh kha an han thlang ve dawn a ni a, khami area-a awmte V/C te kha automatic-in a tawp ve dawn lawm ni ? administration set up kha a danglam tak avangin. Tin, nimirah kan House Leader-in a sawi kha tha tih deuh mai ka nei a, "Electoral Roll-a kum zat kan ziak hi a dik lo, date of birth a ni zawk tur a ni, tichuan, a chiang ber mai" a tih kha a dik lutuk a. Heng kan Municipal atangte hian keimahn State Election Commission kan neih vena hnuaia kan tih theih a nih avangin Roll siamah pawh khan date of birth atanga tih ve thlap kha ni se tihte kan rawt duh bawk a. Tin, hemi State Election Commission hi kan inthlan hmaa kan neih ngei ngei ngai a nih avangin hei hi kan han pass anga, bawhzui tur a tam dawn khawp mai. Muangchan chi hauh loh a ni. Kha kha kan neih thuai thuai a ngai dawn a, tichuan, kumkhat chhungin Section-6-in a demand ang hian inthlanna hi neih ngei tur a ni ta a ni. Chuti a nih chuan nakum thal lai chho velah Municipal inthlan hi kan neih ngei a ngai tihna a ni a. Chumi ti tur chuan kan inbuatsaih tak tak a, a hun prescribe chhungah ngei hian elected body hmel hmuh kan beisei dawn a ni. Tunah hian JNNURM sum dawng thei tur hian elected body a awm ngei tur a ni tih a ni tlat si a. Mahse, kha elected body kan neih theih hma khan sum hi a lokal tan tawh si a, min ngaihnathiamna dilin Prime Minister meuh hnenachte lehkha thawnin hetiang hian kan ti dawn a, hei chu kan lo dawng anga kan lo ti phawt ang e tih kan tum a ni tih pawh ka hria a. Tichuan, kha elected body kha a din rih si hma khan khalaiia sum lokal kumin chho zawng zawng mi kha ADA leh a Department khan an chang vek mai ang a, a pawisa ber dawnna lamah harsatna an neih loh chuan a election lam kha an ngaihthah leh ang a, an muang leh vak mai ang a, inthlang lovin rei tak kan awm ang tihte pawh hi Pu Speaker, ka hlau deuh a nia, heng hlauhthawna tam tak hi a awm a ni.

Tin, Audit chungchangah amahah hian audit tihdan turte fel tak a awm thlap mai, a lawmawm e. Hei hi chu ama Act-in a rawn ken tel veah ngai ila. Khatianga mahni Act te tea tel lo a kha local bodies zawng zawng kan audit theihna tur dan kha Pu Speaker, i hovin kan pass tawh a nih kha, nikum khan. Local Fund Audit and Account Act kan tih kha, dik tak chuan zep nak emaw, village level-a corruption nasat tawh ziate hi, V/C member-tena sanction zat pawh an hmuhpui miah loh, VCP te hi kan ngah tawh hle a ni. V/C hminga work order kal, ruling party-in an lak tak daihte hi a tam em em a ni e, a tawp lutuk, a diklo lutuk, vawikhatmah audit an la ni ngai lo. Chuvang chuan khami Act kan pass kha heta tan hian hmang tangkai ila, a tir atanga an corrupt vaih chuan a dik dawn miah lo a nia. Vawikhat kan neih atang hian strick em em ila, kan strick-na tur chu Finance-ah hian a ni. Chumi atang chuan he kan pass tak Act hmang hian sum leh pai zawng zawng hi audit sak ni sela, chutiang thlap chuan

fimkhur taka kal thei tur hian siam ila ka duh a. He thil hrim hrim hi a tha tih kan hriat, kan lo putluh tawh a ni a, a thalo tih tumah an awm ka ring lova, duat taka tihphuisuia, tihchangtlun tumin sum leh paiahte pawh duhsakin a phut ang ngeia elected body-a awm thuai theihna tura tih tur tul zawng zawng tiha, a hun taka a lo pianchhuah theihna turin hma la turin thuneitute ka ngen ngawih ngawih a ni e. Ka lawm e.

**PU LALCHHANDAMA RALTE** : Pu Speaker, ka lawm e. Vawiinah kan ram kal zel tur atana thil pawimawh tak mai "The Mizoram Municipalities Bill, 2007" ngaihtuahna

leh sawihona a sawi ve theia ka awm ringawt pawh hi lawmawm ka ti a. Min tilawm em em tu chu kan ramah thuneihna insemzai a tul a, power kan centralise lutuk tawh kan tih, kan sawi fo kan mutan kha he dan kan pass hmang hian The Centralisations of Power kan tih kha a lo awm chhoh phah dawn niin ka hria a. Chu chu ka hlimna tak mai pakhat a ni a. Mipui tena an thlan elected representative ho hi MP, MLA, V/C kan ti a, MLA leh V/C inkar a zau em em a, tuna Municipalities bill kan pass hnua mipuiten.....tin aiawh an rawn thlan hian MLA thachhang dawltu hnaivai tak, kawng engkima MLA te nena rorelna huang leh khawtlang, ram hmasawna a thawk ho thei tur a ni hi ropui ka ti a, churang chuan lawmawm hlein ka hria a ni. Tin, vawiinah hian kan bill pass turin a Municipality Board-te, Council-te leh chi hrang hrang an huam hi lawmawm ka ti a, Constitutional Amendment 73<sup>rd</sup>, 74<sup>th</sup> te kan han thlir khan India Constitution, Parliament-in a passed-ah khan Panchayati Raj-te thildang dang an tarlang a, vawi tam tak debate a awm tawh thin a, YMA huangah pawh heng Panchayati Raj-te pawh hi 73<sup>rd</sup> Amendment te pawh hi a tha tawh lawm ni ? kan han tih laiin kan ram tan kan hnam tan a la him chiah lovang a, tihte niin Floor-ah phar tlakte pawh a ni fo thin a. Amaherawhchu, vawiinniah he House ngeiin keimahni hnam tan pawha him thei tur anga ngaihtuahna fim hmang chungah he Constitutional Provision hnuai Body kan siam tur hi kan neih a tul hlein ka hria a ni. Tin, he Bill a ropui ka tih em em a chu "Aizawl Municipality Bill 2007" ni mai lo, 'The Mizoram Municipality Bill 2007' tih a Aizawl khawpui chauh nilo District khawpui dangah pawh a hman theih tur ang te, tin a tul dan ang zel a sub-Town ah pawh a ni mai thei e. Chutiang a hman theih tur a huam zau taka he House a pharh a ni a. Pharh tur a rawn chhawp tu Department te fakawm ka ti a. Tunah hian Revenue Department ina a tarlan danin kan ram chhungah hian notified town kan tih a hi Urban Area-ah 22 lai puan kan ni tawha chungte in awpna tur kal zelah hei hi a pawimawh hle in ka hria a. Chu chu kan sawi hmasa duh a ni.

Tunah, kan hmaah khan hotu thenkhat ten an sawi a, vawiinah hian party inchirhthehah indem hman kan ni pawhin ka hre vak lova, sawi duh dawn chuan sawi tur tam tak a awmin ka hria a. Hun hmasa 1992 Congress Sorkar lai pawh khan Municipality Bill hi an lo buaipui hle tih a lang

\*Speech not corrected.

a, 1998-ah pawh House-ah ngei hian lo sawiho a ni tawh a. Amaherawhchu, khatihlai Sorkar kha a la intiam lo deuh a niang, a la rem leh lo deuh hlek a, tin, kum 1995-ah khan Administrative Reforms Commission ang deuh dinin Pu B.T. Sanga leh Pu H. Raltawna te pawh kha helaia kan hnam tana him tur a awm thei lawm ni tia ngaihtuah tur khan an lo ruai tawh a. Amaherawhchu, an recommendation a kha 1997 vel khan an thehluh a, duh anga hman mai lovin a lo hlamzuih ve leh thin kha a ni a. tin, he Sorkar ngei pawh hian, kan hmaa sawitute khan, hman hi a tum lo hrim hrim a, a nawra nawr a, sum leh pai JNNURM-in a rawn ken hman a tum avang chauha hei hi hman loh theih loha barhluiha han tih ang lek leka ngaih theih awmte pawh khan tizawng hian ka rilruah a lo awm a. Kum 2002 atang tawh khan he Sorkar hianin Municipality hi kan hman ve a rem lawm ni a ti a, kan ram tana her mila awm theihna tura ngun taka lo zir chiang turin OSD-a Pu L.T. Zothankhuma ruaiin State hrang hrangah hmun hrang hrangah hemi an hmandante zirin a lo tih tir tawh a, a lo fehchhuah tir a. Chu chuan recommendation-te lo siamin he Sorkarah pawh a thehluh tawh a. Tin, kan Member zahawmtak, Pu Andrew-a ngei pawhin hun hmasa lamah khan hei hi a lo pulut a, mahse, Sorkar a la intiam lo deuh a ni ang, vawiinniah a hun takah he Sorkarin a rawn pharh a, ropui ka ti a ni. Chutihruah chuan fimkhur ngai leh tunlaiah chanchinbuah te pawh eng eng emaw lo lang a awm thin a, he Bill Section 29-na, para 1-na Sub-para (b)-ah khan Municipality huangchhunga vote nei theite a rawn tarlang a. Chumiah chuan a rawn tarlan dan khan ordinary resident-in municipality area tih mai khan vote nei theite kha a rawn siam a, thahnemngai zualten an sawi danah duh fir zawk ten ti zawk hian ziah ni ta zawk sela, bonified resident-in a municipality area ti zawk ang se, hemi ni lova a inziah dan ngau ngau hi chuan foreigners-te pawh, he area chhunga awmte pawh hianin vote an nei thei tihna a ni lawm ni tiin an lo sawi a. Mahse, ngun zawka kha dan kha kan bihchian a, kan enchian chuan kha dan khan kan bill chai mek chang 30-naah khan tlawhchhan a rawn nei a, Representation of People Act, 1950 Section 16-na kha a rawn tlawhchhan a, chu Section 16-naah chuanin vote nei thei turte kha chiang takin tarlan an ni. chu chu Pu Speaker, tiang hian a intarlang a, citizen of India tihte, i rilru kimlo, court-in rilru kimlo a a puan tihte, corrupt practice leh election chungchanga thilsual a tih avanga disqualified-te tiin representation of people Act, 1950 section 16-na khan a rawn tarlang a. Chu chu he kan dan tuna ka pharh, chang 30-naah khan tlawhchhan a ni. Chuvang chuan, a kim love, a felhlel e kan tih lai pawh kha a him thei mai lo maw, ka ti a. Ka duhthusam tak pheih chuan constitution body pakhat a nih avang hianin a theih loh e, kan ti a ni maithei a. Kan V/C electoral Roll ang te hi hman theihin, kan Governor emaw, President emawte hian assent-te hi min pe thei selang chuan kan hnam tan a him tur niin ka hria a. Mahse, hei hi a remchang lo a nih pawhin tuna kan hman dan, a him chin turah hian a awm thei niin ka hria a ni.

Tin, Municipality, tuna kan han sawiah hian a thuneihna tur chungchangte, 12<sup>th</sup> Schedule-ah te khan engemaw chen kha a awm a, chu chu State Sorkarin a remchang a tih dan anga thuneihna a hlan chhawn chhoh tur Constitution-in a tarlan ang hi thuneihna a hlan chhawn tur a ni a, kan lo chin chhoh a nih pawhin a intahtawlin kan hlan chho turah kan ngai a.

\*Speech not corrected.

Chuvangin, zir thar tir chho tur an nih avangin constitution-in provision a pek ang zawng zawng hi vawikhata hlui nghal kher hi chu a rem loah kan ngai hrih deuh a, an han in function chho ang a, establishment-te felfai zawka a awm chhoh hnuah muangchangin pen chhoh zel kha a tha awm mange ka ti a.

Tin, Local Body Municipal kan neih hrim hrim hi tha hlea ka hriat leh hmundanga rilrua min kaihruaitu atan kum 2000 September 11-ah New York-a World Trade Centre a chhiat pawh khan, khata a Sorkar ai maha lar leh hmingthang ber kha chu New York Mirror kha a ni. Chu chuan disaster thilah pawh nasa takin tualchhung, a khawchhung inawpnaah hna an thawh nasat zia te, khawvel pawna an hriat khawpa lar kha an ni a. Kan Aizawl khawpuite pawh hi chhiat rupna lo thleng ta se, Municipal kan neih a, disaster ang chi leh thildang dang an kan hianin a Ministry huang chhung piahlahmah pawh an ni kha hmachhuan tur tha tak kan nei dawn niin ka hria a, a lawmawm hle a ni.

Tin, thil hlauhthawn theih awm nia ka hriat, tumah indem lova kan tanruat ngai nia ka hriat chu, kan Statistical Hand Book, 2006-ah khan Mizoramah hian Schedule Caste 272 awm tawhin a rawn tarlang a, Municipal Rules hrang hrang ang chi han en hian a lo awm a nih chuan reservation hi Schedule Caste tan pawh pek ve tur a ni tih ang chite, Women Reservation pawh pek tur a ni, one-third pek tur tih ang chi te a lo awm a. Heng hi keini hian a principle-in kan pass ang a, reservation engmah Schedule Caste or Schedule Tribe a ni emaw, siam lovin kan zavaiin kan lenna tura kan pass turah han ngai ta ila, chumi hunah chuan Governor hian assent hi a lo pe duh lo mai angem ? Schedule Caste, Mizorama cheng vete tan hmun a awm love ! a lo ti angem ? Constitution Provision awm ve tho a ni si a, tih kha a hlauhthawmin ka hria a. Mahse, kan Governor a tha a, chutiang ti lo turah ngai ta ila, President assent tura a lo thawnthlak daih phei chuanin sut a har thei a. Hetiang thil ang hi kum 1994-ah khan, Arunachal Pradesh khuanin an tawng a ni. An Panchayati Raj siamah khan anmahni Assembly khan an han duang ve a, an han ti a, Scheduled Caste-te tanah reservation siam miah lo khanin an ti a. Governor khan assent pe duh lovin, President hnen a thlenthlak khan, President khan rei tak a lo delay-a, kum 1994-a an pass kha, 2001-ah khanin assent kha a pe chauh mai a ni. Chutiang chu a awm palh thei a nih avangin he dan tha tak kan pass-ah hian tumah indem lova, party, party awm lovin, kan ram, kan hnam tana him turah hi chuan aw khat kan neih hi a tulin ka hre tak zet a ni tih kha ka'n sawi leh duh a.

Tin, kan Member thenkhat ten ADA an han ngaimawh pawh kha a awm hlein ka hria a. He Sorkarin Municipal a din hmaa kawng lo sutuah leh tin, ruahmanna a siam danah pawh thil tam tak, helampang hawi hnai chu a ni e. Amaherawhchu, tukin zinga kan House Leader, he bill han puluttuin a sawi ang khanin thil insaikalh lo tur, ngaihtuahna hrang hmang tur, thil lo insu palh pawh awm sela constitutional body saw a lal tur thu kha a rawn tarlang a. ADA hi chuan Aizawl Master Plan-te, tin, Zonal Divisional Plan te, thil hrang hrang a khawih dawn niin a lang a. Municipal hi chuanin administration

\*Speech not corrected.

leh thil tam taka tualchhung inawpna lampang a khawih dawn niin a hriat a. Chuvang chuanin insubuai lo ni thei tur angah ka ngai a, a lo insubuai chho ta a, harsatna a lo awm a nih chuan tu Sorkar pawh lo awm se, chu chuanin a la ngaihtuahin a la chingfel thei turah ka ngai a, buana hmaa lo kherh lawk lutuk a kha a tha lo awm mange, ka ti bawk a ni.

Tin, JNNURM avanga hei hi hmanhmawh chuk chuk leh ti tur kan ni lo maw ? tihte pawh kha nichin khan ka lo sawi tawh a. 2002 atang daih tawha a zirtu bik, hemi atana ngaihtuahna lo hman tur bikte lo insiam awm tawh a nih avangin, chutianga han indem tur bik pawh kan ni dawn em ni ? Tin, a lehlamah min lo tihmanhmawh sawttu a lo nih pawhin, kan rama development lo luanluhna tur kawngka hnaivai a nih chuan pawm zawk ila, pawm tlang ila, tumah inchirtheh lovang u, kan hnam tana tha turah chuan, tih laia kha ka'n sawi duh a. Tin, he dan ka han en khanin pass a lo nih, hman tura Gazette-ahte chhuah a lo nih hnuah thlaruk chhungin kan V/C te thlaruk pawh an la function thei anga, chumi thlaruk hnuah inthlan a awm tur a ni tih a lo awm chho ta a. Section hrang hrang han en khan, Section 6-na hnuaiah pawh khan local authority V/C te inthlan hnuah, tin, Section 13(3)ah khan a awm bawk a, tin, Municipality work khat hnuaiah, veng 2/3 te kan lo awm dawn ta a, entirman, Village Council tunah pakhat awmin veng veng hlawm kan lo ni a, tunah ward anga kan han kal takah constituency pakhat hnuaiah hian ward pahnih nge kan awm dawn chu ka la hre lova, nakinah ward khat hnuaiah veng pahnih/pathum te lo awm ta ila, ward committee, chulai hmuna kan councillor-te kaihhruaina hnuaiah lo dingin chulai bial chhung development ngaihtuatu tur mumal lakte, tin, chu ward hnuaiah chuan Local Committee la siam leh zel tura kan Village Council ang hi local committe, thuneitu sang tak awm ve tur tho, la awm zel tur han en hianin V/C taka chu khawpuiah lo bo mahse, local committe-a la awm turte hianin kan chhawk zangkhaiin kan administrtion pawh hi a buai lutuk lo ang a, tihte min ngaihtuah tir a.

Tin, Municipalities Bill kan pass hi kan ram tan pawh a tha hrim hrimin ka hria a. Development sum tam tak Central atang pawha hnuhluh ve theihna he body hian direct handling engemaw zat a nei thei a. State hnen atanga dawn bakah Central atanga lo dawn theih hian kan ram, kan khawpui develop-na atan pawh a tha hlein ka hria a ni.

Chuvang chuan he bill hi tumah indem nan awm lovin, kan ram kan hnam tan tha tur ngaihtuahin he bill-ah hian khawilai hi nge la him lo deuh hlek enchian ngai, khawilai hi nge kan tanrual ang a, kan ram kan hnam kal zel tur tan tha ang tih ngaihtuah chung a pass a, lungrual taka pass turin ka Member-puite ka sawm e, ka lawm e.

\*Speech not corrected.

**SPEAKER**

: Dar l a lo hnai a, hun hi a laklawh deuh a, kan chawlhsan rih mai dawn em ni ang. A nih aw, chawl rih ila, chawhnu dar 2:00-ah kan thukhawm leh dawn nia.

Sitting adjourned.  
12:55 PM.

.....1048/-



13<sup>th</sup> Sitting (Afternoon)

2:00 P.M.

**S P E A K E R** : Rorel kan chhonzawm ang a, tunge sawi leh ang. Pu Liansuama.

**PU LIANSUAMA** : Pu Speaker, vawiina he rorelna sang bera Mizoram Municipality Bill kan han ngaihtuah hota mai hi a vanneihthlak ka ti hle mai a. Nichina kan ngaihtlak tawh ang khan 1998-ah hian putluh a ni a, mahse sawiho anih hmain No-confidence Motion a lo luh tak avangin kha bill kha a hlamzuih ta a. Tichuan hun a kal chho zel a, kan ram mamawhte a lo inthlak zel a. Chutih laia Bill put luh LAD Minister zahawm tak Pu S.T. Rualyapa put luh te aia famkim zawk mah vawiinniah hian he House a kan han ngaihtuah thei ta hi lawmawm ka ti hle mai a. Tin, chutih rual chuan kan ramin a mamawh ngaih ngaih heng kan khawpui hrang hrang Aizawl bakah pawh kan District Capital te leh khawpui tih tham deuh ho hi an lo thang chho zel ang a. Chungte tana dan tha tak mai kan han siam tur hi lawmawm ka ti takzet a ni.

Tin, India Constitution siam danglam 73-na leh 74-na India rama Pu P.V.Narasimha Rao, Prime Minister anih laia an rawn siam chhuah atang khan State hrang hrang te hian Municipality Bill bakah hian Panchayati Raj tiha kan sawi mai thin, thingtlang lam enkawltu tur tepawh dan tha tak an siam a, State tam takin chu chu an lo hmang tawh a, keini hi vanneihthlak takin Village Council te 1953-a nei tan tawh niin tualchhunga ro inrelna hi a tha thawkhat a, siamthat chhoh zel te pheii chu a ngai ang a. Chung pawh chu kan Sorkar hmachhawpna tur zel nisela. A hrim hrim thuah dan hi duhang thlapin a la phuisui rihlo anih pawhin Aizawl, Lunglei leh District Capital-ah te Municipal Sorkar kan han nei thei tur local elected body kan han nei tur hi a tha hrim hrim a. Nichina kan ngaihtlak tawh ang khan MLA te tan a lo hahdam sawt ang a, Elected representative khawpui enkawltu tur kan han nei tur hi a nihlawh thlak dawnin ka hria a He House-ah hian tun tum Session pawh hian Pu Speaker, Aizawl khawpui enkawl dan a duh khawp awm tawh loh zia ka sawi fova. Kalkawnga thuneitute, tin tui in tur pek chungchanga thuneitute leh thu neitu a pui hi an tam avangin kan nih tur ang hi kan ni lova. Chung zawng zawng hlawmkhawm chuan he Municipal Dan hi kan han nei dawn ta a. A duh duhin kan duh dan hawi zawng zawngin in kan sa a ni ber a. Tute tawngkam thiam deuhin kan bang a inhnaih tial tial a kan rilru a inhlath tual tual an tih te pawh hi a dikna lai a awm a. Mi ram Municipal te chuan bang leh bang inkar thenawmte ramri chiah chiah tak takah hian bang kan ping ta a. Khung Bangalore ah te leh India ram khawpui tam takah hian mahni compound ramri atanga in sak hlat zawng turte tuk vek a ni. Vawiinniah hian a tlai tawh hret nang a, hetiang lek kawh tur body tha tak mai kan din tur hi a lawmawm a. A bu pawh hi hei a chhah tha ang reng khawp mai a. Kan Sorkar hianin remhre takin LAD Minister Chairman-na hnuaiyah party zawng zawng te aiawh Committee a siam a. Chu Committee-ah chuan kan tlin loh ang angin keini

pawh helam aiawh hian kan tel ve a, ZNP aiawhin MLA zahawm tak Pu Andrew Lalherliana a tel a. Congress Party aiawhin Aizawl North-II bialtu zahawm tak Pu Liansailova a tel a. Tin, MPC aiawh atan Pu Lalhmingthanga Senior Member a tel bawk a. Chung chuanin he draft hi uluk takin vawi tam tak kan ennawn a. Heti chung pawh hian phuai deuh te chu a la awm mai thei a. Nichina Ratu bialtu zahawm takin a sawi te leh Committee a kan thawhpui Pu Sailova ten an han sawi te pawh khan a dikna chen a awm ang. Mahse a danin a tum hi a tha hrim hrim a. Chutih rual chuanin Aizawl North-II bialtu zahawm takin a sawi Section 29 leh Section 30 voter te Electoral Roll a thun an nih dan tur chungchang thu kha han sawifiah deuh hlek thain ka hria a. Kan ngaihtuah lai pawh khan Village Council Electoral Roll hi hman zawk mai a dik lawmni tiin kan ngaihtuah a. Amaherawhchu, thil thui zawk han ngaihtuah khan venthawn tur te pawh a awm a. Chuvangchuan, MLA inthlanna leh M.P. inthlanna a Electoral Roll hi hman zui ni maise tiin. Tichuan Section 29 leh Section 30-na he kan Bill phek 14-na-a lo lang registration of voter chungchang leh disqualification chungchang kha representation of peoples Act, 1950 tlawhchhana khami zul zuia siam a ni a. Voter-ah tu tenge register ni ang tih kha chiang takin a lolang a. Tutenge disqualify ni ang tih chu RP Act, 1950 Section 16-na tlawhchhan leh Registration awm dan tur chu R.P. Act, Section 20-na tlawhchhan a ni ang.

Tlungvel bialtu zahawm takin a rawn sawi - lang tawh a. Chuvangchuan, India khua leh tui nilo hian Electoral Roll-ah an chuang thei reng reng lova. R.P. Act tlawhchhan anih avangin. Tin, chu mai bakah chuan State Election Commission-in Elector Registration hna a thawk a, chu State Election Commission chuan Electoral Roll a buaipui-ah he R.P. Act hi a tlawhchhan dawn a ni a. Chuvangin, foreigner emaw India citizen nilo leh rilru kimlo te, chu dan kan sawilai mekin tello se, an tihte kha chu an tel dawn chuang lova, hlauhthawn tur a awm lo. Chu chu a chiangin ka hria a.

Tin, Aizawl Development Authority nen House Leader he Bill rawn puluttuin a hrilhfhiah tawh ang khan Section 387-naah khan tuna kan dan sawilai mek leh Aizawl Development Authority dante a lo in su anih emaw a in thuah a lo awm thei a. Chungah chuan he kan dan hi dan puitling a lo nih hunah chuan a lal zel zawk ang tih a ni.

Tin, chuloah chuan he kan danah hian Act anih hnuah Rules siam a ni dawn a. Chung Rules chuan helaia Act famkimlo lai leh thuan ngai lai kha a rawn puhruk vek dawn a. Chuvangin, he kan dan hi Pu Speaker, Assembly roreina khawla kan awmve chinah chuan dan ama tawka intodelh ber pawl, Rules pawh hi siam ngai mang lo va hman theih ti tih maiin a lang a.

A buatsaihtu LAD Department te hian an Officer pension tawh fel tak Pu L.T.Thankhuma re-employ-in hun rei tak an buatsaih tir a, W.Bengal-ah te, India chhimlama State leh Delhi Dan tha tak tak nei Delhi leh kan State thenawmte Municipal Dan te leh nichina kan han sawi tak Dan te kha uluk taka thli thlain tunah hian min rawn buaisaih sak a. India rama Municipal Dan-ah hian a tha ber mai awm mang e aw ka ti hial a ni. Chunga State tena Rules-a an neih tha tak kha he Dan-ah hianin ziah luh a ni nghe nghe a, a that

leh zualna chu Rules hi chu Sorkarin a amend zung zung thei a. Act erawh chu Assembly kaltlang lo kha chuan siamthat mai theih a ni dawn lova. Chuvang chuan he kan Dan ngaihtuah mek lai hi Mizoram dan kan ngaihtuah tawh zingah chuan a mah leh a mah a intodelh ber hial mai awm mange ka ti a ni. Amaherawhchu, chuti chung chuanin chhutsual palh te, chung chu kan han hmang phawt ang a. Chutah Sorkar pawhin a that lohna lai awmte amendment, Private Member Bill te, Sorkar Bill te pawhin a la lut ang chu. India Constitution meuh pawh hi vawi za chuang zet siamthat tawh anih avangin hei hi tha famkim chu a ni bik hauh lovang. Chuvangchuan, he kan Dan hi a tha hle a.

Pu Speaker, nichina kan sawi tawh ang khan LAD Minister a bul lo tumtu hianin Sub-Committee-ah vawi hnih vawi thum ngaihtuah turin min sawmkhawm a, Clause by Clause pawh hianin kan lo en tawh a. Tin, Department Officer-te pawhin he Dan hi an belin a hriat pawh an hre tha ngawt mai a. Chuvangchuanin pass phawt mai ila, kan ram nghahhlel kan ram tana tha tur, a bikin khawpui inrelbawlna chungchang thuah hian neih sawk sawk hi a nghahhlelhawm a. Chuvangchuan, kum khat chungang inthlan tur tih hi a ni nangni ina kumkhat aia hmam he Municipal Council te, Municipal Board te hi nei sawk sawk ila. Politics a ram hruaina a tana khawtlang enkawlna atana mi inpe tam tak te tan mipui service na tur chance a lo inhawng bawk dawn a ni. Chuvang chuan he Dan hi tha tak kan ram ina a mamawh em em, he kum thara kan han nei thei tur hi a lawmawm ka ti a.

Tin, Ratu bialtu zahawm takin Central Sorkar JNNURM pawisa kan hmuh theih dawn vang maia siam chuk chuk a ni e a tih hi a chhan a chu enga pawh kha ni se, a Dan a hi chu a thain kan ram tan hian a tha dawn hrim hrim a. Chutih rual chuan he kan Dan a Section te han bihchian hianin Aizawl khawpui chung hi an singsa fel dawn a. Nichina kan sawi tawh ang khan tui luankawr chungchang te, tui sem chungchang te, khawpui kawng cheithat chungchang te, a tam mai. An power tur te pawh hi a tam a. State Sorkarin a tah tawlin power an pebelh zel ang a. Legislature a ni ve bawk dawn si a. Chuvangchuanin, kan thalai leh tlema lo senior tawh deuh pawh a ni thei e, mi fel tak tak he Assembly a ngaihtuahna a lo tel lo, eng eng emaw avanga remchanglo te pawhin chance an rawn neih theih phah ang a. Tichuan Municipal Sorkar tha tak, Aizawl, Lunglei leh khawpui dang a kan han nei thei tura he Dan lo piang hi, he bill lo piang hi a lawmawm thlawt a ni. Hetih rual hian kan Village Council Institution heng khawpui municipal nei turte a an bo ta tur erawh hi chu a uihawm khawp mai a. Tualchungah Village Council hi khawpui ni mah ila kan hmang rim a, kan chhawr tangkai na ngiang a. Sorkar kut ke an nihna hi a thui khawp mai a. Chumi thlak tur Ward Committee din chungchangah te pawh hian kan Village Council-in thuneihna a neih thui tak hi chu Ward Committee chuan la chhawm nghe nghe sela a tha dawn hian a hriat a. Entirna atan, kan V/C neih lai mekte hian kan Customary Law-ah te thui takin roelna dan Court function tepawh an nei a ni a. Heng pawh hi kan hmang tangkai khawp a. Chung atan te pawh chuanin kan hotuten rilru thui tak neiin chu Ward Committee kan neih hunah pawh chuan V/C kan neih loh hun pawh a khawharthlak lo turin Dan te pawh siam ni thei phei sela chuan a changtlung leh zual dawn a ni. Chuvangchuan, he Municipal Bill, 2007 hi Member ten lung rual taka pass turin ka rawn tawiam ve a ni. Ka lawm e, Pu Speaker.

**PU LALHMINGTHANGA** : Pu Speaker, ka lawm e. Hei 'The Mizoram Municipality Bill, 2007' ah hian he House zahawm takah ngaihtuah tura lo lut hi a buatsaihtu hrang hrangte, kan House Leader te, kan Minister LAD changtu leh Official te hnenah lawmthu sawi pawh tul hlein ka hria a. A Dan chungchang thuah hianin a chhungril luhchilh vak ka tum lova. Member zahawm tak ten hma lama an sawi tak ang khan kan LAD changtu Minister hian Party hrang hrang aiawhte kha min co-operate a, chutiangah chuan keipawh a Sub-Committee-ah khan min telh ve a. Ka kal chhe viau a. Amaherawhchu, Municipality Bill neih hi kan ram tan a tul em em tawhin ka hria a. Chuvangin, he dan hi keini Legislature Party pawn kan rawn support em em a ni tih kha kan sawi duh phawt a. Thil hlui tlem han sawi tel ta ilangin Member dangte khan an sawi nual tawh a. Mahse an zui sawi thlen bak kha hmanah kan party kan Sorkar ve laia kan hruiatupa ber kan Chief Minister zahawm tak Brig.T.Sailo anih lai khan, Aizawl khawpui leh Lunglei khawpui a tan deuh bik hian municipality din ni ta selangin tiin Sub-Committee tepawh kha a siam a. Chutah chuan engemaw chen chu chung Committee te chuan lo ngaihtuahin thil tih a tum a, kal chhoh pui tawh a ni. Amaherawhchu, khanglai kha kan hriat theuh tawh angin U.T. kan la ni a. Tin, rambuai te kan la ni a, thil tih zung zung a harsa hle a, kan term chung kha chuan kan puitlin zo ta lo kha a ni a. Tichuan Sorkar dang rawn inthlak chho zelin buaipui chhoh zel a ni a. Tunah hian a lo puitling ta hi thil ropui tak a ni, kan ramin a mamawh pawh a ni a.

Tin, he kan dan hi a comprehensive em em hi a thatna lai a ni a. Aizawl khawpui tan chauh a ngaihtuah lova, hemi kan rama khawpui chet a che nakina la neih zawm zel theih tur dan hrang hrang thlih thlih a a tul dan ang a siam chawp ngai tawh lova, kan ram mamawh lo thang chho zel tur thui tak huap zel thei tura han siam chhoh hi a siamtu tepawn an ngaihtuah theiin tih dan pawh an thiam hlein a lang a.

Tin, chubakah India ram khawpui hrang hrang a municipalities dan an lo neih te leh khatiang a an lo practice tawhna entawn a, khuta tanga a bawngnute dak thalai lakkhawm a siam chhoh anih nghe nghe avang hianin kan vanneih phian a ni tiin kan sawi duh a. Hemi a huapzo a nih nalai hi dan kan neih zingah a special nalai riau a zuk ni tih kan tarlang duh bawk a ni. Tichuan Aizawl tan kan tanna emaw a lo ni ang a. Lunglei lamah te leh District Headquarters hrang hrangah tin, heti laia criteria ina a rawn phal ang hian la kal zel tur pawh a ni thei dawn a. Chuvang chuanin dan tha tak a ni tih kha kan sawi duh a ni.

Tin, a dang lehah chuan kan sawi lan leh duh chu, hei hian decentralizations of power nasa takin a keng a, tunah hian kan khawpui enkawl dan kan thlir chuan LAD hi kan han pa pek deuh hlek na a, mahse department hrang hrangin khawpui chhungah khan thuneihna para metre an nei theuh a, PHE lamin tui supply an han ti a. Tin, PWD lamin kawng a lo ni a, Power & Electricity lamin eng a lo ni a. Tin, LAD lamin step siamte leh khatiang sanitation te, PHE in a then sewerage scheme tih ang te. Heng zawng zawng na na na chu han Co-ordinate thin mahselangin, duh angin a kal tak tak thei lova.

Tin, Trade & Commerce hi a market lamte an ni a. Mahse he Dan kan han neih hi chuan hemi a tih tur a power, he body lo piang tura he danina a zuk pek zawng zawngte hian khangho kha chu a khaikhawm ta a. Chuvangchuanin, khawpui than dan turte leh a chhunga cheng tena kan mamawh chi hrang hrang a pawh kha concentrate zawkin, tha zawka tih theihna kawng a chhuak ngei ang tih a rinawm a. Chu chu kan mamawh rawn dawm chho tura tuna a thatna em em lai chu a ni chho dawn a ni tih a lang thei a ni.

Tin, hemi rorelna hi a pawimawh em em a, khawi ramah pawh. Human History hrim hrimah hianin Political leh Administrative set-up kan han siam chhoh reng reng hianin kan society-ah han kawng hrang hrangin kan khawtlang nunah te, kan Culture-ahte tin kan thlarau nunah te. Tin, kan Education kalhmangahte hengah hianin kan mihring feeling a siam chhohin, kha khanin a determined vek thin a. Tuna khawpuia kan awm pawh hi kan zuk enchian chuan, Village Council system-in kan kal a. NGO Organisation reng rengte pawhin khami boundary hnungzui chiah mai khan organisational set-up an rawn siam ta a. Kohhrante thleng pawhin chutiang chuan a lo ni ta a. Tin, nula tlangval inawp danahte leh kan sakhwana-a TKP kan ti emaw, KTP kan ti emaw, chung angho inawp dan zawng zawngah pawh chuan kan Administrative Boundary kan siamte leh Political Boundary kan siam ang ho hianin influence a nei thuk em em a ni. Tichuan, heti laiah hian kan zuk ngaihtuah thin a, thil pakhat tul deuha kan ngaih chu kum 50 kan lo practice tawh Village Council Boundary a kha a rawn thiat chho dawn ta a hei hian. Tichuan a Constituency tih ang zawngte pawhin han sawi ta ila, a technical term-ah khuan ward tih pawh lo ni ta se. Chu chu a rawn piang ang a. Chumi ward pakhat ina a huamchhung kha Village Council pahnih emaw, pathum emaw area ang pawh kha lo ni ta se. Village Council a rawn bo ve thung ang a. Kha khanin boundary hran a rawn siam dawn a. Chutilai transition takah chuan public awareness hi tha taka kan kalpui a tha awm mang e. Chutilo chuan chumi veng leh chumi veng tih feeling group centre-ahte pawh hian kan expenrience tawh chuan 1968-ahte grouping an han ti a. Khatia kan han awmkhawm a, khaw hrang hrang min han lak pawh khan khatiang angina kan thilnung leh kan culture, kan Social life a lo influence tawha kha a leh lamah chuanin disuniting factor angin a kal a. Vawiin thleng hian nawhreh hleih theih lova la kal chho a awm a. Chuvangchuan, Municipality kalhmang kan han implement a Board-ah khan Committee hrang hrang kan han insiam a, Development Committee te emaw chung ang kan han insiam chhohah thil thar a lo piang dawn ta a. Helai hi partycular tha tak nei thei tura hemi kan implement chhoh dawn hi chuan Sorkar lam atang pawhin mipui zirtirna leh a kalhmanga hi fiah zawka an hriat chhoh theihna turin kha khan a transitional period khan engemaw thil duhawmlo kan social life-ah, kan Church Administration-ah te leh NGO hrang hrang Administration-ah te arawn siam chhuah lohna tur hianin mumal deuha inzirtir theihnate awm ta sela a tha awm mang e tiin ngaihtuahna ka zuk nei a ni.

Tin, hemi Bill hetiang siam chhoh mek anih lai khan kan party lamah chuan kan High Command ten an han ngaihtuah a, Aizawl Development Authority awm tawh bawk si, tin 'The Mizoram Municipality Bill' rawn awm chhoh leh a, Act kan pass hi chuanin overlapping area-te leh engemaw a insutbuaina lai tam tak thuneihna pawh then hran hleih theih lohva subject thuhmun intawmna lai a awm ang a, hei hian thil a tibuai phian mai awm

mang e aw tih ngaihtuahna neiin kan party chuanin hemi Municipality Bill hi House-ah pass a nih a, enforce a nih chhoh dawn chuan Aizawl Development Authority Act-a hi chu hei hian automatic hian repeal tura siam a tha awm mang e, siam nise a ti ang hialte pawhin Press Release te pawh an lo chhuah tawh a ni. Chumi chhanna lamte chu nge ni? Engnge ni ka hre lova, hemi Bill-ah hian kan Sorkar hianin Amendment a rawn siam hnan nghal ta a. Hei hi a tha hlein ka hria a. Section 387-na rawn dahbelhin hemi Municipality Bill hi Act a lo nih hunah chuan Constitutional base a nihna ang leh Statutory Body in 100% manners a nihna ange zuk recognise-in a ni ang chu ka ti mai a. Hei overwriting effect a nei ang a, Aizawl Development Authority nena a in overlapped-na emaw a intrust ta emaw a nih chuanin heta provision hi a lal zawk zel ang tih hi amendment an rawn pulut nghal zel ang tih hi a tha khawp mai a. Heti hi chuan insutbuaina lai tur thil kan lo hlauhthawn a kha hei hian engemaw chenah chuan a rawn thelhah ka ngai a.

Tin, a dang lehah chuan he Bill hi tih mawp mawp a tul hleah ka ngai a. Kawng hnih kawng thum in a tulna lai hi a rawn langchiangin ka hria a. Saw chhimlamah Lungleiah chuan Chhimbai chhantu NGO organisation chak tak a awm a. Tin, Panchayati Raj Implementing Committee te an din a kan mithiam ten. Tahchuan han thlirin kan ram ina democracy kawng kan zawhnaah hian India Sorkarin Constitutional Amendment a siam a, Panchayati Raj te zau zawka hman tur a taka Constitution a han dah hian, Mizoram te chu concession min pe mahse hemi kawng, Decentralisation leh Local Self Government Spirit hnung zui, a chak thei ang bera kan kal an duh em em a.

Kan Sorkar-ah pawh vawi tam Memorandum te thehlutin hmun tam takah Seminar te neiin Mizoram hmun lian lianah zinkualin mipuite zirtirna te an lo nei tawh thin a. Chutihrualin Aizawl lamah Municipality Steering Committee kan in din a. Chu chuan thahnemngai takin a draft bill te siamin mipui hnenah Public Education te siamin Sorkar an rawn nawr a.

Chutiang anga boruak a kal vek lai hian heng hi delay ta zelin engemaw mipui, Section of the People thinlungah chuan beidawna te leh Sorkar a rinna nghah theihlohna tepawh a hring chhuak thei a. Tin, hmun tawh khan lehkhah MLA min rawn pe a, an Draft Bill tepawh kan han en a. Chutichuan tunah hian kan Sorkarin khangte pawh kha a chhanna a ni chho zelin ka ring a. He Bill hi an rawn tichhuak a House-a pass turin, House-ah an rawn chhawp lut ta hi hun tak a ni, kan political situation te leh over-all situation han thlir hian a due hle a ni tih ka han sawi duh a.

Tin, a dang leh chu hemi atang hian Decentralisation of Power a tak taka thil lo lang a rawn awm chho dawn ta a. Hei MLA hi seat 40 kan nei a, kan rama ram leh hnam veitu mi hrang hrangin heti laiah hian seat han chan theih theuh pawh a ni lova. Chuvangchuan, a zau zawnga mawhphurhna kan insem theihna tur leh kan rama mithiamte leh heti zawnga talent dawngte, interest nei tena ram rawng anbawl theihna tur atana kawng zau zawk rawn hawngtu a ni a. Chuvangchuan, tunah hetiang anga elected body thar rawn dingchhuaka ram tana rawngbawlna tur zau zawk thalaite leh talent neite tan a inhawng chho hi a hun chiah a ni e, a tlai lampang mah mah te pawhin a sawi theih ang a. Mahse, a la tlai lutuk chuang lova, chuvang chuan hei hi a hun tak a ni tih hi kan sawi duh a.

Tin, a dang leha chuan India Sorkarin hma a sawn chho zel a kawng tinrengah development kawng hrang hrang a rawn zawh chhoh a. Tunah kan hma lama Member zahawm tak tak ten an sawi tak ang khan JNNURM Project te an rawn siam thar a. Chumi hnuaiyah chuan khawpui 63 emaw an thalng a. Aizawl pawh an thlang tel ta a ni tih ka hriat leh heti lai atanga proposal Sorkarin a thehluh thlak crore 2010 dawn lai mai involvement nei, chung angte pawh chu an tlangpui, an lo pawmsak a ni tih te kan han hmuh hian khami lo dawngsawng tur body-a a kha hetilayah kan neih a tul ngawihn gawih a. Aizawl Development Authority mai kha chu Central Norms-in a duh dan body kha anih chuan lem loh avangin hmasawwna tha zawk kan neih theihna turin heng in rawn duangchhuak a ni hi a hun tak a la ni zel e tih kha kan sawilang leh duh a ni.

Tichuan, a bill hrim hrimah hian ka zuk luhchilh lovang a, a tha tawh thawkhat em em a, Act tha tak a ni chho ang a, Act hi engemaw tha lutuk famkim lutuka han tih hian he House-ah kan pass tawh chuan khawiah mah House-ah vek lo hi chuan amendment a tih theih tlat lova. Chuvang chuan, tuna a nihna ang hi a tha tawh a. Hei ai hian la chipchiar leh sela chuanin harsatna kan tawh mah mah zawkin ka ring a. Chuvangin, amahah hian zuk sawisel tur kan nei hranpa lo, typing mistake tih angte leh khatiang ang thil minor-errors tih mai lo kha chu khang kha chu kan mithiamten an hre zawk em em a. Tichuan, a Rules an siam hunah engemaw famkim lo lai chu an cover-in tha takin a kalchhoh theih a beiseiawm a. Tin, kan hriat reng atan chuan hemi hi a nihna ang tur hian tlang thuai thuai sela, tin, inthlan pawh nei thuai thuai ila. Chu chu kan ram tan a tul a ni tih kan sawi nawn duh a ni e. Pu Speaker, he bill hi lungruual taka kan pass kan beisei a, kan duh a. Kan Legislature Party chuan kan support a ni tih kan sawi a ni e.

- Speech not corrected.

**PU K. LALRINLIANA**

: Pu Speaker, ka lawm e. Vawiiinah "The Mizoram Municipalities Bill, 2007" kan Chief Minister zahawm tak Urban Development & Poverty Alleviation chang

tuin a rawn pulut hi a lawmawm ka ti hle a. A putluh hun takah a pulut niin ka hria a. Tun hmatae khan kan hriat ve phak loh Member zahawm tak Pu Liansuama sawi ang khan Pu Rualyapa pawn a lo pulut tawh niin a sawi a. Pu Andrew-a pawn a lo pulut tawh a. Ngaihtuahna a lo awmah chuan Urban Development and Poverty Alleviation Department din hma a putluh te an ni a. Hei Department hi an ding chiah a. Kan State Sorkarin sum hemi pual hian kan dah tan chiah atangin vawiiinniah putluh an ni hi a hun tak a ni tih hi ka sawi duh a ni. Pu Andrew-a putluh tum pawh khan a ropuiin a tha ka ti a. Mahse, khatih laia kan LAD Minister Pu H. Vanlalaupa'n a sawi ang khan Sorkarin Municipality Board/Council te, State dangtena an lo kalpui tawh dana hi kan zirtir mek a. Helama mi taima, mi hrat kan neihte kan chhawra tunah hian a department kan siamtir a. Sorkarin tih kan tum a ni. Tun hi chu a la hma hret e, kimchang deuh zawkin ni rawh se a rawn tih te kha ka la hria a. Khatihlai khan a thahnemngaihna a ropui ka ti a. Mahse, tlem khan a la duhthawh awm deuh a. Zirchiang tura ruat ten an zir chian mek lai a lo ni bawh nen. Sorkarin kan la pulut dawn e a tih kha vawiiinniah kan Chief

.....1055/-

Minister in a rawn pulut ta hi a lawmawm hle a ni. Hemi chungchanga ropui ka tih chu Power (thunehna) sem zai chungchang hi a ni a. Dik tak chuan mi tam takin he thil hi inpulut dawn tih kan lo hria a. MLA te pawhin lallo sawt dawn a nia. Minister te pawh min rawn ti thin a. Amaherawhchu, he thil hi ngaihtuah chian chuan ngaihtuahna hmangtu khawl kan siam zawk dawn a ni.

A danah hian Sorkar chungtlakna tur awmin ka hrelo. State Sorkar nen inhe takin ruahmanna fel tak nena kal ho tura dan hi siam a nih ka ring a ni. Tin, 1988 atangin Kolasib bikah pheih chuan Pu Aichhinga ho hian kan sawi kan sawi thin a. V/C sawm chuang neih ai chuan Mincipal Board te pawh hi nei ta ila a tha zawk ang a, Kolasib enkawl nan chuan a ti thin a ni. Vawiiinnia a tak a lo chang tur hi a ropui ka ti a ni. Sul lo sutu Pu L.T.Zothankhuma ruahmanna lo siamtu kan Minister te an fakawm a, Sorkar hmasaah pawh ngaihtuahna lo hmangtu te an fakawm hlein ka hria.

Tin, Section 7 page 8-ah khan Classification of Municipality tia a putluttuin a sawi ang hian Municipal Cooperation ah khan Word sawmpanga atanga sawmthum inkar awm tur a ni a. Municipal Council-ah khan 11-23 awm tur a ni a. Kolasib-ah 11-23 lo nei ta ila a tawk viauin ka hria. Chumi hnuaiiah chuanin Wards Committee an awm leh dawn a, a bialchhungah khan a wards a kha Chairman tur a ni a, chumi hnuaiiah chuan Local Body Committee a ding leh dawn a ni. Page No. 8-na Section 9-naah (e) naah khanin write two or more municipal areas so as to tih tur niin ka hria a. Helai hi typing mistake a ni em aw ka hre lova S.A. kha a in ti a, 'O' tur zawk nge helai hi typing mistake a nih ka ring a. Tikhanin thunehna kha entirman wards kha 11-23 nei ta sela, a hnuaiiah khanin Wards Committee alo awm ang a. Chumi hnuah chuan Local Bodies Committee a lo awm leh ang a. Khatiang khan thunehna insem zaiin Local Body te te a kha a lo awm ang a. Committee hrang hrang kha Joint Committee Section 25-naah khan Joint Committee an function leh thei ani tih te kha a inziak a ni.

Tin, Local Committee kha a Rules tur kha State Sorkar siam turin a insawi baw k a. Joint Committee kha a lo din chuan Local Body Committee te nen Wards Committee te nen a Municipal Body tenen khan vengchhungah a kilkhawr deuh te nen pawh khan khalai enkawl dan tur ruahmanna kha an thunehna hrang hrang an lakkawhna tur atana an phak ang taw k te te a kha ngaihtuahna an hmang khawm thei dawn a ni.

Thenkhatin Village Council kan nei tawh dawn lova, khawpui thenkhat te chuan a uihawm viau lovang maw tih te pawh kan han ti tak na a. Mahse, he dan chhungah hian chutiang hmawrfem a thunehna lo neitu tur Local Body te a lo awm veleh zel a ni. Chungte chu Joint Committee-ah khan han sawi ve theihna kha an nei chhoh dawn a ni. Chu chu a funkim hlein ka hria a. Helai hi a ropui ka tih lehna a ni a. A veng kilkhawr bikah Slum Area pawh khan mi harsa zawk te pawh an area lai bika an harsatna kha khawpui chhung tak tak a awm ve lo tepawh khan an zuk sawi thei dawn tih kha a Chiang a, a lawmawm khawpin ka hria.



Tin, Tax collect chungchangah Taxation Chapter 16-naah pawh khan Tax an collect-na tur chungchangah ruahmanna fel tak a insiam a ni.

Tin, pawimawh em em pakhat ka hriat leh a chu Chapter 11-na Layout Plan chungchangah khan. Tin, Chapter 7-naah khan Establishment kha a ni a. Section 61 naah page 26-ah khan Officer lak dan tur Office hnathawh dan tur, Officer hrang hrang lak dan tur te a inziak a. Tah khanin Engineer te, Doctor te, Planning lampanga kan mithiam ang chi mi chi hrang hrang lak dan tur kha a inziak a ni. Chu chu a Municipality Board/Corporation hnuaiah khan khang ang te khanin suggestion fel tak Board-ah an pe thei ang a. State Sorkar te nen, mithiam te nen khan inhnaihin Layout Plan fel tak an siam ang a. Kan town chung plan dan tur te, tui chhe paihna tur ang chi te, in sak dan tur ang chi te pawh Chapter 12-na Building Site & Construction tihah khan. Khatiang angah khan in sak dan tur te, in thiah ngai tur chi ang zawng zawng leh kawngpui hnai lutuka in sak ang chi leh bawlhhlawh paihna tur drain kal dan tur ang chi zawng zawngah pawh khan fel fai takin an area tinah khan ruahmanna fel tak anrawn siam ang a. Kan khawpui kha felfai takin vawiinnia hetia phuahchawp taka awm tawh lovin in tuichherawn paihna hi, in Septic Tank siamna hi tih ang chi a buainarawn tifel zung zung tur thuneihna lian tak nei siin Sorkar nen inberema kal theih dan tur kha a awm chho thei tawh dawn a ni. Keini Kolasib bikah kuanin Town Planning and Development Committee kan ding a. Hemi a hmalakna veah te pawh Committee kan han nei thin a. Village Council hrang hrang aiawhte, Development Officer kan neih hrang hrang te nen kan han sawikhawm thin a. Kan Town chung hi Aizawl han en khian a chepin a hrehawm a, Bawngkawn atanga Treasury Square han thleng tur pawhin darkar 2/3 vel kan kal tawh a nia. Kei Kolasib hi nakin hnu tur kan lo in en a ngai tawh a ni kan ti a. Town & Country Planning Wing te hian thahnem an ngai si a, an ni hi i chhawr tangkai teh ang u tiin Kolasib hmun thenkhat, kan chen lohna lai chin, la chenna lai turah te hian i siam chhin teh ang u kan ti a. Chutianga kan han siam chhinah pawh chuan Sector hrang hrangin kan then a. Tuna kan chen lohna town area chungah pawh kuan sector 20/30 chuang siam a lo ngai a. Sector khat survey an tih chung pawh hi a rei khawp a. Chulai chu kan ram a ni a kan patta tawh a, hei hi ka dil lai mek a ni a, ka huan a awm si a ti a buaina hi a tam em em mai a ni. Chumi tur atan chuan hetah Revenue lampang rawih a lo ngai a. Surveyor te nen, in hmun an nei em tih en a lo ngai a. Hetah Magistrate power kan hman duh chang a lo awm a. Khatiang chiah khan harsatna khatiang ang khan neih a awl khawp mai.

Amaherawhchu, vawiinniah hian Municipal Council emaw Municipal Corporation emaw kan neih chhoh chuan khangte khan awlsam takin Local Body Committee te nen a tifel tur leh a ruahmanna mithiamte nen khan an lo nei ang a. State Sorkar pun a ngaihna laiah pawh khati khan Co-ordinate tha tak neiin an kalchho thei dawn a ni a. Chu chuan awlsam takin kan khawchhung cheimawina leh awlsam zawka mipuite thawveng taka nakin hnu kan la chen theihna a tan ruahmanna an siam thei dawn a ni.

Tin, Plan han siam chungchangah pawh hian ka ti thin a, Park te pawh hi kan neih tam ngaiin ka hria. Tin, chumi mai bakah chuanin Semi-Public hmun tur te pawh hi kan lo zuah lawk tam a ngai. Nakinah

helaiah hian eng Department nge la awm ang khawpui lo la thang turah, eng Biak In emaw lo la piang tur ang chite. Playground lo zuah lawk ang chi te pawh, thil tam tak khatiang khan ruahman lawk tur a awm a ni. Chungte chuan vawiin a Department hrang hrang ten an hnathawh kallai indaihlo taka an kalpui a kha, he Board/Council hian a lo ngaihtuah fel sak tawh thin dawn a ni. Chutiang chuanin a kawng kal dan tur len zawng lo zuah lawka te, helaiah step kal dan tur lenzawng lo zuah lawka te, nakinah hei tuichhe paihna tur ang chi kalna tur lo zuah lawk ang chi zawng zawng te, Electric ban te Telephone line kalna turte khatiang chi zawng zawng lo ruahman lawkna nei thei turte, khatiang chi zawng zawng lo ruahman lawkna nei thei tur khan fel takin a kalpui thei tawh dawn niin a lang a, a lawmawmin a ropui ka ti a. He Municipalities Bill, 2007 a hi vawiin nia kan Chief Minister zahawm takin a Department chan Urban Development and Poverty Alleviation Department a changtuin a rawn pulut hi a lawmawm ka ti a, kan ramin kan than phah ang a, ram ropui tak zahpui awmlo kan din theihna tur atana inpuahchahna a ni dawnin ka hria a. Pass ila tih kha ka rawn thlawp a ni. Ka lawm e Pu Speaker.

**PU LALRINLIANA SAILO** : Pu Speaker, vawiina 'The Mizoram Municipalities Bill, 2007 tih kan sawi tur hi a lawmawm hlein ka hria a. Hetiang thu hi Political Party tin hian inthlan dawnin kan sawi theuh a. Amaherawhchu, a tak kan chan tir leh manglo tlangpui a. Nichinah Phuldungsei bialtu zahawm takin a sawi a, hun hmasa lama move a ni tawh. Amaherawhchu, engemaw rokhawlhna avanga sawi theih lova a awm leh thu a rawn sawi a. Hei hi Mizoram ngahafak tak tak niin ka hria a, mipuite tana thil tha anih avangin alawmawm tih thuin kan tan ang a. Chutihrualin Member dangte pawn an sawi tawh a. Thil tha hi helam amite sawi a nih avanga tih loh thin a hi a paw ka ti a. Hei amah leh amahin a rawn in lailang zel mai a. Thu dik na na na chu Khawzawl bialtu zahawm takin a move tawh a, phar thlak a ni a, paw ka ti takmeuh a ni khatiang kha.

Tin, Municipality Bills hi tihluihna, kohluihna aw avanga rawn chhuak a ni a. Central-in nau a rawn vei tir a, kohluihna forcep a pawh chhuah a ni a, a dik takah chuan. Chuvangin, hetiang hi hmana lo nei thei tawh tur kan ni a. A chhan chu kan NGO timai ila hemi chungchanga ngaihtuahna lo hmangtute mithiamte nichinah Aizawl North-II bialtu zahawm takin a sawi tawh a. Heng hrang hrangte hian tuna kan hotute kan Minister zahawm tak leh kan Chief Minister zahawm tak pawh hi an lo sawi pui tawh thin a. Tiang chuan kum 2004 ah te nasa takin thahnemngai takin an lo nawr tawh thin a. Memorandum te thehlutin, tin Central-ah te pawh lo thehlutin tih a ni tawh a. Tin, Seminar te hial pawh 2004 June 18-ah aizawl Press Club-ah Mizoram NGO kanneih zawng zawngte nen pawh lo sawiho tawh a ni a. Tin, a bikin heng ang MRF kan tih Reformation Forum, Lunglei a mite tin, Mizoram Municipalities Steering Committee kan tih te hian a bikin ngaihtuahna an hmang nasa bik a. Hengte pawh hian kan Chief Minister zahawm tak hi hmu thinin an lo sawipui tawh thin a. Ani kan Chief Minister zahawmtak pawh hian a duh ve tho a. Amaherawhchu, engemaw avangin harsatna a lo awm leh thin a. Tiang chuanin harsatna a lo awm leh thin a. Tiang chuanin 20.7.2004 ah pawh hemi Mizoram Municipality Steering Committee te

hian an lo hmu tawh a. Tin, January ni 28-ah pawh hian an hmu nawn leh a. Ani pawhin a tul thu sawiin adhoc body-in dah ila a tha lawmni aw aw a lo ti tawh a ni. Amaherawhchu, hemi avanga hei 2005 zawkah hemi avanga sum leh pai lo awm theih dante chi hrang hrang an sawi hnu a phur thutin, chumi hnu lawkah hmanhmawh tak maia Aizawl Development Authority lo piang leh khan ngaih a ti tha lova. Hei tunah hian ka sawi tawh ang khan JNNURM pawisa hman theih tura lo kal, mipui kuthtlak i ti mai ang, chungte kutah lo chuan hman theih loh a nih avanga hei hi lo piang ta a ni. Chung chu anih thu kan sawi a. Hetah hian hian ngaihtuahna lo petu tak tak tlawmngai pawlte hi fakawm ka ti tak meuh meuh a ni. Keini Politician te hian mipui vote duh nan thu kan han thlung a. Kan Manifesto-ah te kan han dah a. Mahse lalna kan han chin chiah mai hian a buaithlak ta thin a. Hei tunah pawh kan sawi phak phak a. RTI-ah kohluihna aw kan hria a. Hei hi kohluihna aw vawi 3-na a ni tawh a ni. A vawi 4-na chu a hlauhawm ngawt tawhin ka ring. Corruption ti lo tura Central-in kohluihna a rawn chhuah leh hi chuan chu chu pumpelh hram ila a that ka ring a ni. Tiang chuan hei bill tha tak mai tur a lo piang chhuak ta a. A buaisaihtute an fakawm ka ti a. An ngaihtuahnate an hmang nasa hlein ka ring a. Thui tak kal ka tum lovang a.

Hei insawi tawh ang khan party hrang hrang ai awhte pawh MLA atangin an tel a. Kan helhve deuh hlekna phek 33-na chang 82-na a compulsory acquisition of land chungchangah Indian Constitution Article 31-na hi 1979 a lo delete tawh nia kan hriat thuah kan helh deuh a. Article 31-na (a) -na chauh khan a hman theih nia kan ngaih, amaherawhchu, kan party atanga kan Member zahawm tak Pu Liansailova kan rawn a, anin helai chu a him e a ti a. Chutiang chuan eng party pawh hianin kan duhin a tha kan ti vek mai a ni. Hei hi chu sawibuai ngai lovin. Amaerawhchu, sawi buai ngai lovin Aizawl Development Authority hi kan sawi tawh a kan Member zahawm tak tepawhin. Hei hi Bill duplicacy a ni tawh tlatin ka hria a. A tul tawhlo a ni. He Bil tha tak mai kan pass tawh hi chuan ADA hi chu a tul tawh lova, ka ngaihtuahna awmah a rilphir ang velah ka ngai tawh a ni. Engemaw vanduai thila mi tina ve thei tho a ni. Chuvangchuan, ADA hi chu ti hian automatic-in a nuaibo thei turah ka ngai a, tawngkam a mawilo anih pawhin. Tin, a mihring kan hmang tangkai duh anih pawhin ADA mite pawh hi hemi municipal body-ah khan tangkai takin a chhawpchhuah theih thovin ka ring a. Chungte chu ka rilruah a lang ve a.

Tin, Pu Speaker, kan Member ten an sawi tawh a, hemi chungchang hi sawi hnu lo chu sawi tur a awm vak lova, a buatsaihtute hian an ti tha a, han chhiar han chhiar pawh hian keini ang rual thiam vaklo tan phei chuan sawisel tur hi a tam vak lo. Amaherawhchu, keini chu zirlai hruaitu inti atanga hnam deuh maia chhoh hi kan ni a. Hemi municipality body hi lo piang ta se mipui kuthtlak tura roll siamte kha lo ni ta se a ri tawh thin taknain MLA ang nge kan hman ang V/C ang tihte pawh a awm a. Kei ka rilruah chuan Tlungvel bialtu zahawm tak pawn a rawn sawi tawh a, V/C ang hi a thain ka hria a ni. A chhan chu V/C anga kan tih hian a Mizo a ten keimahni hnam anga tawngkam mawilo nilo se kan in humna a hnai deuh hlek a ni. MLA hi chu tlemin a huap zau deuh hlek a. Chuvangchuan, hemi kan Bill neih turah hi chuan V/C Roll hi hman hetiang deuh zulzuia strict deuh hleka hman tih ni hram se a thain ka hria a. Kan Sorkar hi a vannei kan Chief Minister zahawm tak hi Kawnpui bialtu zahawm takin a sawi ang khan organisation dante nen an inbiaknaah pawh hian sum harsat thu te pawn a lo zawt thin a, huphurh thu a lo sawi a.

Tin, LAD Minister zahawm tak pawhin chutiang chu niin ka hria a. Amaherawhchu, JNNURM a lo chhuak leh zel mai a. Hemi Bill tha tak mai a lo chhuak a a titu Sorkar an ni pawhhi an vanneih hlein ka hria a. Chutihrualin chung bill tha lo chhuak thu a nihna anga kan hman loh palh a sum leh pai ang ringawt maia rilru kan lo pek tam chuan a pawh hle dawnin ka hria. Thangtharin min la dem ang tih ka ring a. A pawh thui hma hian fimkhur a thain ka hria a. Amaherawhchu, Aizawl khawpuiah hian kan Sorkar hian engnge kutthlak a neih aw ka ti a. Town Bus tih kha City Bus in a thlak a. Children Park kha City Park a ti bawk a. Chung velte chu a ni a. Taxi rawng an thlak bawk a tih lohah chuan Aizawl khawchhung harsatna mipui leh a mimirte harsatna hi a ngaihtuah lo deuhin ka hria a. Keimahni pawhin a tir lamah 2004 -ah te kan thiam ang tawh tawkin bahlah takin Kawlhawk chamberh ang nawk nawkin kan sawi ve thin a. Kawngpui in sak dante, mimal ram abstract dante kan ngaih pawimawh dante kan sawi ve thin a. Amaherawhchu, hetiang zawng zawnga hmalatu tur bill thei tak mai a lo chhuak tur hi a lawmawm a. Amaherawhchu, he bill lo chhuak tur hi Central-in a a rawn nawrchhuah zawh hi a thuanawp a, ADA angin emaw a sum leh pai hman tur emaw khang hrang hrang kha a lo pawhchhuah a a lo pawhpen sak a, nau sawngnawi a lo pian palh vaih chuan a tha dawn lo a ni. Chuvangin, hei hi chu uluk zet maia kan ngaihtuah a JNNURM a ni emaw Municipalities a tana Central Finance Commission a rawn pek Pu Speaker, thu hi ka sawi tam a, Finance Commission a ward ina hlanah pawh Rs. 10,00,000/- kha Deputy Secretary-ah hian a rawn dah chat a ni a. Hei kum thumna a lo ni tawh a.

Tin, Panchayati Raj kan tih system-ah pawh crore 20 a rawn dah a ni. Chuvangchuan, heng Utilisation Certificate a ni emaw kan pawisa hman lehna hi ringtu ram inti si a, engemaw zawnga kan ti hi chu nakin hnuah khulamah khuan hlim tak hian han awm mah ila kan hmai a mawk palh ang a, hel loh tur hi kan hel kan hel ang tih ka hlau deuh a. Chuvangchuan, kan bill tha tak mai mipuiin a kan mamawh em em kan nghahfak ti ila tawngkam mawilo a ni ang a. A registration ina kan nitin nunte pawh a tha zawnga min her chhuah theih dan tur hei hian a keng teuh mai si a. Chumi Bill tha tak mai kan nei hi uluk taka duat taka pass atanga kan enkawl a, kan thlir nghal a tha e tiin he bill a hi ka rawn support nghal a ni e, ka lawm e.

\*Speech not corrected.

**PU K. VANLALAUVA**

: Pu Speaker, midang kan ring deuh hlek a. Keini lamah khan sawitu an tam deuh hlek tawh a. He dan tha tak mai hi sawi a nih ringin Member zahawm tak thenkhat ten

kan Sorkar-in a la tih ngei ringin an lo tlan khalh vel nasa a. Engtikah emaw chuan he Sorkar hian a la ti ngei ngei dawn a ni, hmabak a nei a ni tih hriain kawng dang dangin House-ah an rawn pulut vel thin a. Mahse, kan Sorkarin hun a tih hunah kan in peihfel thawkha ta kan ti a. He Sorkar hian thil hre lo a ni lova, duhlo pawh a ni lova, he dan hi a hun a thlir mai a ni. A hun takah he dan hi a rawn lut ta a ni a. A dan erawh chu a chipchiar hle mai a, kan sawi duh chu he Sorkarin he dan a ruahman hmian dan pawimawh tak tak pass kan ramin a mamawh a lo nei tawh a. Tin, kalpui mekte pawh a nei a. Tun tumah pawh khanin Youth Commission din a ni dawn em tih zawhna 2,3 ah a awm a. Kan House Leader zahawm takin State dangah te din a ni emaw ni lo emaw kan ngaihtuah

.....1060/-

lovang, a theih ang ang a din hi kan tum a ni tiin a sawi tawh a. Hengte pawh hi kan hmalam thil a ni a, resolution-ah te pawh kan pulut leh ang tih a hlauhawm rum rum a ni. Thil tha deuh anih avangin chutah Right to Information kan Sorkar-in an kalpui chat chat mai a. Ti hian engkim mumal takin a hlau tur chuan hlauh a ni a, tha ti tan chuan tha a ni a, kan Sorkar tan leh ram tan a tha hrim hrim. Hengte pawh an han kalpui miah miah mai a. Chutah Election Manifesto-ah pawh MNF hovin an ziah Right to Information te pawh kha kan han kalpui hmiah mai a. Tunah chuan engkim a fel khat ta a. Tichuan vawiin a kan dan chungchang thua hianin MNF ho hianin an Election Manifesto te an ziak a, an ti leh lawk mang si lova, tihte a awm theih avangin an lo ziah dan hi awmze nei taka ziah a lo ni a. Sl No. 5-naah hian "Village Council leh City enkawl dan ennawn a tha ber tur nia hriat kalpui a ni ang" tiin an lo dah a. Tunah chuanin kha goal kha kan thleng ta a ni. Chuvangin, ziah loh pui ziah chawp tir te hi a hrisel lova, a ziah ngei mai hi han hmang ila a tha a. Kan thian pakhatin an mu dawn a, a va in thawlh kuk tawh a, a muhil thei mai lova tu pa emaw ka rel tal loh chuan ka muhil thei lo a ti e an ti a. Tiang deuh hlek chuan Member thenkhat ten a tha han sawi ve mai tur laiah khanin hmanhmawh lo lutuk a hun pawh ngaihtuah chianglo pawisa duh vang ringawt tepawh kan han ti deuh lek lek a, pawisa duh vang ringawt nise chuanin he Sorkar hian a ti daih tawh ang. Pawisa na na na chu kan ramah hian kan House Leader hruai chhung hian a tam a ni. Motor thar a tam dan te in thar a tam dante heng zawng zawng hi pawisa tlem a tih chi a ni lo, a tam a ni mai a ni. Chuvangin, JNNURM pawisa an duh avangin han tihte pawh kha duh e, duh chu. Amaherawhchu, a hun hmian kan ti dawn lo kan ti mai a ni chauh a ni a. Chuvangchuan, heng zawng zawng te hi a bul kan tan chho dawn chauh a niah ka ngai a. A lawmawm ka ti khawp mai a.

Tin, a hmanhmawh thlak dan chungchang thua hianin Notification chhuah atanga kum khat ral hmian inthlanna neih tur a ni ang tih Session 13-naah khan tarlan kher a ni a. Hei tunah pawh nichina Lunglei 'S' bialtu zahawm takin a sawi ang khanin hmanhmawh thlak em em mai kan tih rualin he danah hian kimchang taka ziah sen a nih rih loh avangin nakina Rules la siam tur a ni a. Tahchuan, mumal takin thil alo kal dawn a, engkim ziah fel anih hnu chuanin Notification chhuah chauh tur a ni a. Hmanhmawh thlak kan tih rualin han en han en hian tih tur a tam em em maiin kan hria a. Engkim peihfel vek a nih hma chuanin notified chi a nilo tih chu a lang reng a ni. He dan a felna em em chu ADA kha hnawk viau tura ngaihna kan nei thei a. Mahse, Aizawl Development Authority kha kha kan Sorkarin duh taka a siam he House-ina a passed tawh kha a ni a. Mahse, chu ai chuanin he dan hi a pawimawh zawk vangin leh Indian Constitution in min phut anih avangin kal se tia dan section 387-naah khan lo inthial deuh a awm palh pawhin in dip dal deuh a awm pawhin he Municipality hi a lal zawk ang tihte a lo inziak thlip thlep a ni a. Chuvangin tunah hian kan kalpui dan tur tak tak pawh vawiinah hian Pu Speaker, a intan chauh a ni a. Indian Constitution-in a Municipal din dan tur thil chi thum a duanah hianin eng ber a nge kan tlak loh dawn tih hi Rules a la sawi tur a ni ang tih ka ring a. Chutah thil chi thum a sawi a. Pakhatnaah chuan Nagar Panchayat tih a ni a, a dawt lehah chuan Municipal Council tih a ni leh a. Pathumnaah chuan Municipal Corporation a ni a, heng pathumte hi ngun taka zir chungin he Municipal hi a lo chhuak zawk a ni a. Hei hian a tum chu Aizawlah chauh din ni se tih mi tam takin an rawt laiin he dan hi chuan ni love, Dan House-in a passed meuh hi chu

pakhat chauh kaw k nilo rawh se, District Head Quarter-ah te leh a tul phawt chuan hmundangah pawh din a nih theihna turin Municipality ni rawh se tih a ni ta a. Chu chu tuna kan pass tur hi a ni ta a ni.

Chuvangin Pu Speaker, he dan hianin sawisel, nakinah chuan a la hlauh ngei ang. Engatinge kan tih chuanin thil thar a ni a, helaia thute pawh hi kan farnkim tawklo, duhthu a sam lovang. Mahse, a tlangpui erawh chuanin kan ram enkawl nan leh kan khawpui enkawl nan erawh chuanin that zawng a tha thlawt a ni tih chu kan hmuh thuai a rinawm a ni. Chuvangin, vawiinah hianin kawng dang dangin han sawikawi thin mah ilangin, he Sorkar hianin a hun taka he dan hi a rawn putut ta a ni. He Bill hi a rawn pulut ta a ni tihah hian kan chian a thain ka ring a. Keiniho helaia thukhawmho hi chu bial nei far kan ni a, kan bialte hnenah pawh he dan, he bill kan pass chiah pawh hianin tuteemaw va tlawh kher lova sawi kan zir a thain ka ring a. Intlawh lak lawh hi a awm ve a, tlawh ngei ngei tura inggaihna tuteemaw rel lova muhil thei lo nih hi awl tak mai a ni a. Kha kha chu tar hnu thlenga chin atan a tha lo a ni. Chuvangin a tha chu tha tihmai tur. Hei hi kan Sorkarin tha a tih avangin mipuite rawnin leh party tinte rawna kan tih hi vawiinah pawh hian kei pawhin lungruah taka pass hram turin he Bill hi ka rawn support a ni, ka lawm e.

\*Speech not corrected.

**PU R. LALZIRLIANA** : Pu Speaker, vawiinniah Municipality Bill, 2007 ngaihtuahho theia a changtu Department Minister leh a thawktute thawhrimna helaia sawiho theiha a lo awm ta hi a lawmawm hlein ka hria a. Party tinte inlungruahna a niin nichinah kan ngaihthla tawh a, P.C. unaute an Sorkar lain theihtawp chhuahin he Bill hi rawn putlulh tumin an lo bei tawh a. Amaehrawhchu, hunin a daih lova, an pulut lova, Congress-in Pu Rualyapa'n 1998 kum khan a rawn pulut tawh a. Amaherawhchu, No-confidence move avangin he Bill hi a thi ta a. Tiang chuanin Sorkar la chang ve chiah lo ZNP unaute pawhin he bill hi a pawimawh a ni tih hriain Session hmasa lamah daih tawh khan an rawn pulut tawh baw k a. Hetiang khawpa party tinte inlungruahna bill hi helaiah hian sawiho a khat viau thei mai awm mange aw ka ti a. Vawiinniah hian sawi a nuamin ka hria a, a lawmawm khawpin ka hria a ni. Chuan hei tunah pawh hian No-confidence te an ri thuk thuk a. Keini CLP Congress Legislature Party chuan he bill hi 1998 vel anga a thih leh mai kha kan hlau a. He bill sawiho hma anih chuan hetiang hi ni lo se kan duh a. Kan duh ang ngeiin vawiinni alo thleng ta hi a lawmawm ka ti takzet a ni. He Bill chungchang thuah hian keini ang chuan kan hre ve lova. Amaherawhchu, kan sawi duh hmasa chu Constitution langah chuan eng pawh lo ni ta selangin, Autonomous District Council-ah hetiang ang hnuh luh ve a ni thei lo hi a paw ka ti a. Sawitu hmasa tena an sawi tawh angin sum leh pai hnuh luh na tur atana thil tha tak anih avanga vawin nia hetiang han ti ta deuh rum rum leh tak siah hian an ni an tel thei lo hi paw ka ti a. Ahnam ang pawha Autonomous District Council a backward area deuh a awm an nih kan ring a. Chung tan chuan sum leh pai tam tak hnuh luh hi a pawimawh a ni. Nimahselangin, he dana hmanve theih loh tur erawh hi chu a paw hlein ka hria a. A hman theih loh anih rau rau chuan 6<sup>th</sup> Sechedule area a awmte an ni a, a theih loh dan pawh chu kan hre tho va. Amaherawhchu, keini pawhin helaia development

.....1062/-

kan duh a, sum kan duh a. Chumi atana he dan hi lo nei tur kan ni a. Chutiang ang an tih theih loh chuan, sawlamah sawn sum leh pai tam zawk hnuhluhna tura engtin emaw kawng kan sial sak hi a pawimawh hlein ka hria a ni.

Tichuan, he bill, Municipality Bill, 2007 leh Aizawl Development Authority Act, 2005 a hi a inkawp deuh rual rual niin a lang a. Chu chu helai a bu atang hian Section 387-na overwriting effect tih atang hianin a lang reng mai a ni. Tichuan ADA leh Municipality dan hi alal zawk ang tih chu kan hmu vek mai a, a chiang sa a. Amaherawhchu, chutihlai tho chuan kan Sorkar hian a ngaih pawimawh zawk hi engnge ni ang tih kha ngaihtuahnaah alo awm leh thei a. Nimin lamah ka sawi tawh a, kan Chief Minister zahawm tak hi portfolios semtu a ni a. Tahchuanin, sum leh pai awm tamna Department zawng zawng deuh thaw chu amahin a kawl vek avangin tunah hian Department a chang tam mange kan ti kha a ni a. Chutiang anih lai chiah chuan he Aizawl Development Authority-ah hianin a hotu ber Chairman a ni a. A Chairman-na hnuaiakh khan keini ang bawka thlantlin te hnenah khawn dawrawm deuh kan siam thei a ni tih kan hriat a thain ka ring a. A pawimawh khawp mai a. Chuvangchuan, Section 387-na hmang hian Aizawl Development Authority hi a repeal theih a ni, a thiah theih a ni. He Dan hmang hian kan thiah ngei hi a tul hlein ka hria a ni. Chutiang anih chuanin inkaihnawih kai thalo tak a awm ang tih ka ring a. Vawiinnia he Dan kan pass tur hi a lawmawm kan tih rual rual hian a lawmawmna hi mite thirlungah leh kan thirlungah pawh hian ram siamna tur tak tak atana he Municipalities a tha a ni tih tun hma atanga kan sawi tawh, amaherawhchu, kan tih loh tura Pu Jawaharlal Nehru National Urban Renewal Mission (JNNURM) sum leh pai kal ta si, he Dan hmanglo hi chuanin a dawn thleng kha kan neih siloh avanga ti hi kan ang ta deuh hlek a, kan than mawi tur angin Ministry pawh hi a thangmawilo ta deuh niin ka hria a, hei hi a paw ka ti viau a ni.

Chutichuan he Bill hi vawiinniah lungual takin kan pass turah ka ngai a. Chumi hnu chuan Governor-in Gazette hmangin Notification ala chhuah dawn chauh a ni. Chu Notification chhuah atang chuanin thlakhat chung hian a huamchung tina miin sawiselna hun tur hawn angai leh dawn ta a. Chutiang anga sawiselna hun kan hawn chuan thla khat tehmeuh kha an awm dawn ta a. Chu sawiselna chu lo enkikna hun kha a thla kha an liam leh dawn te pawh a ni ang a. Tichuanin, Municipalities huamchung ami te hi thla thum chungin chinfel vek tur a ni kan tih ang dan zawng zawng kha chutiang alo nih baw si chuan Municipality Area alo fel hnu pawhin khami Area a thunei mek Village Council te kha thla ruk chung an la dawn a, an la function ang ang a thlaruk chung anih loh pawhin Village Council kha an la awm tur a ni tihte a lo chuang ta a. Chutiang anih chuan hun kha han paih neuh neuh khan MNF Ministry hun chung hian kan inthlang lo mai ang tih hi a hlauhawm hlein ka hria a. Chuvangin, kan hotute hian nasa leh zualin chak leh zualin an nawr hi a pawimawh hle a zu hriatna ka nei ve a. Chutiang ang ai chuan hei hi adhoc-in emaw engtin emaw kan ti mai ang tih ang chite pawh kha a lo duh tawh bawk nen. Inthlang manglo hian tute emaw kan lo ruat leh mai ang a, kha khanin thil fello zawk a thlen ang a. ADA baw hman tangkai kan tumna rilru kha a lo chhuak leh ang tih kha kan hlau hle a ni. Chuvangin, keini party te phei chuanin he Aizawl Development Authority hi Municipality Bill kan pass a kan tih dawn chuan hei hi repeal ngei ngei tur, thiah ngei ngei tur a ni tih resolution te pawh hi kan lo pass daih tawh nghe nghe a ni.

Tin, hetiang anga Municipality kan lo neih hi chuan inthlan a lo ngai tawh dawn a. Village Council Electoral Roll ringawt kha a hman theih lohva. MLA Electoral Roll ringawt pawh kha a hman theih dawn loh, a area a hran vek tawh dawn avangin. Chuvangin heng hi a part kan han ziahna pawh hi part hrang hrang ah khawpui a lo liana a, kan kawltlheng te hi part hrang hrang ah part li part nga ah kan siam hi a pawimawh tawh a ni. Chutiang anih loh chuan inthlanah hianin kan han pawt tet ve a, a taka hnathawk tu party tinte hian kan buaipah em em a ni tih hi ka han sawi tel duh bawk a ni. Tiang chuanin he danah bawk hianin khawpui a mihring singnga chin ten Municipal Board hi an nei thei ang tih kha a ni ta a. Vawiiinnia a lan dan chuan Aizawl khawpui leh Lunglei khawpui tan chauh a he dan hi siam a ang viau a ni. Chutiang anih chuan District Headquarters-ah chuan singnga chin tlinglo singnga hnuailamte pawhin an nei thei ang tih chu a lang leh ta tho mai a. Amaherawhchu, hei hi a tawklo hlein ka hria a. District Headquarter ni velo khawpui thang chak tak tak sumdawna hmun a tan a min an hman lian tak tak pawh kha a rawn awm thuai dawn a ni. Pu Speaker, entirnan i bial Vairengte te pawh nakin lawkah chuan khulalah state boundary a mi a ni a, kan kalka ber a ni a. Mi an lo tam chak em em dawn a ni. Chutiang ang hunah chuanin mi singnga an lo tlin veleh chuan District Capital kan nih bawk si loh chuan engtik hunah mah he Municipal Board hi kan nei dawnlo reng reng a ni tih hi a chiang a. Statistical Hand Book Mizoram 2006 a kha han en ta ula, Aizawlah 256399 kan awm a, Lungleiah 50395 kan awm a. Hei hian a nei thei dawn chauh a ni, anihna takah chuan.

Tiang chuan khawpui lian tak Champhaiah te singthum chuang awrh Serchhip-ah 20,000/- chuang tawk, Saihaah 19,000/- leh tlem chauh. Kolasib-ah chutiang ang zat chauh bawk. Lawngtlai-ah 15,000/- Mamit-ah Rs. 5769/- chauh a ni a. Chutiang anih laiin 50,000 chinin an nei thei ang tih hi kan ramah chuan a tam lutuk a ni. V/C te aia kan khawpuiheng hi awm se kan ti tak tak a, kan duhtlang tak tak anih chuan 25,000 chin tal hi ti ila a thain kei chu rinna ka nei a. Chu chu Pu Speaker, ka rawtna ang pawhin ka siam duh nghe nghe a ni. Chutiang anih loh chuan he dan ang hi kan kalpui chhung chuan keini ka bial ve, Saitual khuaah chuan tunah khian 49,000 mihring pawh lo ni ta ila, District Capital kan nih ve bawk si loh chuan 50,000 chin chunglam chauhin neih theih anih si chuan he Municipal Board hi kan nei dawn lo reng reng, kumkhuain kan neilo mai ang tih a hlauhawm viau a ni. Chuvangin, he dan hi siamthat ngeia V/C awp khawpui lian tak tak hi kan awm reng dawnin ka hria a ni.

Chutiang chuan hei he danah hian State Finance Commission te kan lo nei dawn ta a. Central-ah chuan Finance Commission a lo din chuan kan hre vek a. Kum 5 atana State hrang hranga pawisa semruual tur an ni a. Chu chu entirnan kum 2003-ah Central Finance Commission a lo ding ta a. Chu chuan an ti char char 2004-ah report a pe a. 2005 ah chuan 2010 thlenga State tinte kan sum insem dan tur a rawn tichhuak ta a. Sorkarin khami hnuah chuan kha Finance Commission kha a hman tangkai tawh lova, an thi leh mai thin a ni. Chutiang lo chuan he kan State Finance Commission te hi chu kan siam a tul dawn hlein ka hria a. Central atangin entirnan pawisa min rawn pek tam hlui kum a awm a, tlemte min pek kum a awm bawk a. Chutiang anih lai chuan he State Finance Commission hi parttime-a thawk lova, a thawk tluanchhuah ve thak kha a ngai dawnin ka hria a ni. Chutiang chuan kha warning Pu Speaker a lo ni leh ta mai a.



A tawp ber atan chuan hei hi MLA thenkhat leh mi thenkhat tan chuan Municipalities kan nei hi a hnawksak awm mang e, Ministry tan pawh engemaw inkalh theihna a awm awm mang e tih pawh a awl mai thei. Mahse, rilru tha tak kan put hi a pawimawh hlein ka hria a. Khawpui chung MLA nih hi kei chu kan inchuh ka ring tawh zawk a. A chhan chu a hahdamthlak em em dawn tawh a ni. Tunah hian chuan MLA ten khawpui chhunga an tih tur tam tak kha an thawh vek tawh dawn avangin a hahdamthlak lutuk dawn a, a nuam dawn a ni. Keimahni tih loh tur i ti ang vawiinniah hian. Thil te lutuk Minister leh MLA te pawh hian kan ti hnem hle mai a. Chung zawng zawng chu he Municipality Board a Member te hian a thawktute hian an rawn thawh tawh dawn avangin a ropui hlein ka hria a. He dan hi pass sawk sawkte pawh thain ka hria a. Chutiang ang mai ni lovin khawpui chung mai ni lovin nichina ka sawi tak ang khanin khawpui lian deuh singnga chin tih hi khawpui tam tak hian kan State District Headquarter Capital chauh lo pawh kha nakin lawkah chuan kan lut ve thei dawn a. Chutiang ang tur chuan Pu Speaker, hma lak nise tih kan rawt duh a ni e, ka lawm e.

\* Speech not corrected.

**S P E A K E R** : Kan sawi hona kan duh tawktawh ang chu. A Bill neitu bakah helamah hian pali kan ti a, pali kha a ni tawh a nia. Vawinah chuan Sub-Committee lam kha kan hre lo a ni. I ti mai ang aw, a zahawm hle a Kan hriat angin Pu H. Vanlalauva hi heng Bill te a lo buaipui a, party hrang hrangte pawh lo sawipui kha a ni a, mahse remruat dan deuh kan n eih tawh kha maw. Awle, khatiang khan kal tum phawt ila a tha ang e. Kan sawihona kan duh tawktawh rih ang a, kan Bill neitu House Leader zahawm takin Bill chungchanga sawifiah ngai a tihte han sawifiahin, pass han dil nghal sela ilo sawm ang u.

**PU ZORAMTHANGA CHIEF MINISTER** : Pu Speaker, ka lawm e. Hei ka Bill "Mizoram Municipalities Bill, 2007" kan rawn introduce a. Tichuan kan han sawiho a, rawtna chi hrang hrangte a tha zawk a ni ang atia ngaihdante pawh kan han thawhkhawm a, a lawmawm hle a. Khang khan nakin zelah pawh Dan te hi vawikhatah kumkhaw daih tura siam theih rual a ni law, chin nasat ber leh mithiam tlinkhawmna kan India Constitution meuh pawh vawi tam tak siamthat a ni a. Keini pawh hi kan han ti ang a, siamthat tur a awm chho zel ang tih ka ring a. Chung lo kal leh zel turah pawh finna min pe ang a. Tunah pawh hian kan han sawiho a, kan la sawi tlem zawk a kar khat te han rialin han ching leh ta ila, sawi leh ila chu a then hi siam that duh viau, dik viau kan hmu maiin ka ring a, a dik pawh a dik tho a. Dan chu chutiang chu a ni thin. Engpawhnise, za a za a tha vekin vawikhatah a siam theih lohva. Kan la ti thain kan la siam chho zel turah ngai ila. (Pu Andrew Lalherliana : Nichina Aizawl North -II bialtuin a sawi distress tih leh distrean tih kha chu a ang khawp mai) Ngawi rawh Pu Speaker, ka rawn sawi dawn e a.

**S P E A K E R** : Arawn sawi turah ngai ang aw, khawngaih takin Khawzawl bialtu zahawm tak khan point of order kha a mention thin a. Mahse, a ni chiahlo a nia point of order kha.

**PU ZORAMTHANGA  
CHIEF MINISTER** : Pu Speaker, he bill hi kan ngaihthlak tawh ang khan tha kan ti a. Kan P.C. unaute an Sorkar lai pawhin an lo buatsaih a. Amaherawhchu, a chhan chi hrang hrang avangin a puitlin chho hman lova. Tin, kan Congress unaute hunlai pawhin buatsaih a ni a. Mahse, chu pawh chu a puitling lova. Tichuan, keini hunah pawh rei tak a in up chho va. Fimkhurna nen kawng chi hrang hrang nen en a ni a. Tichuan, tunah a rawn hringchhuak ta a. Hetah hian keimahni vang a ni, hetih vang a ni ti dawn ta ila, a chhan chu kan ni vek thei a a rawn inchhawpchhotu te chu ti mai ila Sorkarnaah khan. Kan P.C. unaute khan keini hi a sawi ri hmasa ber kan ni a sin. Chuvangin, keimahni vang a ni ti se a nih theihna lai te pawh a awm tho a. Chutiang chuan Sorkar-na lo siamtu te leh rawn contribute tute khan kan thawkhawm vek a ni.

Tin, chutih lain Central lamin JNNURM an tih avangin pawisa mamawh avangin inhmanhmawh ta a ni. Forcep-a hnuhchhuah a ni tih pawh kha a dikna chen a awm tho a. Tukina kan bill tih te pawh Supreme Court-in loh theih lohin a tih avangin State zawng zawngin kan ti sup sup a. Tih loh zia reng kha a awm ta lova, tikhan kan kal a ni mai a. India ram dan siam te, khawvel ram dan siam ten loh theih loha min rawn nawrchhuah avanga dan chu lo chhuak vek a ni a. India Constitution ngei pawh hi a Independent a miao a, loh theih lohnain kan Constitution hi a rawn hring chhuak ve ta a. Hei lo pawh hi a rawn hrin chhuah tur dan hi chu siam hmabak kan la ngah em em a, in muang lutuk tiin Central lamin min nawr tum a awm ang a, Central pawh khu in muang lutuk tia State-in kan nawr nasat avanga nawr chhuah tepawh a awm bawk. Chutichuan in nawr tawn vek a ni, a ni hauh lo ti thei hi tumah kan awm love tih kha kan sawi duh a ni.

Tin, chuloah kan sawi duh leh chu kan P.C. unau ten an lo buatsaih a, khami chungah khan kan Congress unau ten an rawn en bawk a, a hmasa a mi tepawh an en zel, a dawt pawh an en zel. State dang a mi tepawh en zelin khami rawn inchhawp chhuah choah khan M.N.F. Sorkar pawhin kan han en a, kan han ti zel a, fimkhur pawh kan fimkhur lehlamah chuan. Kan venthawn chu kan financial position hi a ni theuh a. District Council emaw, eng council emaw pakhat kan han din pawh hian a vaibelchhe tel a lo ngaih thin avang hian kan State Budget kan han en a, kan zuai leh deuh thin a. A tello hian kan kal thei mai lo maw kan ti a, a man tlawm tha ni deuh si chher chhuah tumin kan bei fat fat zel a ni. Chu chu Sorkar kal tawh zawng zawngin a kan en a ni. Amaherawhchu, Sorkar laipui lamin chumi huphurhna chu hriain sum leh pai lam pawh heta tan hian an ti a, an rawn pawk ta zel a. Chung chuan a din pawh Sorkar State ami te min ti huphurh lova, itawm leh zual turin Panchayati Raj an siam pawhin an sum hman tur an rawn tawk darh a. Hetiang hian kan ti thei dawn a ni a an ti a. Khalama tlan turin min duh a. Tin, Municipality-ah pawh JNNURM

a rawn chhuah kha hnan lawk a ni a, anni pawh an tharlam khawp a, khami an rawn tih khan kei pawh JNNURM an rawn tih tirh khan an ni pawh an han tharlam khawp a. Prime Minister-in a kick-off dawn e an ti a Delhi-ah Chief Minister zawng zawng min ko khawm a. A that dan tur zawng zawng an sawi a. An han ti ta a. Anih leh ka ti a Secretary kha kan zawt ta a, a hnuah khan he JNNURM-a Urban Poor tana in sakna tur in ti. Hemi North East tan chuan Rs. 90,000/- a ni thei ang in tihte. Tin, a hmun man pawh kan tum thei ang tih in telh hi hemi fund atanga tih tur nge ? Additional-in hemi hnuai ah hian inti dawn kan ti a. An tharlam ve khawp a an ni pawh. A Secretary Union Secretary hre ber tura ngaih khan min en vang vang a, Chief Minister-ah chuan i chhiar tam lutuk a ni a ti a. Kan nui ta vak a. An ni pawh an la chiang reng reng lo mai a ni. Khami fund a in hmun tihna tur kha heta mi tur nge a hranin min pe dawn? Tih ka zawh khan, khati khawpa vital kha a ni a. Khatiang khan kan sawina chhan chu JNNURM hmanni lawka an think of pawh kha an ni pawh an zir chawp chho a, an chiang lo ve a ni e. Central Sorkar mithiam tinreng kalkhawm kan sawia tepawh khu kan tihna a ni a. Chutiang anih chuan keini pawh kan dan thar leh Institution lian deuh mai kan han siam chhoh turah phei hi chuan a fello lai pawh tam tak a awm ang a. Chu chu kan ngaihtuahnaah hian a awm tel a ngai e kan tih chu a ni. Amaherawhchu, tunhmaa Sorkar kal hmasa tawh tena in lo chhawp kha tha leh zuala Mizoram ina ti turinhei Pu Zothankhuma te pawh hun rei tak atang khan lo study teh u kan ti a. Kan han ti fat fat a. Kan tlin chin tawh tur ang eng ang nge kan han ti a. Chutih lai in a Steering Committee lam pawhin an rawn ti a. Keini pawhin kan sawi chu ngawi teh u sum leh paiah hian he Institution hi han din ta ila. M.L.A. ang ve tho kan ni a lawm, Motor kan mamawh, chuti khati ti se. Engatinge keimahni State hian kan tlin ang em ? kan han tih khan ngawi ru a man tlawm chi a tih dan kan rawn ngaihtuah dawn e, Steering Committee te pawh khan kawng chi tinrengin kan dap tlang a ni. Amaherawhchu, Sorkar laipui lamin hetah Finance Commission lam atangte leh thil dang atangin heta tan hian sum pawh harsa lovin a kal theih dawn e an rawn tih chinah leh khami chinah kha chuan JNNURM an rawn tan chinah khan tih ngei ngei tur an rawn tih tak avangin a nei lote pawhin siam loh theih loh in India ram kha an rawn ti a. Chuvangin keini hlauthawng tak chung leh fimkhur tak chung sia kal a kha chuti takin fimkhur leh i a ngai love, tih makmawh leh sum leh pai lamah pawh kawng awm nen khami an rawn tih tak chinah khan E, a tha a lawm, chuvangin I kal ang u, kan ti a. Keini pawh hmanhmawh takin a tulna chi hrang hrang nichina kan han sawite nen khan ti hian kan han ti ta a. Party lama kan hotu pawimawhte pawh a theih ang chin chin inrawnin kan draft hmasate kha a tha em ? kan ti a. A tha tawh lo lai ti hian nise, ti hian nise kan han ti a. Ti hian lungual takin kan han chhuah chho ta a, a ropui a. Amaherawhchu, nichina ka sawi ang khan nakin lawkah pawh amendment turte chu kan hre mai thei a. Chu chu kan amend chho thei zel turah ngai ila.

Tichuan Pu Speaker, hemi kan han siam a kan han ennawn leh pawh khan heta overwriting effect-a kha hetiang hian a thu thlak ni sela, rel thluk hnuah chhutah khan a hlui ang bawkin an rawn chhut chhuah leh a nih palh tak avang khan amendment kha a engamah hmian putluh tel angai ta a. Hemi hi overwriting effect Article 368-na kha hetiang hian tih nise tiin kan rawn sem ta diah diah a. Hemi kan Secretariat lam atang khan Secretary pawhin min rawn pe chho ta a. Khami thuah pawh khan thildang ni lovin a tawngkam a saptawng hmanna kha hei zawk hi a tha ang tiin a hluia kha hemi a thar hemi kan amendment ang khan i thlak teh ang u tih rawtna a ni a. Speaker-in

khalaiia kha min lo pawmpui a, tichuan an rawn semna kha tuna kan sum up-naah hian pass ka rawn dilnaah min pass sak turin kan amendment rawn chhawp a kha rawn sawitel pawh a lo tul ta a. Tichuan khami a Bu puia pheh 119-na 387 naah khan a buah tak kha chuan 'If any provisions of this Act is or are found repayment to or in conflict with any provision or provisions of the Aizawl Development Authority Act, 2005 at No. 9 of 2005 any other municipal laid in the State of Mizoram. The provision or provisions of this Act shall have over writing effect over such conflicting provision or provisions of the State Act or of such other law or laws' tih kha. Hei chu thlak nise tih kha kan expert committee in a tih a kha thlakna tur a an tih term thenkhat repayment tih aiah overlapping tih te leh a dang thlak tur a an tih a kha lo chhut lova, a hlui zawk rawn chhut anih avangin Amendment Motion a kha kan rawn dil a. Tichuan, kan sawi tawh angin kan advertisement motion-ah chuan hetiang hian kha over-writing effect tih kha article a kha thlak ni se kan ti a ni a.

Tin, 'Provision or any Provisions of this Act is or are found over lapping or inconflit with provision or provisions of the Aizawl Development Authority Act, 2005 Act No. 9 of 2005 of any other law or laws' tiin thlak ila a tawngkam pawh a mithiam ten an ti a, a tha zawk ang e a ti a. Kan Committee ten an lo thlir tlan tawh anih avangin khami a lo chhut sual palh a kha hemi motion amendment kan tih ang hian min pass sak tur a kan dilve a ni a. Kan pass theih chuan pass-naah pawh hetiang tur ang hian min pass sak ula tiin kan dil tel nghal a.

Tin, Pu Speaker, chu lo leha chuan kan Member zahawm taktein an han sawiah khan thil han belh duh hlek ka neih chu, kan Member zahawm tak Pu Liansailova'n a rawn sawi article 29-naah khan kan inthlanna a thlangtu tur Electoral Roll kan tihah khan a citizen of India tih lai tak a tel love tih a kha a dik viau a. Amaherawhchu, kha laiah khan nichina kan Member zahawm tak tena an rawn sawiah pawh khan an rawn tih tawh ang khan hemi kan Article 29-na, condition for registration as a voter tihah khanah is not less than 18 years of age of the qualifying date tih khami chhuk thlakah khan kan explanation pahnihnaah pawh khan the expression ordinarily resident shal have the same meaning as assigned to it in section 20 of the representation of people Act, 1950 a ti a. Chutiang ang bawkin 30-naah disqualification of people act ang hi a ni ang a rawn ti a, representation of peoples act-ah khan India citizen a ni tur a ni tih a awmsa bawk a. Kha kha engemaw intelh mai lo le tih kha, a tel pawh a pawi chuang lo telh loh pawh a pawi chuang lo, telh loh pawh a imply tho a ni a, kha phei kha chu nakinah siamthat lehna te a la awm chuan telh mai a pawh kha keipawh a tha ka ti tho va. Amaherawhchu, tunah chuan a tlukpui imply khan representation of peoples act-ah khan a awm tho bawk a, a danglam chuang lova. Hetiang hian W.Bengal khan an lo siam ve bawk a. West Bengal ho tih dan kha kan la bawk a. Khalaiiah khan kan lo dah chho ve a ni a, a tha ber e pawh kan ti chuang lova. Kan Member ten in tih anga citizen of India tel khua kha lehlam ami khan kengteli tho mahse a chiang leh zual a lawm tih kha a tha tho a. Mahse, tunah amendment-a han ti thar leh tur kha chuanin hetah a dan te hi law siam dawn chuan a lo awm a, a buaithlak sia a. Lehlamah a imply tho bawk a, lo kalpui ta ila. A dawt leh lamah a tul kher nia kan hriat chuan khangte pawh kha la telh ila, chianga chiang leh zual hi a tha a, a pawimawh ka ti chuang hauh lova.

Tunah erawh hi chuan heta representation of people Act-ah khan khami khan a zuk imply tho avangin tuna anih ang pawh hian kalpui ta ila. A danglam chuang love tih kha ka rawn sawi duh a ni. Chuloah kan ziah سوالho kan Speaker-in Chair atangin hei hi chu kan ti mai dawn nia a tih a kha kan sawi nawn duh chu Pu Liansailova sawi 256-na a langah pawh distrace tia lo inchhua kha chu chhut soal a ni a. Kan chair atanga min tihsak theih kan ring a. Chutiang bawkin District Magistrate tia ziah vek si 3-ah District Commissioner tia lo chhut kha typing mistake a ni a, a dang an lo tih nawn a ni a. Min lo hriatthiampui a, patent error-a min puan sak thain ka ring a.

\*Speech not corrected.

**S P E A K E R** : Printing Error-ah kan pawm mai ang chu spelling mistake leh typing mistake te kha chu.

**PU ZORAMTHANGA CHIEF MINISTER** : Pu Speaker, awle ka lawm e. ADA hi a tul tawh love, pawisate hi an inchuh ang e tih kha venthawn tur pawh a awm a. ADA hrim hrim a hi engngeni Aizawl

Development Authority a hi kan han kal ang e, a tul ta lo. Hemi tello hian kan kal thei kan tih chuan a tawlh pawh kan tawlh tirin kan chawlh tir mai thei tho va. Mahse, Aizawl a ni emaw hmundang emaw kan enkawlna turah hian hna hi a tam em em dawn a. Municipality hi din mah ila hemi hna hi lo ti ve rawh ule tiin han enkawl dawn se an enkawl theih tur chia hi a tirah phei chuan a lian thei dawn hauh lo mai a. Min pe tam lutuk suh u kan zo rih lo tih hi an ngah ve em em tho a. Development Authority nena an hnathawhna tur hi chu insu buai lovin rel fel theih vek ka ring a. Guwahati-ah pawh Development Authority an awm a, Municipality an awm bawk a. Khawpui lianah hian Development Authority leh Municipality te emaw hi an awm kawp deuh vek a. A thenah phei chuan Development Authority hi pakhat mai nilo pahnih te pawh Municipality awm chung pawhin an ti a ni. Amaherawhchu, harsatnate alo awm a, an in tibuai anih chuan lehlama kan siama te chu han practice ila a harsa anih chuan i nuaibo ang tih pawh a harsa lo a ni. Mi State Capital-ah te pawh an kal kawp zel theih phei chuan keini pawhin development na tur atana project kalpui tur a tam a, hei chauh pawh nilovin agency dang dangte pawh Municipality hnuaiah te pawh kan lo chhawr theih loh chuan Urban Development a sum lo kal te phei chu anmahniin vawikhata kalpui chi a ni lo a ni. A luh khawmna chiah bak chuan a tih theih loh vang a. Tuna urban sum lokal a hi a lian a, crore tel manah chuan PWD te lo chuan an ti thei dawn lo ani. Chuvangin hei chu hna inchuh tih lam kha chu tunah rih chuan kan nei lovang a, a lak theih chin chu ala tlem a. Amaherawhchu, a pung chho zel ang a, khatiang khan a in siamrem theih vek ka ring a ni.

Tin, inthlan kha a tlai palh kan hlau a keini pawhin Sorkar laipuih pawh kan hman veleh inthlan chu peih pui kan tum a ni kan ti a. Chuvangin, hemi kan pass atangin expert te hmangin a rule chi hrang hrang kan buaipui char char ang a, a hma thei ang berin Notification pawh siamin inthlan pawh kan tum dawn a ni.

\*Speech not corrected.

**PU LALDUHOMA**

: Pu Speaker, awlsam te-a Chief Minister – in a comment pakhat ka hria a. Fiamthu nge ka hre lova, tuna V/C kan neih ho hi elected body an ni sa vek a. “Hengho hi pahnih pathum ward khatah kan dah khawm ang a, kan inthlang zel tawh, elected body vek a lawm kan ti mai ang chu” tih a tum rih ka hre tlat mai a. Inthlang tak tak lo hian chutia tih mai tumna an nei mai ang tih ka hlauthawng deuh hlek a. Khalai kha min hrilhfhah se ka duh a. Tin, inthlan lai khan V/C inthlan dan hmang lova MLA inthlan dan anga vote thlak a nih theih nan he Municipal inthlanna turah hian a rules lam atangin emaw a rawn siamfel theih ang em? No person shall give more than one vote to any one candidate tih han awm te hian chutianga siamthat chu a kawk nghal deuh em tih lai kha ka chiang duh bawk a.

Tin, PWD hian JNNURM atanga laih turin Mizoram University leh Lengpui Road inkar te pawh an duang sa der tawh tih kha ka hre ve a. Khati anih kha chuan Municipal kuta lut lo tur pawisa tam pui pui midang khawih tur a tam hmel riau mai a. A tirah kha chuanin zuk deligate tam thei lo mah ila, piangthar theuh theuh ADA ina a khawih theih bikna tur thu kha a awm vak bik lova. Hei District Council te pawh Sixth Schedule ina a power a pek zawng zawng kan delegate kim chuang lova. Kha phei kha chu kan hrethiam tho va. Khatiang ang khan thuam thain ka hria a. Chulai chu inthlan chungchang leh a voting pattern lai te nen min han hrilhfhah se ka duh a ni.

**PU ZORAMTHANGA  
CHIEF MINISTER**

: Pu Speaker, hengte hi inthlan dan tur mi zawng zawng pawh fel takin a awm a. District Council pathum vel awmkhawm tawp tawp pawh a ni mai a lawm tih ngawt chu tih chilo tih mi pangngai chu a hriat vek a lawm mawle. Khang kha chu kan ti hauh lovang tih ring ila.

Tin, Election Commission anga tih ring ila, loh theih loh a ni a. Election Commission-in kan inthlan dan tura rules leh thildangte a rawn rel ang a. Chumi chuan a tha tur ang berin a rawn rel chhuak dawn a ni. Chuvangin, inthlan dan thianghlim tha a rawn rel chhuak dawn a. Chuvangin inthlanna kan nei dawn a ni. Chuvangin inthlanna kan nei dawn a ni. Kawng dang hi chu han sawi theih pawh a ni dawn lo. Martial Law Sipai tih ngawt chi pawh a ni tawh lo tih kha a chiang ang chu mawle. Chuvangin, mi pangngai tan chuan municipal kan nei ang a, pahnih pathum in hlawmkhawm ang a ni mai a lawm tih te kha. Kha kha chu a theih loh tih kha chu Constitution atangin a hmu ve rual chu kan ni e a Pu Speaker. Chuvangin, helaiah kan Member zahawm tak Pu Ziran mi 50,000 chin a tih hi a tam lutuk e a tih kha. Engpawhnisela, kan han kalchho phawt ang a. Kan population hi rin aiin kan pung chak khawp mai a. District Headquarters-ah te kan han practise chho ang a, rinai chuan a hautak thei viau a nia. A tam lutuk chuan thawhchhuah awm mang silova a establishment cost-ah khan .....

.....1070/-

**PU R. LALZIRLIANA** : Pu Speaker, District Headquarters ah kha chuan mi 50,000 chin pawh lo ni se, District Headquarter ni ve lo, khatiang ang kha 40,000 te kha lotling sela kan ni thei dawn silova. Khalai tak kha a ni veiawm chu ni.

**PU ZORAMTHANGA CHIEF MINISTER** : Pu Speaker, engpawhnisela District Headquarter-ah kha chuan a awm kha tul kan ti Hemia a Committee pawh khan. Chuvangin, 50,000 an tlin loh pawhin District Headquarters-ah chuan a Board te tal chu awm rawh se tih a ni a. Chuvangin, expert Committee leh kan hotuten a an han ngaihtuahnaah pawh khan a limit kha kan tih tet lutuk chuan Village Council an nei vek tho va. Chutilo chuan a establishment hi hautak ve tham tak a nih avangin anmahni pawhin an phu ve reng na tur awm anga a rawn intihlen chhoh ve hi chu a ngai a ni an tih avanga hei hi rawn chhawp a ni a. Amaherawhchu, ka sawi ang khan nakinah population te kan lo pung chho ve zel ang a. Hei rang takin khawpui phe chu kan pung chak em em mai a. Rin aiin 40000/50000 pawh hui kan thleng chho ve tial tial ang tih hi kan ring a. Engpawhnise, ka sawi ang khan nakinah mipui pun dante, ram te in a a mamawh a zir zelin dan hi chu siam danglama tih theih vek a ni e. Tunah chuan kan expert committee leh kan aiawh ten an han en vang vang a. Hetiang hian a tha taw e an tih hi chu a taw viau lawm ni kan ti a ni e. Chuvangin Pu Speaker, he kan Mizoram Municipality Bill, 2007 hi amendment nichina ka rawn propose te nen .....

**S P E A K E R** : Tikhan Bill neitu Chief Minister zahawm takin 'The Mizoram Municipality Bill, 2007' kan sawihona te a rawn khaikhawmin a rawn hrualmum a, pass a rawn dil baw k a. Chu chu kan buk ang a, a hmasain Amendment laia kha ti hmasa ila a thain ka hria a. The Mizoram Municipalities Bill, 2007 Section 387 Amendment Bill neituin a rawn putluh kha pass kan remti em? Remti chuan 'remti' ti rawh u le. Remtilo kan awm chuan 'remtilo' ti rawh ule. The Mizoram Municipalities Bill, 2007 Section 387-na House-in lungrual takin a passed a ni. Hei hi Bill-a tel a ni a. Awle, tunah hian main body of the Bill Chapter 2-na Constitution of Municipalities hi pass remti apiangin remti ti rawh u le. Remtilo chuan remtilo remtilo tirawhu le. Main Body of the Bill Chapter 2 hi House in lungrual takin a passed a ni. Hei hi Bill a tel a ni. Chuan chapter 3 na atanga 24 na hi hlawmkhatin la dawn t ila, heng Main Body of the Bill chapter 3 na Municipal Authorities chapter 4 na Election of Councillors Chapter 5 na Board of Councillors, chapter 6 na Power and Function of Municipalities chapter 7 na Municipal Establishment, chapter 8 na Municipal Fund, chapter 9 na Municipal Property, chapter 10 na Budget Account & Audit, chapter 11 na Public Streets Public places and private streets, chapter 12 na Buildings, chapter 13 na Public Constituency and Private Conservancy, chapter 14 -na Violence, chapter 15 -na .....

Licence and Fees, chapter 16 na Municipal Taxation, chapter 17 na Water Supply chapter 18 na Drainage and Swarage, chapter 19 na Restraint of infection, chapter 20 na Vital Statistics, chapter 21 na Disposal pf date, chapter 23 na State Election Comission and State Finance Commission, chapter 24 na MiscellLenous te hi pass remti apiangin remti ti rawh ule, remti lo kan awm em ? remti lo kan awm chuan remti lo ti rawh ule.

Awle, heng main body of the Bill chapter 3 – 24 na te hi House in lungrual takin a passed a ni. Hengte hi Bill a tel a ni.

Tunah Schedule 1 leh 3 na te hi passed remti apiangin remti ti ru le, remti lo kan awm chuan remti lo ti ru le. Awle Schedule 1 leh 3 na te hi House-in lungrual takin a passed a ni. Hei hi Bill a tel a ni.

Tunah chuan Preamble & Acting Formula Clause-I Short Tittle leh Clause-II Definition hi pass remti apiangin ‘remti’ ti ru le. Remtilo kan awm chuan ‘remtilo’ ti ru le. Preamble and Acting Formula Clause-I Short Title leh Clause –II Definition te hi House-in lungrual takin a pass ta a ni. Hei hi Bill-a tel a ni.

Awle, tunah chuan ‘The Mizoram Municipalities Bill, 2007’ hi pass remti apingin ‘remti’ ti ru le. Remtilo kan awm chuan ‘remtilo’ lo ti ru le. Awle, ‘The Mizoram Municipalities Bill, 2007’ chu House-in lungrual takin a pass ta a ni. ( Pu Zoramthanga : Pu Speaker, ka lawm e)

Awle, nichina bill neituin a sawi ang khan spelling mistakes leh typing mistakes thenkhat lo awm sawilante kha patent error-ah kan pawmsak a, khang kha siamthata hma lak tur a ni ang khami chin zawng kha. Awle, wawina kan rorel tura kan chhawpchuah chu kan lo zo leh ta a. Kan chawl rih ang a. Naktuk 30 March, 2007 Zirtawpni 10:30 a.m. ah kan thukhawm leh dawn nia.

Sitting adjourned. 3 : 55 p.m.